

CAROLI CHRISTIANI HEUBACH

GRVNSTADIO LEININGENSIS

COMMENTATIO

DE

POLITIA ROMANORVM

SEV VETERIS VRBIS ROMAE.

IN CERTAMINE LITTERARIO

CIVIVM

ACADEMIAE GEORGIAE AVGVSTAE

DIE IV. JUNII MDCCCXCI

PRAEMIO A REGE M. BRITANNIAE AVG.

CONSTITVTO

EX SENTENTIA AMPLISSIMI ORDINIS PHILOSOPHORVM

ORNATA

Εἰς τὴν αὐτοῦ
ταφὴν ἀπερ. Pindar.

GOTTINGAE

TYPIS JOANN. CHRISTIAN. DIETERICH.

1791/8 1/2
Don't

CAROLI CHRISTIANI HIERONYMI
COMMEMORATIONE
POLITIA ROMANA

SEN VETTERIS VITIS ROMAE

CHURCH OF THE HOLY SPIRIT

CHURCH

CHURCH OF THE HOLY SPIRIT

CHURCH OF THE HOLY SPIRIT



1887

SERENISSIMO
PRINCIPI AC DOMINO
DOMINO
FRIDERICO-GUILIELMO

PRINCIPI NASSOVIAE COMITI IN SARBRÜKEN ET SARWERDEN
DYNASTAE IN LAHR ET MAHLBERG, AC WISBADEN
ET IDSTEIN RELIQUA

ORDINIS ELEPHANTI EQVITI
PRINCIPI AC DOMINO SVO
CLEMENTISSIMO

HASCE STVDIORVM SVORVM PRIMITIAS

D. D. D.

CAROL. CHRISTIAN. HEUBACH.

PRINCEPS SERENISSIME,

*V*t excelfo TVO nomine huius libelli frontem inscribere auderem, mouit me et animum confirmauit summa TVA, SERENISSIME PRINCEPS, quam omnes veneramur, indulgentia et clementia, quam placido vultu prae TE fers, quaque omnium, quibus adire TE contingit, animos ac voluntates expugnas, et ad TVI amorem adiungis. Laetus igitur opportunam, quae sese mihi obtulit, occasionem arripui, qua et pro munere scholastico mihi delato et pro indulgentia, qua iuvenile meum studium excitare, fouere, atque augere hucusque non es dedignatus, quas semper habebo, eas et publice gratias agere liceret. Iure autem TIBI, DOMINE, debebantur istae meorum studiorum primitiae, quippe qui clementissima ad gymnasium TVVM euocatione ~~me~~ ad inceptum tum opus, si non pertexendum, absoluendum, tamen acerri-

PRINCIPES ERLANGEN
mum animo calcar addideris; ut videlicet humaniorum litterarum, ad quas docendas euocarer, quamuis exile, aliquod tamen meum exstaret specimen. Quod quidem si a TE clementer acceptum fuerit, nihil amplius exoptandum mihi nunc restabit, quam ut, quae summa in TE est clementia, ei et gymnasium, cuius amore flores, et me in illo collaboratorem a TE constitutum, in posterum quoque commendatum habeas. Summa TE religione, pietate et reuerentia, dum vita manebit, prosequar

NOMINIS. TVI SERENISSIMI

Dab. Weilburgi

d. XIX. Augusti MDCCXCI.

cultor deuotissimus,

CAR. CHRISTIAN. HEUBACH.

Quaestio ab Amplissimo Philosophorum Ordine concertandi causa nobis proposita sic sese habet:

Praemio ornabitur is qui optime commentatus fuerit de politia veteris urbis Romae. Satis autem erit, de us tantum rebus differere, quae ad securitatem, tranquillitatem, comoditates et ornamenta potissimum spectarunt.

PROLEGOMENA

§. 1.

De diuersarum, in quas omnes πολιτείας a) auctores, in delineandis eius finibus vt in disciplina noua, discesserunt, sententiarum discussione, aut si tali negotio impares fuisset, saltem enarratione, non est, quod simus solliciti. Superfedere enim optimo iure illis possumus, cum iam in quaestione proposita indicetur, quatenus ad politiam, certè ad illam eius partem, quam nunc tractamus, spectare, sit nobis statuendum. Et si hac ratione labore non exiguo simus leuati, grauior tamen aliunde exiit. Scilicet cum omnia fere politicae instituta ex diuersis rationibus considerari, atque inde modo ad hanc, modo ad illam politicae partem referri possent, diligenter fuit circumspectum de loco opportunissimo, quo argumentum quoduis disponi deberet. Quod me male interdum habuisse, sincere profiteor, nec, vt optimum cuique rei locum eligerem, Apollinem mihi semper propitium fuisse, iam nunc satis intelligo, alios autem in hoc negotio multo me feliciores fuisse, sat scio. Id vero primum hoc stadium ingresso mihi aliter euenire vix potuit. Certe vt repetitiones euitarem, ad ea capita res referre studui, ad quae potissimum pertinere mihi viderentur.

A 2

§. 2.

a) πολιτεία graecis primum significauit constitutionem reipublicae, deinde etiam reipublicam ipsam, tali constitutione gudentem. Reipublicae vero constitutio spectat ad statum illius externum, atque internum. Statum externum politice curat, internum vero eiusque curam vt π.

λειτουργία nomine designaremus, vsus loquendi ita tulit. In cuius notione constituenda cur etiamnum auctores dissentiant, eius rei causam ostendit Ill. Beckmann in annot. ad §. 3. libri a se editi: von Justiz Grundsätze der Polizeywissenschaft. p. 5 sq.

Politia Romanorum a parvis initiis, sicut et eorum imperium et omnes res mortalium, processit, in singulis tamen partibus ad perfectionem haud contemnendam adducta est. Systema politiae nunquam condiderunt, etiam vocabulo ad illam designandam destituti; omnia ex usu atque experientia, recordatione similium casuum qui antecesserant, fluxere. Initio satis habuerunt, si necessitatibus maxime urgentibus possent succurrere. Itaque ut omnino primis Romae temporibus paucae leges in urbe erant, ita pauciores adhuc ad politiam spectabant, iussa regum si res postulabat, pro legibus atque institutis erant, ad eos gravissima quaeque referebantur, eorum omnes dicto annuere, imperio parere cgebantur. Civitas autem nequedum populo satis frequens, neque opibus locuples, communibus civium animi coniuncti periculis, natura paucis contenta; nondum luxuries, nondum illa, quae fere opes consequitur, malarum artium lues in urbem invaserat. Postea ut sensim sensimque reipublicae opes, civiumque numerus maioribus auctus est incrementis, tunc et casus saepe emergebant, quibus publice erat providendum. Tunc ut ad varios morbos varia medicamenta investigata sunt, atque inventa, sic ad ea mala, quae manare coeperant in civitate, comprimenda et sananda, paulatim certus quidam mos, quem in similibus recurrentibus sequerentur, introductus, sic leges et instituta ad politiam spectantia necessitas peperit, plurima tamen diu casui fortique relicta.

Quae de primis politiae Romanae initiis hucusque in uniuersum disseruimus, illa etsi satis bene forsitan se habeant, de singulis tamen si quaestio incidit, parum aut nihil est, quod certi statuamus. Nota est historiae Romanae quatuor aut quinque ab V. C. seculis incerta ratio, tenebraeque illi obductae neminem latent. Ut de Gallico incendio taceam, (quo licet plurima historia Rom. monumenta perierint, dubito tamen, an ullum, quod ad politiae historiam spectaret,) sexto demum V. C. seculo historiarum scriptores inter Romanos exstiterunt. Verum ne hos quidem temporis iniuria nobis seruauit, et si seruasset, parum illi nos in hac nostra causa adiuuarent. Multo enim diligentiores illos fuisse in anilium fabularum et superstitionum narratione, quam in iis, quae hic loci curamus, memoriae prodendis, ex Linio, quem illos tanquam historiae fontes sequi oportuit, plus satis intelligimus. Saepe enim dum ex illo quaererem, quae in usum meum possem convertere, vix mihi ab ira temperassem, nisi statim succurisset, ea, quae nunc ex illis scire cuperemus, illorum temporibus, vulgaris et notatu indigna videri debuisse, neque illis historiarum auctoribus unquam in mentem venire potuisse, viginti seculis interiectis nos de politia Romanorum esse certaturos.

Reſta

Restat quidem alius rerum Romanarum scriptor qui antiquissimae historiae Rom. notitias, Iuio, inferiorum temporum historia magis adlaborante, accuratior atque diligentior collegit et composuit, Dionysium puta Halicarnassensem; verum is hypothese quadam mente impedita et occaecata historiam scribendam adgressus est. Cum enim recte observasset, multa antiquissimorum Romanorum instituta graecum aliquid sapere, amore ac studio gentis suae ita Romanos, quasi Graecos colonos fingit et quae pluribus saeculis post V.C. acciderunt, ipse Romulo et Numae tribuit, quos omnino sapientissimos reges, sicuti totam rempublicam egregie iam primo initio cultam et optime institutam, quasi Athenis coloniam deductam, fuisse nobis persuadere cupit. Hinc iam satis apparet, quam parua sit ipsi fides habenda et quam longe ipso duce aberrare a veritatis scopo possemus. Hoc tamen iure contendere posse videtur, leges et instituta primis regibus ab illo attributa perantiqua fuisse, adeo vt ferioris historiae testimoniis non facile refelli posset, et haecenus quidem firmioribus adiumentis fontibusque purioribus destitutus non dubito illum in quibusdam esse sequendum.

Ceterum omnes, quibus profeci, antiquitatis scriptores hoc loco recensere et nimis longum et superuacaneum arbitror. Commentatione ipsa inspecta cuius illud apparebit; cum semper infra adiecerim, quibus fontibus hauserim, et in hoc quidem sequum iudicem non fugiet, me quantum fieri posset, ad primos fontes rediisse.

§. 3.

Iam si politiae obiectum atque finem, in quaestione certe nostra praecipuum propositum, omnino species, *securitatem* puta *tranquillitatemque urbis tuendam*, (commoditatum enim ornamentorumque cura tanquam opus quoddam supererogationis, ex summorum certe politicorum sententia, ipsi iniuncta est) statim intelligas, potestatem legislatariam non minus, quam quae leges exsequendas curat, (executivam) ad politiae munus pertinere. De utraque igitur nobis est agendum. Legum autem ad *πολιτείαν* spectantium duplex fertur genus bene discernendum. Aliae enim ita comparatae sunt, vt permaneant, aliae nonnisi in brevius aliquod tempus, aut momentum latae.

Leges omnino et in his etiam ad politiam referendas primi inter Romanos tulerunt reges (cum Senatu) penes quos etiam summa politiae, si quidem illorum temporum aliquam statuere velis, cura et administratio fuit. Postea vero illis exactis leges permanentes latae a Decemviris, deinde a populo in comitiis; aliae autem in causis trepidis a Senatu, quae quidem *SCta* atque decreta vocantur, aliae a Magistratibus, iure edicendi gaudentibus.

Enersa republica Imperatores plerasque leges per Rescripta tulerunt, quas saepe Senatus decreto firmandas curarunt. Et omnes quidem has leges ad politiam Urbis et quidem IV. illa capita spectantes ex omnibus legibus Romanis, ubi usque ad nostram aetatem indifferetas iacuerunt, vt ex imensa quadam farragine, segregandae fuerunt atque eligendae.

Legum executio singulis mandata magistratibus, quos quidem hoc loco enumerare non solum a re non alienum, sed etiam ad introductionem necessarium arbitror.

Reges igitur prioresque Consules, cum totius reipublicae curam gerent, et politiam, qualiscunque illo tempore fuerit, curasse, vix opus est monere. Tam vero cum, crescente republica, Consulium officia atque negotia in tantum augerentur, vt vix omnia humeri illorum possent sustentare, noui temporis successu magistratus sunt inuenti, in quos singulae consularis officii partes transferrentur. Itaque a V. C. 260. *Aediles plebis* creati curam aedium publicorum priuatarumque, actorum populi custodiam, nec non spectaculorum exhibitionem susceperunt; quod posterius negotium V. C. 387. in *Aediles curules* translatum est. V. C. 311. *Censores* creati, vt Consules ab officio populum censendi liberarent; qua parua origine ortam postea tanto incremento auctam censuram tradit Liuius b), "vt morum disciplinaeque Romanae penes illam regimen, Senatus equitumque centuriae decoris dedecorisque discrimen sub ditione eius magistratus, *publicorum ius priuatorumque locorum*, vectigalia populi Rom. sub nutu atque arbitrio essent." Postea etiam Aedilium officiis atque negotiis nimis auctis atque multiplicatis, vt curarum parte illi tenerentur, alii magistratus inferiores inuenti. Ita praeter *Curatores extra ordinem* creatos et a numero denominatos v. c. *Viros muris turribusque reficiendis*, *Quinqueviri cis et vsq. Tiberim*, incertum est quo anno, sunt constituti, vt noctu urbem perambulantes incendia cauerent; eodem modo *Triumviri nocturni*, qui vigilias noctu in vrbe circumirent et ad orta incendia concurrerent; *IVviri viarum urbanarum* curatores; *Aediles Cereales* a Caesare demum constituti ad procurandam urbis annonam.

Ab Augusto omni politia Rom. mutata, noua deinceps rerum facies emerfit. Is enim manentibus plerisque priorum magistratuum nominibus, officiis tamen permutatis novos constituit; in his *Praefectum Urbi*, cui summam in vrbe potestatem in manus tradidit eique subiecit *Praefectum annonae* et *Vigilum*, quos magistratus esse Icti negant c), sed extra ordinem utilitatis causa constitutos esse volunt; *Curatores aquarum cum adiutoribus*; *operum publicorum*; *viarum*; *alvei Tiberis*; *Curatores regionum et Vicomagistros*. Postea his alii adiecti *Curator operum maximorum*; *Tribunus fori suarii*; *Tribu-*

b) L. IV. c. 8.

c) Pomponius l. 2. §. 33. de Orig. Iuris.

Tribunus rerum nitentium, Curator flatarum, qui et Comes Romae dictus Curator Minucias frumentariae, Comes horreorum omnino, et Galbianorum speciatim Curator.

Quorum omnium magistratuum officia, quatenus illa ex monumentis antiquis eruere contigit, in ipsa commentatione declarabuntur, et quidem ita in hac re versatus sum, ut legibus atque institutis, quae ad politiae Rom. quatuor illa capita pertinent, commemoratis statim subiicerem, quinam magistratus illa curant.

CAPVT I.

De securitate Urbis.

§. I.

Quae omnino causa atque ratio mortalibus exstitit, ut multis, quibus in statu naturali fruerentur, commodis posthabitis atque neglectis, in societates resque publicas simul coirent, scilicet ut securi vitam degerent, paratisque quieti fruerentur, eam praesertim et primam urbis condendae rationem, atque finem habuerint propositam. Securitatis igitur et internae et externae gratia leges primum latae et instituta seruata sunt. Iam vero ciuitatis *securitas externa* ad politice spectat, interna ad nostrum consilium. *Securitas interna* est vel publica vel priuata, *publicam* vocabulo proprio *Tranquillitatem*, (si quidem dextro Apollinae notiones vocum, alias confusas, constituere mihi contigit) vocamus. *Securitas interna priuata* nihil aliud est, quam ille omnium ac singulorum ciuium et incolarum status, ubi intra ciuitatis moenia

I. neque de vita sua aut iniuriis in corpus illatis,
II. neque de honoris ulla violatione,
III. aut bonorum detrimentis sit metuendum. Haec quidem est illa securitas, quam ciuibz atque incolis urbis praestare primum politiae munus est atque officium. Nunc iam videamus, quibus legibus atque institutis quorumque magistratuum cura securitas illa Romae a primis inde temporibus, quantum ex antiquitate memoriam illorum repetere licet, usque ad imperii occidentis postremam aetatem quiescit, parata, aucta sit et conseruata. Initium igitur faciendum a securitate vitae et corporis seu personae, cui quidem varia, quibus politia prospicere debet, imminant pericula: scilicet

I. a casibus manifestis et clandestinis,
II. ab imprudentia hominum atque socordia,
III. a neptis,
IV. ab angustiis annonae, aliarumque rerum, quae ad vitam sustentandam necessariae sunt, defectu.

SECTIO I.

SECTIO I.

De securitate vitae.

PARS I.

Quae ad vitae pericula, ab improborum insidiis dolose malo atque iniuria in ciuitate imminencia, depellenda Romae instituta fuerint.

§. 1.

Leges de vi.

Cum nulla ciuitas stare et incolumis esse sine legibus praesertim iis, quae vim, quae iniurias arceant, diu autem vigere multo minus possit: primis statim Romae conditae temporibus leges de vi exstitisse, nobis persuasum esse deberet, etiamsi nullum eius rei in historia testimonium posset deprehendi. Verum enimvero adfuit luculentiora argumenta, quorum primum hoc est: quod coloniam ex Alba Longa, quae iam ad cultioris vitae gradum emerferat, Romam sciamus deductam, adeoque et leges urbis maternae, quod semper in coloniis factum historia docet, simul translatas. Deinde etiam scriptorum supersunt testimonia et quidem iam de Romulo, qui legem tulisse fertur de parricidio seu de caede hominis liberi. Nam aduersus eos, qui patrem matremque occidissent, sapientissimus ille legislator, sicut a Dionysio fingitur, tanquam prior Solon, poenam nullam statuit. Postea Numa Pompilius legem his verbis composuisse traditur atque edidisse: *si quis hominem liberum dolo malo morti duit, parricida esto.* Quae lex repetita est in XII. Tabb., et capitis poena sancita; mitius tamen puniebatur is, qui casu homicidium commisisset. Cogebatur enim pro capite occisi in concione arietem subiicere, id est, Festo interprete, agere, ut pro se caederetur expiandi causa, quod fiebat exemplo Atheniensium. Ibidem addita lex de parricidio: qui parentem necasset, caput obnubito, culleoque insutus in profluentem mergitor. Postea V. C. 673. Lex Cornelia de sicariis a L. Cornelio Sulla dictatore lata puniit eum: qui quem occiderit, etiamsi seruus esset. Eadem lege securitati dominorum a seruis prospectum erat cautumque: ut si quis domus suae necatus esset, is qui seruos, qui ante quaestionem fugerint, peruestigarit et indicarit, in singulos seruos, quos eius caedis conuicerit, quinqs aureos ex bonis occisi, aut si inde redigi non possent, ex publico acciperet. Augustus, quibus diebus spectacula exhibuit, custodes in urbe disposuit; ne raritate remanentium grassatoribus obnoxia esset. 4).

§. 2.

4) Sueton. in ej. vita. c. 43.

§. 3.

Patria potestas.

Patria potestas apud omnes fere rudes populos vñitata, quae patri plenum ius vitae et necis in liberos tribuit, iam Romuli lege: de pleno patrum in liberos cuiuscunque aetatis arbitrio, firmata fertur e). XII. Tabularum lege idem sancitum: *endo liberis iustis vitas, necis venundandique potestas patri esto, verum si pater filium ter venunduit, filius a patre liber esto.* Satis quidem certum est, mitescens moribus non vsque adeo exercitam fuisse illam vitae necisque potestatem, neque tamen lege in hanc rem lata concidit, sed deferbuit sensim, et postquam mores eam subegissent, accessit demum publica auctoritas tum Ictorum, tum principum, quae damnauit et vindicauit facinora ex illa peracta. Pompeii M. temporibus adhuc viguisse in liberos etiam vsque ad mortem decernendi potestatem, apparet ex lege Pompeia de parricidio, vbi omnes, qui parricidio teneantur, enumerans, patres liberos occidentes omisit. Neque Augusti tempore patribus interdictum fuisse, liberos quos vellent, necare ex lege Iulia de adulteriis probauit Bynkershoek f). Lex autem Cornelia de sicariis, quae vtraque prior fuit, hominem quidem occidi vetuit, sed saluo cuiusque iure. Traianum primum ius patrium eueruisse, ex eo certo colligi potest, quod ille coegerit patrem emancipare filium inclementius habitum. Hadrianus autem patrem filii sui, qui nouercam adulterabat, interfectorem deportatione puniuit g). Sub Alexandro Seuero patria potestas ad solam castigationem erat redacta, quod Vlpianus docet l. 2. D. ad leg. Corn. de sicar. Inauditum inquit, filium pater occidere non potest, sed accusare eum apud Praefectum (Vrbi) praesidemue prouinciae debet; et l. 1. §. 2. D. de obseq. parent. et patr. praest. si filius matrem aut patrem, quos venerari oportet, contumelia afficit et impias manus eis infert, praefectus vrbi delictum ad publicam pietatem pertinens pro modo eius vindicat. Constantinus Imp. h) post Chr. 318. patres filiorum interfectores poena parricidii adficiendos constituit. Secuta est lex Valentiniani, Valentis et Gratiani Imppp. i) data Romae ad praefectum praetorio: si quis necandi infantis piaculum aggressus aggressaque fuerit, sciat se capitali supplicio esse puniendum.

§. 4.

Expositio liberorum.

De hoc Romanorum more, qui apud omnes populos incultos obtinuit et adhuc obtinet, ex nostro sensu tam atroci vt recte iudicemus, duo habeo omnino

e) Dionys. Halic. L. II. p. m. 96.

f) De iure occid. liberos in Opusc. p. 160.

g) L. 5. D. ad leg. Pompeii de parricid.

h) In l. vn. C. IX. tit. 17. de his qui paren. vel lib. occid.

i) In l. 8. C. IX. tit. 16. ad l. Corn. de sicar.

omnino monenda. Quorum primum hoc est: liberorum educationem in populo neque agrorum idoneo cultu, neque artibus, mercatura et nauigatione, quibus vitam plures possunt sustentare, instructo esse difficilissimam. Itaque antiquitus cum familiae nimis auergerentur, ita ut agrorum portiones illas alere non amplius possent, ad nimiam ciuium frequentiam remedium, quod annonae penuria famesque, etsi male, suadebant, liberorum expositionem adhibuerunt. Deinde etiam hoc animo tenendum, in populo rudi ac bellicoso puer si nasceretur, in eo non hominem, ut apud nos, sed ciuem futurumque patriae defensorem esse spectatum, adeoque eum, qui propter infirmitatem corporis aut membrorum aliquod vitium militis officiis aliquando subeundis parum idoneus videretur, esse expositum. Qui antiquissimus mos circumscriptus iam Romuli lege traditur *k*): ne quis triennio minorem non monstruosum exponeret, ac ne hunc quidem nisi ex quinque vicinorum consilio. Expositi olim sunt liberi in foro Olitorio ad columnam Lactariam. Verum enim vero barbarus ille mos, populo Romano et belli fortuna et cultu et commercio, nec non humanitate aucto, satis mature decoxit, quamquam et ipse moribus prius, quam legibus interdictus. Tum honestum erat liberos suscipere, orbitas contempta. Imp. Constantinus post Chr. 315. legem tulit, quae parentum manus a parricidio arceret, aereis tabulis vel ceruffatis vel linteis mappis per omnes ciuitates proponendam: ut si quis pater praefidi prouinciae adferat sobolem, quam pro paupertate educare non possit, nec in alimentis nec in veste ex fisco atque re Caesaris priuata impertienda tardaretur *l*). Verum haec lex ad Romam non pertinet. Valentiniani autem Valentis et Gratiani Imppp. de liberorum expositione lex generalis his verbis descripta est: unusquisque sobolem suam nutriet, quodsi exponendam putauerit, animaduersioni, quae constituta est, subiacebit *m*). Vnde colligi potest iam antea non impune liberos fuisse expositos.

Leges de partu abactio seu in ventre necato ad illam politiae partem spectant, quae de populo augendo tradit, neque de securitate eius, qui nondum natus est, hic agitur.

§. 5.

Potestas dominorum in seruos coercita.

Leges Romanorum cum ius vitae et necis parentibus in liberos darent, nihil mirum esse potest, si ius idem dabant in seruos. Diu autem barbara illa in seruos faciendi licentia iusque vitae et necis dominis permansit. Itaque Hispo Romanus apud *Senecam* *n*) tanquam ex iure vulgari pronunciat:

k) Dionys. Halic. L. II. p. m. 88.

l) Cod. Theod. L. XI. tit. 27. de aliment. quae inop. parentes &c.

m) L. 8. C. ad l. Cornel. de sicar.

n) Cōtrouers. L. X. c. 4.

ciat: in seruum nihil non domino licere. Certe sub Imperatoribus tandem infinitum illud imperium temperatum est atque emendatum. Ac primum quidem lege Petronia Senatusque consultis ad eam pertinentibus potestas dominis ablata, ad bestias depugnandas suo arbitrio seruos tradere, vt Modestianus auctor est *o*). Legem Petroniam ad Augusti tempora referunt alii, alii ad Neronis spectare, Hottomannus V. C. 813. latam contendunt; quae posterior sententia vera mihi videtur. Nero enim seruis et libertis plerumque circumfusus dominorum saecritiae frena iniecit, iudicesque dedit, qui seruorum querelas audirent; quanquam hoc iam Caium Imp. fecisse sunt, qui referant. Illud extra omne dubium est positum, Hadrianum seruos a dominis occidi vetuisse eosque iussisse damnari per iudices, si digni essent *p*). Secuta tandem est Antonini Pii constitutio, qua is, qui sine causa legibus cognita seruum suum occidit, non minus punitur, quam qui alienum *q*); qui vero alienum occiderat, lege Cornelia de sicariis tenebatur, quae non distinguebat, cuius conditionis homo esset *r*). Cum antea mancipia miseram ad senectutem redacta misere tractarent, ipse enim Cato ille maior seruos aetate confectos tanquam inutilia pondera domo eiecit *s*), Claudius imperator, cum quidam aegra et affecta mancipia in Aesculapii insulam taedio medendi exponerent, omnes, qui exponerentur, liberos esse sanxit, nec redire in ditionem domini, si conualuissent; quodsi quis necare mallet, quam exponere caedis crimine teneri *t*). Similem legem Vespasiani seruauit Dio Cassius *u*). Vlpianus autem *x*): "Seruos, inquit, Praefectus Vrbi de dominis querentes audiat, si saecritiam, si duritiam, si famem, qua eos premant, si obscoenitatem, qua eos compellarint vel compellent, apud illum exponant. A Diuo Seuero hoc quoque officium praefecto Vrbi datum, vt seruitia tueretur, ne prosituantur."

Neratio Prisco et Annio Vero Coss. Sctum factum est, quo is, qui seruum castrandum tradiderit, pro parte dimidia bonorum multatus est *y*). Quod Sctum nisi antiquius putes, (Consulum autem haud dubie suffectorum nomina in fastis consularibus frustra quaesui) Domitianus primus castrari mares adeoque et seruos vetuit *z*). Idem Nerua constituit. Hadrianus autem rescripsit: "Constitutum quidem est, ne spadones fiant, eos autem, qui hoc crimine arguerentur, Corneliae legis poena teneri, eorumque bona

B 2

fisco

o) D. 48. tit. 8. l. 11.

p) Spartian. in eius vita c. 18.

q) D. I. tit. 6. de his qui sunt sui vel. al. iuris. l. 2.

r) D. 48. tit. 8. l. 1. §. 2. cf. D. VIII, tit. 2. l. 23. §. 9.

s) Plutarch in vit. Caton. c. 10.

t) Sueton. in Claud. c. 25.

u) L. 60. p. 788. ed Steph.

x) De off. Praef. Vrbi D. I, tit. 12. l. 1.

y) D. 48. tit. 8. l. 6.

z) Sueton. in Domit. c. 7. Ammianus Marcell. XVIII, 4. Martial Epigr. V, 2. IX. 7. 9. v. 5.

fisco meo merito vindicari. Nemo enim liberum feruumque castrare debet; medico, qui aduersus edictum meum fecerit, capitale erit, idem ipsi, qui se sponte excidendum praebeuit." a) Postremo Constantinus quoque capuchios fieri vetuit, "qui fecerit, capite poniatur, mancipio tali, nec non etiam loco, ubi hoc commissum fuerit, domino sciente ac dissimulante, confiscando." b)

§. 6.

De Veneficiis.

Quod ab hoc scelorum genere ciuium capitibus imminet, eo maius est periculum, quo occultius illud perpetrari potest. Verum augebatur periculum Romae per seruos, quos pro aeternis hostibus Romani habuerunt, praesertim dominorum crudelitate exasperatos odioque incensos. Mirandum autem in hac re videtur, primum a veneficiis periculum non ab his, a quibus primum expectari poterat hominibus, sed a mulieribus atque matronis Romanorum vitae fuisse paratum. Cum enim in ciuitate per tot annos leges, quibus veneficia vindicarentur, nullae fuissent, veneficiiue nomine nemo adhuc in iudicium esset vocatus, unde quae tum probitas fuerit, apparet, tandem V. C. 423. c) primum de veneficio quaesitum est. Res a Liuiio d) (etsi dubitanter) refertur, et quoniam Romanorum in talibus causis procedendi modum nobis ostendit, paucis videtur declaranda. Cum annus ille pestilentia esset foedus, primoresque ciuitatis similibus morerentur morbis eodemque fere omnes euentu, ancilla quaedam ad Q. Fabium Maximum, Aedil. Curul. indicaturam se publicae pestis causam professsa est, si ab eo fides sibi data esset, haud futurum noxae iudicium. Fabius confessum rem ad Consules, Consules ad Senatum referunt, consensuque ordinis fides indici data. Tum patefactum, muliebri fraude ciuitatem premi, matronasque venena coquere. Ab iis, qui indicem per urbem secuti sunt, quaedam medicamenta coquentes inuentae, quibus in forum delatis atque ad viginti matronis per viatorem accitis duae ex his bibere iussae. Quod cum nec ipsae, nec reliquae abnuerent, epoto medicamento, omnes sua fraude interierunt, comprehensaeque earum comites magnum matronarum numerum indicauerunt, ex quibus ad 170 damnatae. Ex illo inde tempore ars infelix venena coquendi inter Romanos seruata. Legem tamen de veneficio expressam ante V. C. 673. non reperi, tum vero lege Cornelia de sicariis et veneficiis non is solum punitus, qui hominis necandi causa venenum confecisset, dedisset, sed et qui vel habuisset, vel vendidisset e).

Legem

a) D. 48. tit. 8. l. 4. §. 2.

b) Cod. IV. tit. 42. l. 1.

c) Ill. Beckmann in Gesch. der Erfindungen. St. 2. p. 260. factum circiter CC. annos ante Chr.

perhibet, sed puto esse sphalma typographi e CCCC. legendum.

d) Liuius VIII. 18.

e) D. 48. tit. 8. l. 1.

Legem Iuliam de beneficiis, quam alii Corneliam antecessisse, alii secutam volunt, ex Suetonio male intellecto *f*) originem traxisse persuasum habeo. Plures tamen de inevitabili illa fraude leges exstitisse, forsitan ex Quintiliani verbis colligas: venenum *leges* habere, emere, nosse denique vetant *g*). In Digg. *h*) duplex legitur SCtum, quo anno factum sit, mihi non constat; altero relegari iubetur ea, quae non quidem malo animo, sed malo exemplo medicamentum ad conceptionem dedit, ex quo ea, quae acceperat, decesserit; altero autem effectum est, ut pigmentarii, si cui temere cicutam, salamandram, aconitum, cantharidas &c. dederint, poena legis Corneliae tenerentur, quae primum fuit in insulam deportatio, omniumque bonorum ademptio, postea humiliores bestiis subiecti, altiores in insulam sunt deportati. Neque silenda, quae Paulus *i*) monuit: si ex medicamine, quod ad remedium datum erat, homo perierit, eum qui dederit, si honestior fuerit, in insulam deportatum, humiliorem autem capite plexum; qui vero abortionis aut amatorium poculum dederint, etsi id dolo non fecerint, et ex eo mulier aut homo perierit, summo supplicio esse affectos.

§. 7.

De autochiria.

Cum reipublicae, securitatis publicae et privatae gratia plurimum interfit, ne quis maleficus legibus sese subtrahere earumque poenas evadere possit, licitum esse nullo modo potest, ut mortem sibi quisquam consciscat, contra eo magis autochiriae publice occurrendum est, ne si eorum, qui sibi manus inferunt, frequentiora fiant exempla, homicida sub autochirias praesumptione securior possit latere. Itaque et Romanorum leges huic malo obuiam iuerunt et primum quidem poenae exemplum iam sub rege Tarquinio Prisco *h*) occurrit, a Servio autem, Virgilii interprete *l*) seu potius ab eo, quem ille secutus est, Cassio Hemina, Tarquinio Superbo tribuitur. Cum taedium laboris in exstruendis cloacis ponendi multi fugientes suspendio sese necarent, Tarquinius iussit, omnium ita defunctorum corpora crucibus affigi spectanda ciuibus simul et volucris laceranda. "Tunc primum, Servius addit, turpe habitum mortem sibi consciscere." In pontificalibus libris cautum fuisse, ut qui laqueo vitam finisset, insepultus abiiceretur, idem est auctor. Porro eodem teste Varro ait: "Suspendiosis, quibus iusta fieri ius non sit, suspensis oscillis, velut per imitationem mortis, parentari *m*). Etiam bona eorum, qui sibi mortem consciuere, non haeredibus, sed aerario

B 3

addi-

f) In vit. Claudii c. 33.*g*) Declamat. XII. 6.*h*) L. cit.*i*) Sententiarum L. V. 23. et in D. 48. tit. 19.

l. 38. §. 5.

k) Plin. XXXVI. 24. 3.*l*) Ad Aeneid. XII. 603.*m*) Servius l. cit. fragmentum in Varron. edd. nondum reperi.

addicenda leges quaedam olim sanciverunt, verum illae non ante primum post Chr. nat. seculum fere transactum latae mihi videntur. Nunquam autochiria per omnem antiquitatem frequentior, quam Romae sub Augusti quatuor indignis successoribus, cum plurimi sese interficerent, quia crimine maiestatis rei morte voluntaria bona cognatis servare possent, damnatorum autem fisco vindicarentur. Itaque Tacitus *n*) de iis, qui sub Tiberio de se statuerunt: "humabantur, inquit, corpora, manebant testamenta, pretium festinandi." Postea non licebat iniussu imperatorum et non probatis moriendi causis ex hac statione decedere. Lex erat: qui causas in Senatu voluntariae mortis non approbaverit, insepultus abiciatur. Itaque Euphrates Philosophus obiit mortem voluntariam, quum ei Hadrianus propter senectutem et morbum cicutam bibere concessisset *o*). Sub Diuo Pio tum demum bona eius, qui manus sibi intulit, fisco vindicata, si eo crimine nexus fuit, ut si convinceretur, bonis careret. Si quis autem taedio vitae vel impatentia doloris alicuius vel alio modo vitam finierit, successorem habere Diuus Pius rescripsit. Adiecit Papinianus *p*), ex quo haec didici: "Sed qui sine causa (idonea) sibi manus intulit, puniendus est; qui enim sibi non pepercit, multo minus alii parcat;" quae ratio valde ieiuna est, nisi quis vocabula "manus sibi inferre, aut sibi non pepercisse" de caede sui suscepta nec tamen peracta intelligat. Non soliti lugeri, teste Vlpiano *q*), suspendiosi, nec qui manus sibi intulerant, non taedio vitae, sed mala conscientia.

Autochiria cum plerumque ex summa desperatione oriatur, politiae est officium, curare homines illa correptos. Itaque Romae videmus carceris praepositum, si pretio corruptus ferrum venenumque in carcerem inferri passus esset, officio iudicis esse damnatum, et si nesciret, ob negligentiam remotum officio *r*), et si custodia (qui custodiebatur) se interfecisset, vel praecipitasset, militis (custodis) id culpa adscriptum *s*).

§. 8.

De duellis, an Romae fuerint?

Duella nostris temporibus praecipuam politiae curam efflagitant, quaerat forsan aliquis ex me, quid Romani de illis statuerint. Duella ea quidem vocabuli significatione, qua nos illo utimur, Romanis plane ignota fuerunt. Omnino inter Germanorum tantum populos videntur in usu fuisse et serioris etiam aetatis, cum opinio illa praeconcepta, quae praecipue duella gignit et alit, ex medii demum aevi barbarie sit exorta.

§. 9:

n) Tacitus Annal. VI. 29. ad A. V. C. 787. post Chr. 36.

o) Dio. LVIII. 15. et ibi interpretes.

p) D. 48. tit. 21. l. 3.

q) D. III. tit. 2. de his qui notantur infamia l. 11. §. 3.

r) D. 48. tit. 3. l. 8.

s) Ibid. leg. 14.

§. 9.

De iniuriis, quae corpori inferuntur.

Primis Romae temporibus, ut apud plurimas gentes nondum exultas, ut et apud Israelitas, ius talionis introductum erat, et XII. tabb. lege confirmatum, quam Fessus ait ¹⁾ ita sese habuisse: Si membrum rapserit (ruperit) ni cum eo pacit (paciscatur) talio esto. De iniuria, si quis pugno pulsatus aut fustibus caesus vel verberatus esset, puniendi ita cautum fertur: Si iniuriam alteri faxit, XXV. aeris poenae sunt ²⁾. Iniurias tamen atrociores iam XII. tabulae impensiori damno vindicarunt et v.c. propter os fractum nummariae poenae maiores constitutae. Lex Cornelia de iniuriis 673. V.C. lata actionem introduxit, quae competeret ob eam rem, quod se pulsatum, verberatumve domumve suam vi introitam esse quis diceret, quibus verbis omnis iniuria, quae manu fit, continebatur. Omnibus autem legibus antea de iniuria latis, derogavit lex Aquilia s. plebiscitum, cuius annum, quo factum est, ignoramus. cf. D. 9. tit. 2. ad leg. Aquiliam. Lege Iulia de vi priuata tenebatur is, qui conuocatis hominibus vim fecerit, quo quis verberaretur, pulsaretur, neque homo occisus esset; hac lege damnati pars tertia bonorum publicata ³⁾.

§. 10.

De cura armorum seruandorum.

Inter veterum Romanorum ad securitatem Urbis tuendam instituta primo loco habenda est cura armorum, quam suis magistratibus summam esse voluerunt. Nam quo alio modo subuerti securitas, turbarique facilius poterat, quam armis promiscue permixtis, quibus ab inimico quilibet opprimi sine remedio magistratuum posset? Itaque simulac ex bello ciues rediissent, arma eorum omnia (si bene memini) in templum Martis et Bellonae, quae extra urbem erant, collata, nec nisi rursus ad bellum proficiscentibus reddita. Inter XII. Tabb. leges et hanc referunt ⁴⁾: Qui cum telo hominis occidendi causa fuerit deprehensus, capital est. Postea plures, quibus omnino armorum in Vrbe usus prohiberetur, leges sunt promulgatae. Ita V.C. 675. Lex Plotia lata, cuius caput quoddam fuisse: ne quis cum telo esset, Sigonius ex iudiciis, quae hac lege facta sunt, docuit. Lex Iulia de vi publica, qua is tenebatur, qui arma, tela domi suae praeter usum venationis vel itineris vel nauigationis coegisset, proprie quidem ad tranquillitatem spectauit, verum etiam ad securitatem illam fecisse ex eo colligi potest, quod in eadem causa fuit: qui pubes cum telo in publicum fuisset ⁵⁾. Militibus autem sub finem reipublicae in Vrbe nonnisi gladios gestare permixtum fuisse, Dio his verbis decla.

¹⁾ Sub voce talionis.²⁾ Gellius XX. 1.³⁾ D. 48. tit. 7. l. 1. et 2.⁴⁾ Cic pro Milone.⁵⁾ D. 48. tit. 6. l. 3. §. 1.

declarat: Caesar επιτρεψε μιν αυτοις (scil. militibus seditiosis) εις την πολιν
 ανευ των οπλων, πλην των ξιφων εισελθαι. Ταυτα γαρ και εν τω αστει
 αλλως φορειν ειωθισαν — gladios enim alias in Urbe gestare consueuerant 2).

§. II.

De nocturna vicorum illustratione, an unquam Roma fuerit usurpata?

Magnum securitatis publicae praesidium esse nocturnam vicorum luminibus publice accensis illustrationem, qualis nunc in celebrioribus urbibus etiamque in hac Alma nostra usitata est, nemo quidem dubitabit. Quodsi igitur apud animum reputemus, Romanorum in conseruanda publica urbis securitate, sub melioribus certe Imperatoribus, sollertiam, Romam autem saepius luminibus legamus ornatam, e. g. in pluribus ludis a), praesertim secularibus, deinde cum Nero Tiridatem, Armeniae regem, Romam adduceret, V.C. 819. post Christ. 68. b) et Seuero Urbem intrante V.C. 946. p. Chr. 195. c); porro in animum reuocemus, Antiochiae iam olim d) morem, ut de nocte vicos publicos accensis lucernis illustrarent, existisse, vix satis mirari possemus, Romanos de illis luminibus noctu publice accendis nunquam cogitasse, nisi inter omnes constaret, quod de Columbi ouo narratur, illud in omnibus fere hominum inuentis accidisse. Nunquam Romanos e) de nocturna urbis illustratione, qua nos utimur, cogitasse contendendi. Nam quae Meursius argumenta ex auctoribus f) inuenisse putauit, quibus contrarium nobis persuaderet, ea ad persuadendum non sufficere, iam ante me alii viderunt. In Cod. autem Iustiniano L. VIII, Tit. 12. l. 19, vnde alii idem probare conati sunt, *luminaria praebenda* ad lauacrum referenda esse, primo oculorum obtutu, cuius interest locum inspicere, quiuis intelliget. Nemo mihi obiiciat, balnea noctu non patuisse, infra enim, ubi de balneis agemus, apparebit, certo quodam tempore etiam nocturna populo concessa fuisse. Neque ea loca, quae de Christianorum sub Nerone suppliciis diligentissime conquisiuit Ill. Beckmann g) ad rem probandam aliquid facere, ipse ingenue professus est. Contrariam vero, quam ego meam declaravi sententiam, alia etiam probare Ipsi videntur v. c. usus taedarum lucernarumque, si a coenis domum redirent, perquam necessarius, nisi in spissis tenebris errare aut domum repere vellent, ut Alexis ille apud Athenaeum Deipn. VI, 8.

Non multum edens bibensque multum, protinus

Discedo, lucernam puer nec fert mihi,

Serpo cadens persaepe per nigras tenebras.

§. 12.

2) Dio. 42. 52.

a) Sueton. in Calig. c. 18.

b) Dio. Cass. 63. 4.

c) Idem 74. 1.

d) Libanius Opp. ex ed. Morelli Vol. II, p. 387.

e) Hodie etiam Roma illo commodo caret.

f) Sueton. in Caesare. c. 31. Ammianus Marcell. L. XIV. c. 1.

g) In Gesch. der Erfind. St. I. p. 69 sq. et Tom. II. St. IV. p. 520.

§. 12.

De carceribus.

Carceres publicos, quibus scelesti et malefici contineantur et ab hominum iniuriis coerceantur, imprimis ad securitatem urbis tuendam necessarios esse, nemo nescit. Romae itaque iam sub Anco Marcio, cum in magna multitudine hominum, ut Liuius ait *h)* discrimine recte an perperam facti confuso, clandestina facinora fierent, carcer ad terrorem incrementis audaciae media urbs imminens foro aedificatus est. Qui deinde auctus a Seruio Tullio firmissima illa parte (*cachot*), quae ab eo Tullianum est appellata, in quo Catilinae coniuratos Cicero strangulari iussit *i)*. Et hic quidem diu solus in urbe carcer inuentus, vnde felicia Iuuenalis *k)* praedicat.

Secula, quae quondam sub regibus atque Tribunis

Viderunt vno contentam carcere Romam

Carceribus autem, (plures enim postea exstructi *l)*), vinculisque fontium seruandis praeerant Triumviri capitales, qui et, cum animaduerti oporteret, sumendo supplicio auctores atque moderatores erant *m)*. Cum de Bacchanalibus grauis illa quaestio esset, fugientes illarum consocios a Triumviris comprehensos legimus atque reductos *n)*. Carceris custodibus Romani primum vsi sunt seruis publicis, postea sub imperio militibus urbanis. Ceterum illud probe notandum, nullos Romae fuisse carceres praeter eos, quibus malefici usque dum de iis supplicium sumeretur, seruarentur, liberam vero custodiam (*Staatsgefängnis*) Romae non fuisse, sed qui captiui honoratiores perpetua custodia habendi essent, eos municipiis per Italiam fuisse traditos *o)*.

§. 13.

De Asylis.

Inter perniciofa ciuium securitati instituta, etsi huius gratia primum inuenta, referenda sunt Asyla in urbe, ad quae confugientes ab insequentibus vi legis defenduntur. Quod Romanos quidem non videtur fugisse, cum per omnes reipublicae liberae aetates, praeter Romuli Asylum, nullum Romae sit inuentum. Pro Asylis enim ut templa perfugio essent, initium demum factum a Iulii Caesaris *ἡρώω* a Triumviris exstructo et quidem cum hoc iure, ut perfugium eo cunctis esset, *ὅπερ*, ut Dio C. addit *p)*, *οὐδενὶ οὐδὲ τῶν Θεῶν, πλην τῶν ἐπὶ τοῦ Ρωμυλοῦ γενομένων, ἐδεδωκέσαν*, quod ante ne deo quidem cuiquam concessum, exceptis iis, quae ad Romuli asylum

h) Liv. I. c. 33.

i) Sallust. in Catilin. 55. 3.

k) Iuuenal. Sat. III. v. 312.

l) Liv. 3. 57. Plin. VII. 36. cf. Götting. Anzeigen 1790. St. 186.

m) Pomponius de orig. iuris. II. 30.

n) Liv. 39. 17.

o) Sallust. Catil. 50. 43. Velleius I. c. 9. et ibi Interpret.

p) Dio. L. 47.

asylum pertinent. Postea tamen plura pro asylius templa Romae fuisse, ex Taciti quodam loco innox excitando recte forsan elicias. Certius tamen est aliud Asyliorum genus sub Imperatoribus frequentatum, principum scilicet statuae atque imagines ^{q)}. Religioni enim ac venerationi tantae illas esse habitas constat, ut extrahere, rapere, violare eos, qui ad illas confugissent easque praetulissent, sine capitis poena non liceret. Itaque iam sub Tiberio V. C. 774. ^{r)} cum deterrimo cuique licentia incederet (al. insideret) impune probra et inuidiam in bonos excitandi arrepta imagine Caesaris, libertique etiam ac serui, patrono vel domino cum voces, tum manus intentarent, viro metuerentur, C. Celsius Senator differuit: "principes quidem instar Deorum esse, sed neque a Diis nisi iustas supplicum preces audiri, nec quenquam in Capitolium aliaue urbis templa perfugere, ut eo subsidio ad flagitia utatur." Tiberius quidem, teste Suetonio ^{s)} ius moremque asyliorum, quae usquam erant, aboleuit; de quo tamen an etiam Romae id fecerit, sunt qui recte dubitent. Illud certum accepimus, ad statuas principum confugere, nisi quis ex vinculis, vel custodia detentus a potentioribus, ad huiusmodi praesidium confugerit, imaginesue principum in iniuriam alterius portare, etiam SCtis fuisse prohibitum ^{t)}, qui contra fecisset, etiam in vincula publica missum, quod etiam Diuus Pius rescriptis. Cum et statuae Deorum eodem iure essent, quibusdam erat adscriptum: A SERVO NON TANGI.

CAP. I. SECT. I. PARS II.

De periculis, quae ab imprudentia et socordia vitae ciuium imminet.

§. 14.

De bestiis nocentibus.

De bestiis nocentibus XII. Tabularum lege ita cautum: Si quadrupes pauperiem faxit (damnum dederit), dominus noxi aestimiam oferto (aestimationem noxiae); si nolet, quod noxit (animal quod nocuit), dato ^{u)}. Idem etiam lege Pefulania de cane cautum fuisse, Paulus auctor est sent. L. I. tit. 15. Boui autem cornipetae foenum alligandum erat, ut qui obuian fieret, eius vitaret occursum, unde Horatianum illud: Foenum habet in cornu, fuge! Postea vel sub extrema reipublicae tempora, vel non ita multo post illam euersam (tempus enim non nisi ex argumentis internis definire licet) Aediles, quibus viarum securitas tuenda tradita erat, ob luxuriam quaestio-

^{q)} Seneca de Clem. I. c. 18. Seruis ad statuam licet confugere.

^{r)} Tacit. ann. III. 36.

^{s)} In Tiberio. c. 37.

^{t)} D. 48. tit. 19. l. 28. § 7. ibid. 47. 10. l. 38. et Cod. I. tit. 25. de his qui ad statuas confugiunt.

^{u)} D. IX. tit. 1. l. 1.

quaestionum quotidie ex culpa emergentium Edicto prohibuerunt: Ne quis canem, verrem vel minorem aprum, lupum, vrsu[m], pantheram, leonem aliudue, quod noceat animal, siue solutum, siue adligatum ibi habeat, vbi vulgo iter fit. Si aduersus ea factum erit, et homo liber ex ea re perierit, solidi ducenti, si nocitum homini libero esse dicetur, quantum bonum aequum iudici videbitur, ceterarum rerum, quanti damnum datum factumue sit, dupli x). Feram bestiam in ea parte, qua populi iter est, colligari, etiam a Praetore prohibitum Paulus memorat sent. L. I. tit. 15. Quod edictum praecipue spectauit ad belluas, quas procures Rom. in clathris et cancellis ferreis vel ligneis continebant, donec spectaculis populo exhibendis plurima producerentur. Vix autem tanta custodiri poterant diligentia, quin aliquando erumperent, et per urbem vagantes horrendas strages ederent. Hinc Chrysostomus y): "viuaria, scribit, publica in quibus bestiae ad spectacula seruabantur, remota fuisse a Curia, Praetorio et Palatio, ne forte bestiis erumpentibus periculum in his locis cuiquam crearetur." Huc etiam pertinet fossa illa in gyrum producta, Euripus dicta, quam Caesar, etsi iam antea clathris ferreis arena fuerat circumdata, Circo addidit, ne Elephanti circo inclusi populum terrerent, si forte eruptionem, sicut antea aliquando, tentarent z). Ad securitatem a bestiis nocentibus etiam illud referendum, quod Paulus in Digg. a) docet; scilicet in circulatores, qui serpentes (forsan et alia animalia) circumferrent et proponerent, si cui ob eorum metum damnum datum, pro modo admissi actionem esse datam. Nec a re alienum videtur verbo monere de furiosorum tutela quam habebant agnati, quorum culpa[e] adscribendum esse, si aliis furiosi exitio sint, Diuus Marcus et Commodus rescripserunt b).

§. 15.

De deiectis vel effusis.

Sine metu atque periculo per urbem vt commeari possit, curandum, iterque facientibus diligenter esse prospiciendum, ne socordia et incuria inhabitantium laedantur, facile est ad intelligendum. Quod autem a deiectis et effusis periculum Romae iter facientibus imminabat, ei quidem eo magis erat providendum, quo altiora educerentur priuatorum aedificia, de quorum parte superiore etiam leue pondus deiectum cadendo maximum impetum capere necesse erat. Itaque hac de re Praetor, quantum ex aliis conicere licet, satis mature, edictum proposuit, quod ita se habet: Vnde in eum locum, quo vulgo iter fit, vel in quo consistitur,

C 2

deiectum

x) Vid. Ed. egregie illustratum ab En. Qrtone de Tutela Viar. P. III. c. 1.

y) Homilia 60 in Mathaeum.

z) Plin. H. N. VIII. 7.

a) D. 47. 21. l. ult.

b) D. I. tit. 18. l. 14.

deiectum vel effusum quid erit, quantum ex ea re damnum datum factumque erit, in eum qui ibi habitauerit, in duplum iudicium dabo. Si eo ictu homo liber periisse dicetur, 50 aureorum iudicium dabo, si viuet, nocitumque ei esse dicetur, quantum ob eam rem aequum iudici videbitur, eum cum quo agitur condemnari, tanti iudicium dabo *e*). — Simili modo ei, qui ea parte, qua vulgo iter fieri solebat, id positum aut suspensum haberet, quod, si ceciderit, alicui nocere posset, poena X aureorum constituta *d*). Si putator ex arbore ramum cum deiceret vel machinarius hominem occidit, ita tenebatur, si is in publicum decidit nec iste proclamavit, ut casus eius evitari posset *e*). Notabile etiam est mirum illud edictum, quod Aediles, cum populus in theatro paene obruisset Vatinius quendam, proposuerunt: Ne quis aliquid praeter pomum iacere vellet *f*). Pilarum vero lusum in Vrbe ibi permissum fuisse, ubi vulgo tonfores raderent, aut his licuisse, eo loco radere, quo ex consuetudine luderetur, quod factum esse ex Digg. liquet *g*), neutrum politicae Romanorum laudi duci potest.

§. 16.

De plaustris intra Urbem interdum non ducendis.

Quodsi hominum multitudinem, civitatem, in qua turba per latissima *h*) itinera sine intermissione defluens elidebatur, et pericula cogites, quae inde a vehiculis et plaustris, quibus non facile cedere posses, praetereuntibus imminerent, nullus miraberis, etiam huic malo esse provisum. Huc quidem spectat, quod ad nostra tempora pervenisse laetamur, legis antiquae fragmentum *i*) ex tabula aerea, cuius quidem legis, etsi auctor et annus incertus, certum tamen est, illam non multo tempore post C. Sempronii Gracchi interitum fuisse promulgatam. Verba legis ita se habent: QVAE. VIAE. IN. V. R. SVNT. ERVNT. INTRA. EA. loca. vbi. continenti. habetabetur. nequis. iniéis. vieis. post. k. Ianuar. primas. plostrum. inter. div. post. solem. ortum. neve. ante. horam. X. diei. ducito. agito. nisi. quod. aedium. sacrarum. Deorum. immortalium. causa. aedificandarum. operisue. publicae. faciundei. causa. aduhei. portari. oportebit. aut. quod. ex. vrbe. exue. icis. locis. earum. rerum. quae. publice. demolienda. loca. erunt. publice. exportarei. oportebit. et. quarum. rerum. causa. plostra. certis. hominibus. certis. de. causeis. acere. ducere. licebit. In reliquis nominatim excipiuntur sacra publica, ludi, triumphi, quorum causa, quominus

c) D. IX. tit. 3. l. 1.

d) Instit. L. IV. tit. V. l. 1.

e) D. IX. tit. 2. l. 31.

f) Heineccius ad Edict. Aedilis. p. 64.

g) D. IX. tit. 2. l. 11.

h) De hoc vid. infra, ubi de viis agemus.

i) Fragm. hoc a generoso viro Briano Fairfax ex Italia coemtum, primum a Mich. Mettaire descriptum in lucem prodit 1738. post bicanium vero a Fr. Carol. Conrado in Parergis egregie illustratum, vnde a Mazocchi ad Tab. Heracl. repetitum.

minus plaustra interdum in vrbe ducantur. H. L. N. R. Plaustra etiam, quae noctu in urbem inducta sint, ea ut inania aut stercoreis exportandi causa post solem ortum H. X. k) diei, in vrbe Roma et ab V. R. P. M. ducantur, lex non prohibet. Hora vero decima diei plaustra in vrbe duci lex ideo permisit, quia cum a negotiis iam cessarent Romani et post lauationem coenam fumerent, parcius tum per vias commeantibus a plaustris obuiis non adeo timendum erat. Legem vero istam Iuuenalis tempore fuisse obliteratam, ex Vmbrii 1) Baias migraturi querelis licet colligere. Quare Hadrianus, teste Spartiano m) denuo prohibuit, vehicula cum ingentibus sarcinis urbem ingredi, quod iam Traianum fecisse ex Plinio n) discimus. In Septimontiali sacro abstinendum fuisse usu vehiculorum, quae iumentis traherentur, Plutarchus auctor est o). Nimirum eo fesso propter multitudinem populi, qui ex vniuersa Italia in urbem confluebat, usus vehiculorum vix esse poterat, ut anno praeterito Parisiis accidit, cum festum libertatis celebrarent idibus Iulii. Pari modo in ludis Augustalibus curru vehi haud permissum p).

Ne quid notabile hoc loco praetermisisse videar, mentio adhuc facienda est legis Oppiae, quae V. C. 539. vel 41. lata sic sese habuit: ne qua mulier iuncto vehiculo in vrbe aut propius inde mille passus, nisi sacrorum publicorum causa veheretur. Verum enim vero haec lex, iam post XX. annos iterum abrogata q) non ad securitatem viarum, sed ad leges sumptuarias spectavit, ut et SCtum de legibus matronalibus Lampridio r) laudatum.

Cum turbae per urbis itinera pressae antea mentio sit iniecta, lubet verbo monere de plurimis illis vomitoriis in theatris amphitheatrisque factis, ne populus glomeratim ingrediens aut finitis ludis effusus concursu elideretur s).

§. 17.

De ruinis.

Varia vitae ciuium pericula, quibus politicae officio liberari debent, etiam ab aedificiorum ruinis imminere, nemo est, qui ignoret. Romae autem frequentissimas fuisse ruinas, multi auctores testantur t). Aucta vero ruinarum pericula praecipue ab altitudine aedificiorum u), ad cuius auxilium deuenire res ipsa coegit, cum in maiestate urbis et ciuium infinita frequentia, plana in vrbe area multitudinem ad habitandum recipere non amplius posset x).

C 3

ficioꝝ

k) Hora decima, ut Conrado placet, horis decem Mazocchiꝯ pronunciandum putat.

l) Iuuenal Sat. III. 254.

m) In eius Vita c. 22.

n) In Panegyrico 51.

o) Quaest. Rom. 68.

p) Tacit. ann. I. 15.

q) Liv. XXXIV. 7 sq.

r) In Heliogabalo. c. 4.

s) Macrobi. Saturn. VI. 4.

t) Strabo V. 20. Iuena. III. 5 sq.

u) Seneca Controv. IX. 11.

x) Vitruv. II. 9.

ficiorum iam habita oratio, quam ab Augusto Senatui recitatam populoque per edictum notam factam, quo magis persuaderet, eam rem antiquis iam tunc curae fuisse, Suetonius perhibet *y*). Ipse Augustus ruinis subuenturus nimiam aedificiorum altitudinem sustulit vetuitque, ad vicos publicos altius LXX. pedibus tollere *z*). Etiam Nero aedificiorum altitudinem cohibuit *a*), quem vero in ea re modum seruavit, non constat, forsau eundem Augusti oblitteratum reuocauit. Traianus autem statuit: ne domorum altitudo LX. superaret pedes ob ruinas faciles et sumtus, si quando talia contingerent, exitiosos *b*). Ruinarum causa idem vehicula cum ingentibus sarcinis urbem ingredi prohibuit. Hinc Plinius *c*): "non ut antea, inquit, immanium transuersione saxorum urbis tecta quatuntur; stant securae domus, nec iam templa nutantia;" et alibi *d*): "Magnum hoc tuum non erga homines modo, sed erga tecta ipsa meritum, sistere ruinas." Romanos quidem lateritii operis parietes in vrbe haud passos esse, huc etiam spectare forsau alicui videatur, nisi aliam eius rei rationem Vitruuius *e*) traderet. Ceterum inter Aedilium praecipua munera et hoc memoratur: studere, ut murus pariesue vitio fatiscens et in ruinam pronus atque viae publicae confinis, siue aedium propriarum siue aliorum dirueretur, ne ruina praetereuntibus nociua foret, atque hoc ut facerent, indicta multa cogere aedium dominos *f*).

CAP. I. SECT. I. RARS III.

De Cura valetudinis.

§. 18.

Minoris omnino momenti fuerunt Romanorum de hac politiae parte merita, veruntamen et pauca ab illis praestita, utpote in rebus, in quibus gentis humanae tantum interfit, quaeque tam sero et nostris demum temporibus ad aliquam perfectionem perductae sint, ea, inquam, qualiacunque tandem fuerint, memoria digna. Valetudinis autem cura, quatenus ad politiam spectat, quatuor potissimum rebus cernitur,

1) ut aer in vrbe purus sit, et omnia remoueantur, quae illum possint inficere.

2) Cura

y) In Aug. c. 89.

z) Strabo L. V. p. 135. ed Casaub.

a) Tacit. ann. XV. 43.

b) Aur. Victor Epit. ad Vit. Traiani sub fin. Mensorem aedificiorum aliquando inter magistra-

tus fuisse, lapis apud Reinesium docet *syntagma*. Inscr. Class. IX. 85.

c) In Paneg. 51. 1.

d) Ibidem 50.

e) Vitruv. II. 8.

f) D. 43. tit 10. l. 2.

- 2) Cura fori, ne quis ad victum necessaria atque edulia vendat, quae ciuium sanitati officiant.
- 3) Vt medici et pharmacopolae in vrbe sint publice constituti.
- 4) Si morbi epidemici contagionesque vrhem inuadant, vt publice illis remedia quaerantur et procurentur. De quibus quid Romani statuerint, nunc sigillatim videndum.

§. 19.

*De cura purioris in vrbe aëris.*I. *De cloacis.*

Quod ad hanc primum attinet, apud veteres coelum vrbs grauius aëremque infamem fuisse, Frontinus affirmat *g)* et quidem propter immunditias vrbs et impuriore halitus, tum ex illis, tum ex aquis, quae in imis vrbs partibus stagnabant, manantes. Alteri quidem incommodo aquarum scilicet stagnantium remedium Romae paratum est ope cloacarum. Ita enim Livius *h)* de Tarquinio Prisco scripsit: "infima vrbs loca circa forum aliasque interiectas collibus conualles, quia ex planis locis haud facile euehebant aquas, cloacis e fastigio in Tiberim ductis, siccant." Et de Tarquinio Superbo idem: "cloacam maximam, inquit, receptaculum omnium purgamentorum vrbs sub terra agendum curauit, cui operi vix noua haec magnificentia quidquam adaequare potest *i)*." Sicuti hoc loco Livius, ita et alii scriptores in his operibus laudandis praedicandisque magnifice sibi indulgent *k)*. Praeter illas a regibus aedificatas sequenti tempore et aliae institutae, vt a censoribus M. Catone et Valerio Flacco V. C. 571. *l)*. Omnino cloacarum cura antiquitus ad Censores spectauit, qui eas et detergendas et reficiendas redemptoribus locarunt. Quod ad purgationis sumtus attinet, cloacas, cum aquas non transmitterent, a censoribus mille talentis *m)* purgandas fuisse locatas, Dionysius Hal. auctor est *n)*. Sub Augusto etiam Aedilis, Agrippa scilicet, sed vt videtur extra ordinem, non solum veteres deterisit, sed et nouas fecit, sic vt Roma tota pensilis subtus nauigaretur. Sub Imperatoribus ad Curatores aluei et riparum Tiberis et Cloacarum illa cura delata *o)* et vt minori aerarii impendio cloacae purgarentur, utebantur poenae damnatis, quos et ad balneum, munitiones viarum vicorumque datos accepimus *p)*.

De viarum purgatione, qua praecipue aërem vrbs puriorem conseruari constat, capite tertio, vbi de viarum tutela sermo fiet, agemus. Hoc loco monere

g) De aquaeductibus art. 88.

h) L. I. 38.

i) L. I. 56.

k) v. Plinius H. N. XXXVI. 24.

l) Liv. XXXIX. 44.

m) Ex nostra moneta 1,200,000 Thaleris.

n) Antiqq. Rom. III. c. 67.

o) Sueton in Aug. 37. et Gruter Inscriptt. p. 498. n. V. 381. III. 493. I. 454. V.

p) Plin. Epp. X. 4.

monere satis habeo, grauiter mulctatos esse, qui morticina, exuvias animalium aliaque purgamenta in publicum proiecissent. D. 43. tit. 10. l. 5.

II. De sepulturis in Vrbe prohibitis.

Ad remouendorum ab Vrbe impuriorum halituum quos a sepulturis in vrbe existere necesse est, curam primum spectat XII. Tabb. lex de sepulturis: In vrbe ne sepelito q). Romae autem multo ante latas a Decemuiris leges more quodam receptum fuisse, vt urbem extra sepelirentur vita defuncti, ex illa Ciceronis narratione apparet, qua Publ. Valerio Publicolae virtutis causa sepulchrum in vrbe a Senatu fuisse concessum, memoriae prodidit r). Legem XII. Tabb. nonnisi de publicis sepulcris intelligendam esse, Minutolus s) contendit, parum reputans legem absolute locutam. Tractu temporis cum exolescere illa coepisset, iam sub republica a Cos. Duillio t), postea vero etiam ab imperatoribus fuit restituta. Hadrianus enim poenam XL. aureorum statuit, tum in eos, qui in ciuitate sepelirent, tum in magistratus, qui id passi essent, et insuper locum publicari et corpus alio transferri iussit u). Quam constitutionem repetitam ab Antonino Pio Capitolinus auctor est x). Theodosius II. non solum sepulturam in urbibus, sed praecipue in ecclesiis, in quibus iam IV. post Chr. seculo sepelire superstitio docuit, interdicto prohibuit y). Legibus tamen sepulturam in Vrbe vetantibus excepta fuisse haud nego insignium quorundam virorum corpora et Vestalium virginum, quarum et nocentes viuae in Campo scelerato sunt obrutae. Triumphalis inprimis viri demortui et ambusti ossa e busto in Urbem inferri licuisse Plutarchus docet z). Tum vero aeris salubritati nihil obfuit. Erat locus Romae extra portam Exquilinam, quem Puticulos vocarunt, vbi pauperum cadauera proiecta putrescerent. a) "Cum vicinitas horum Puticulorum, vt viri docti verba mea faciam, vrbi esset insalubris, Augustus haec loca Maecenati concessit, aliis locis pauperum sepulturae destinatis, quae forte fuere Culinae appellata."

III. Ad salubritatem aëris etiam illud refero, quod cerdones Vrbe prohibitos esse memoriae proditum est, etsi feriori demum aeuo id factum esse videat-

q) Non dubito fore multos, qui in tanta antiquitate iam sapienter institutum mirentur, quod nostra etiam aetate, religione seu potius superstitione plurimum aduersante, nondum ubique institui potuerit. Eos quidem hoc loco obseruare, velim, quanta sit vis religionis ad mouendos hominum animos, sapientesque viros illius ope omnia posse efficere. Antiquitas enim sepulturam in vrbe prohibens hanc addidit rationem: ne sacra ciuitatis fumescentur, Paulus Sent. l. tit. 21. l. 2. Etiam Athenienses, quo minus locum sepulturae intra urbem darent, religione se impediri professi sunt. Cic. ad Div. IV. 12.

r) De Legg. II. sub fin.

s) In Diff. de Sepulcris vid. Thes. Graev. Tom. I. p. 134.

t) Sequor hic fidem V. Ill. Gedike in Berlin. Monatschrift. T. V. pag. 86. nescius, unde ille hauserit, mihi enim talis lex nunquam occurrit.

u) Vlpian in D. 47. tit. 12. l. 3. §. 5.

x) In Ant. c. 12.

y) C. Theod. IX. tit. 17. l. 6.

z) Quaest. Rom. 79.

a) De LL. libro IV. 5.

videatur. Certe Artemidorus ^{b)}: coriariam exercere, inquit, malum, id est, mali ominis omnibus, "*corpora enim mortua abiiciat cerdo, ideoque ab urbe secluditur*". Trans Tiberim autem cerdonum genus oculis naribusque molestum relegatum censet Papinius, in regione enim XIV. Coriaria etiam Victor ponit.

Forum piscarium ab vrbe tanta, quanta vetus Roma fuit, semotum, si nostra quidem aetate audirem, satis certus essem ad puritatem aëris conservandam illud spectare, ne scil. piscium putridorum exhalationibus aër inficeretur. Verum enim vero cum forum illud ante XX. secula ad Tiberis ripas institutum esse legam, eandem causam subfuisse nequaquam mihi persuadeo, cum et in aperto sit, opportunitatis gratia locum ad Tiberim fuisse electum.

Ceterum vitium illud quod in vrbe restituenda post Gallicum incendium erat commissum, quod non ad lineas directas vicos exstruerent, viarumque angustiarum flexarumque incommodum, quo, quibus optime aër corrigitur, ventorum perflatus prohiberent, Neronis tandem consilio, etsi alias parum laudabili, maximam partem fuit sublatum.

§. 20.

De cura fori, ne insalubria vendantur edulia, et de aqua publica.

Inter praecipua Aedilium officia satis mature et fori cura, seu cum plura iam in ciuitate essent, fororum, Boarii scil. Suarii, Piscarii, Macelli, Cupedinis &c. omniumque omnino locorum, vbi res venales proflarent, memoratur. Iure suo fungi Aediles dicuntur, si eos, qui vtensilia, *επιτηδεύα* negotiantur, id est, propolas, adulterinarum mercium venditores, et tabernarios, qui cibos minutatim in tabernis vendunt, per lictores suos flagellis caedant, si quid in fori leges peccare sint ausi. Hoc enim genus hominum contemptissimum Romae et seruili quadam macula adpersum habebatur. Alias merces improbas per Lictores adiciebant. Omnes autem Aedilium iurisdictioni subiecti, qui mercimoniis publicis praeerant, nec ii tantum, qui olera in foro vendebant, sed etiam dulciarii, panifici, ii, qui medicamenta tabida et falsa pro sinceris vendebant, caupones, piscatores, laniones. De laniis nobilis exstat inscriptio ^{c)}, ex qua nullam carnem vendi licuisse, nisi antea ab Aedilibus inspectam, discimus:

C. TITINNIUS. AED. PL. MVLCAVIT. LANIOS. QVOD. CARNEM. VENDIDISSENT. POPVLO. NON. INSPECTAM. &c.

De

^{b)} Artemidorus Onirocrit. I. c. 53. Is quidem ego non sum, qui ex hoc libro probari aliquid de Vrbe Roma posse existimem, verum cum reliqua illi Graecorum mori, cerdones ab Urbibus

secludendi, conueniant, etiam Romanos illo vitiō esse, haud ita improbabile videtur.

^{c)} Apud Reinesium Class. IV. 3. Dodwell Praelect. Cambden. p. 665. et Heineccius ad Ed. Aedilitium.

De aqua pura, limpida et ad potum salubri, quam ad tuendam hominum sanitatem maximi esse momenti, nemo nescit, et in qua ciuibus procuranda atque tuenda, eximiam laudem Romani meruerunt, vide sis caput libelli III. vbi de cura aquarum omnino agere nobis propositum est.

§. 21.

De medicis et pharmacopolis Romae.

Persequenda nunc ea pars curae valetudinis, quae ad eam restituendam seu ad inorbos propulsandos arcendosque propius spectat, et in hac quidem excolenda parum aut nihil Romani praestiterunt. Notum enim est, ad DC fere annos populum Romanum sine medicis degisse *d*). Quod ne quis nimium miretur, apud animum reputemus priscorum Romanorum asperam gentem laboribusque perpetuis ferream ferè et duratam, quae cibo vteretur nonnisi facili, nec per artem voluptatemque corrupto, sed quae nisi esurientibus placere non posset, et hanc quidem gentem minori periculo sine medicis viuere potuisse, quam molles et effeminatos, qui umbratilem vitam gerunt, luxuque diffuunt, nemo dubitabit. Immunes igitur dum essent Romani a multis morbis ac malis, quae multa demum fercula fecerunt, dum luxus nondum surrexisset in tantum, nec tam late sese sparsisset, poterant istorum vitiis obviare simplicibus remedia simplicia, paucarumque herbarum, quibus sanguis sisteretur et vulnera coirent, scientia diu sufficere. Itaque ut ad historiam reuertamur, V. C. DXXXV. demum anno primum e medicis venisse Romam ex Peloponneso Archagathum eique ius Quiritium datum et tabernam in compito Acilio publicitus emtam fuisse Plinius ex Cassio Hemina memoriae seruauit *e*). Verum damnassee populus Rom. medicinam dicitur, i. e. chirurgiam improbauit, quia crudelior esset. Archagathus enim vulnerarius primum audiebat, mox a saeuitia secandi et vrendi carnufex. Postea igitur serui ex Graecia in Italiam asportati priuatorum primum medici *f*) fuerunt, quos si in aliis familiis, quae seruos medicos non haberent, quidam aegrotarent, gratificandi causa his auxilio transmitterent. Deinde vero serui illi manumissi etiam publice artem exercebant. Postea Iulius Caesar omnes medicinam Romae professos, quo libentius et ipsi urbem incoherant et caeteri appeterent, ciuitate donauit *g*). Augusti temporibus, quod illum graui morbo Antonius Musa liberauerat, vniuerso medicorum ordini *ατελεια* s. immunitas data. Exinde cum iam in aliquo pretio esset Romae medicina, liberi quoque homines ad illam exercendam ex Graecia Romam venerunt, atque etiam Romani animum ad illam appulerunt, quorum tamen paucissimos fuisse de suis temporibus Plinius testatur.

d) Plin. H. N. 29. 1. qui loc. class. est.

e) Ibid.

f) Varro de R. R. I. c. 16.

g) Sueton in Caes. c. 42.

cessatur. Immunitas autem ab Augusto medicis data, Vespasiani, Hadriani aliorumque Imperatorum rescriptis est confirmata, tandem vero immunitate fruientium certum numerum definiti placuit. Imp. vero Alexander medicis annonas etiam addidit *b)* et superiorum principum beneficia posteriores confirmarunt *i)*.

Pharmacopolae quidem saepe apud auctores occurrunt, verum hi a nostris quidem infinitum est, quantum dissent. Homines fuerunt circatores, qui medicinam profitentes cum medicamentis aut vniuersalibus, aut arcanis, Mithridatico &c. fora obambulant. Medicamenta vero aegrotis praebenda medici ipsi parant.

Templum Aesculapii V. C. 562. in insula Tiberina exstructum nequaquam silentio est praetereundum. Eo enim aegroti deportabantur plurimi, ut pauimento templi subinde incubantes sanitati restituerentur. Parietes templi quaque versus schedis eorum distincti, qui ex incubatione nocturna sanitatem recepisse putarent, et insignibus donariis templum nobilitatum *k)*. Inscriptum etiam templo erat carmine-graeco remedium aduersus venena, quo rex Antiochus uti solitus *l)*. Additum templo et Nosocomium quidam putarunt, in quo aegrotantes expositi, ut ab Aesculapio sanarentur. Verum illud seriori demum aevo e regione templi aedificauit Christianorum pietas.

§. 22.

Morborum epidemicorum remedia unde Romanis quaesita?

Memorandi nunc modi ac consilia, quibus auertere pestes seu morbos contagiosos Romani putarunt. Pestilentiae quidem, seu ut accuratius loquar, morborum contagiones febresque epidemicae, toties a Romanarum rerum scriptoribus, Liius praesertim, commemoratae in omnium versantur memoria *m)*. Quod vero crebrior earum mentio sit per antiquiores, quam sciores aetates, Romanorum politiae laudi ducendum, quippe quae sensim sensimque causas malorum sustulisse videtur. Priori autem tempore superstitione prohibiti sunt Romani, efficaciora malorum remedia quaerere. Cum ad Deorum iram malorum causas referrent, sacris indictis, clauo pacto, expiationibus, lustrationibus et supplicationibus Deos placare studuerunt. Notabilis est noua illa medendi ratio qua "Tullus Hostilius cum pestilentia laboraretur salubriora credens militiae quam domi iuuenum corpora fore, eos in bellum eduxit." *n)* Alias "cum pestilentia esset ad leuandam vim morbi lectisternium factum est pacis Deum exoptandae causa, ludi quoque

D 2

scenici

l) Lamprid. in vit. Alex. c. 42.

i) Brisson Antiqq. Select. L. I. c. 3.

k) Freinsheim in Supplem. Liv. XI. 12. sq.

l) Plin. H. N. XX. c. ult.

m) Vid. III. Heyne de febribus epidem. Romae in Opusc. Vol. III. p. 108 sq.

n) Liv. I. 26.

scenici inter alia caelestis irae placamina instituti;" o) "supplicatum per compita tota urbe est;" p) "in omnibus vicis sacellisque peregrina atque insolita piacula pacis Deum exposcendae animaduversa;" q) "libri aditi, quinam finis aut quod remedium mali a Diis daretur, et inuentum in libris, Aesculapium ab Epidauro Romam arcessendum." r) Factum hoc V. C. 562, quo anno et templum ipsi exstructum iam vidimus. Ceterum causas quibus pestilentias ita dictas Romae frequentius ingruere et latius vagari potuisse censendum est, vide sis in Epimetro IH. Heynii ad progr. laud. Opusc. III. p. 126.

Triumviri valetudinis, si quidem talem magistratum unquam Romae, licet sub Imperatoribus demum et seriori aeuo existisse, probari posset, omnibus, qui antiquitatem norunt, memoria dignissimi videri deberent. Et istos quidem Romae fuisse et quidem pestis causa creatos Onuphrius Panvinius nobis persuadere conatus est. In antiquo enim argenteo nummo sic scriptum inuenit: M. ACILIVS. IIIVIR. VALETVD. quod interpretatur: Triumvir valetudinis tuendae. Verum enim vero quis, quam infirmo atque caduco fundamento nitatur ista sententia, non videat? nostrorum temporum instituta in antiquitatem translata quis non intelligat? Est enim longe alia istius nummi interpretatio, quae certe antiquitatis genio multo magis conuenit. Quodsi in memoriam reuocemus, salutarium numinum sacra Romae ac aedes fuisse, Liuium vero s) sacrarum aedium reficiendarum Triumuiros memorare creatos, istae autem ut reficerentur, saepius curam fuisse habendam, Valetudini denique aedem in Auentino fuisse dicatam, quis est, cui non multo probabilius videatur, M. Acilium aliquando inter Illviros sacrarum aedium reficiendarum fuisse eique restaurandae aedis Valetudinis curam iniunctam? cf. Ez. Spanheim de usu numism. T. II. ed. Verburg. pag. 14 sq.

CAP. I. SECT. I. PARS IV.

De cura annonae.

§. 23.

Accedimus nunc ad eam politiae Romanae partem, quae inter omnes latissime patet. Agitur de periculo, quod ab annonae angustia vitae ciuium insit, arcendo atque propulsando, cuius tanta Romae cura est habita, quantum nullo tempore neque antea neque postea, in nullo populo, in nulla urbe unquam gestam accepimus. Duplici autem modo securitati vitae, quatenus

annonae

o) VII. 3.

p) XXVII. 3.

q) IV. 15. et 30.

r) Liv. X. 47.

s) XXV. 7.

annonae angustia interpellari illa potest, publice consulitur, primum si omnino, ne caritas annonae atque difficultas existat, prospicitur, deinde vero si speciatim pauperum penuriae prouidetur. Iam vero nostra quidem aetate instituta, quibus pauperes sublevantur et nutriuntur, et ea, quibus, annonae caritas ne existat, prospicitur, plane discreta sunt atque seiuncta. Apud Romanos aliter sese res habuit. Vtrumque enim illi sub *cura annonae* complexi sunt, adeoque et nobis, qui politicae Romanae quasi effigiem reddere iubemur, est vna comprehendendum, hac tamen lege, vt, vbi fieri poterit, semper ea distinguantur, quae ad curam annonae omnino, et quae ad curam pauperum spectauerint. En ingens antiquitatis campus, quem vix perlastrare vno oculorum obtutu licet! Quod vt eo facilius fieri possit, ita in istius, quam molimur, descriptione versandum esse nobis visum est, vt ageremus

I. De frumento in vrbis vsum comparato atque aduecto,

II. De frumento Romae condito.

III. De frumento Romae distributo aut diuendito.

IV. De magistratibus, qui annonae curam gererent,

a) extra ordinem constitutis

b) ordinariis

a) sub republica libera,

β) sub Imperatoribus.

§. 24.

De prouinciis frumentariis.

Priscis temporibus quilibet Romanorum cum familia, si ea excipias, quae praedando interdum hostibus abstulerat, ex agro assignato, quem ipse colebat, victum sibi parauit. Saepe tamen propter militiae absentiam, qua agricultura impediabatur, aut segete ab hostibus incensa atque deleta, aut si sterilitate grauis annus esset, penuria existere debuit, et ex finitimis, cum quibus bellum non esset, vt copia annonaria coemeretur, necessitas cogere. Postea imperii finibus continuo prolatis et inaequalitate bonorum successu temporis inter Romanos (*ὡς εἶπες*) non minus aucta, tandem nobilium cupiditate latifundiorum malum in rempublicam inuasit, paucaeque, vt Horatii verbis utar, aratro iugera regiae moles reliquerunt; cumque seruis vndique coemptis eodem tempore agrorum cultum permittere auri sacra fames docuisset, agricultura in fertilissimis Italiae campis, vnde olim in longinquas prouincias portati commeatus, et qui nec postea infoecunditate laborarunt, neglecta iacuit, patres familias manus mouere maluerunt in theatro ac circo, quam in segetibus; vndique igitur ex aliis terris frumentum conuehi necesse

fuit, et prouincias exercitari. Iam vero in his, quas frumentarias appellarunt, prouinciis palmam omnibus praeripuit.

Sicilia, quae iam reipublicae temporibus praecipua frumenti subsidia Vrbi praebeuit et a M. Catone datum cellae penariae, plebis Rom. nutricis, nomen meruit. Altera fuit

Aegyptus, unde, qui eam tributariam fecit, Augustus annua ducenties centena millia modium frumenti Romam inuehenda curauit ^{t)} et, quo feraciorē habilioremque urbicae annonae redderet, fossas omnes, in quas Nilus exaestuaret, longa vetustate oblimatas opere militari deterisit ^{u)}. Idem classem Alexandrinam frumentariam instituit ^{x)}, quoniam a piratis maris infestantibus singularum nauium cursus impeditus atque, ut antea Pompeii tempore factum, omne generis humani sublatum erat commercium. Classis vero Alexandrina, ut videtur, ex Constantini M. inde tempore Constantino-poli seruiit.

Tertium inter prouincias frumentarias locum, (etsi secundo forsan ponenda) teneat *Africa*, quam aliquando duplum Aegypti praestitisse, affirmat Agrippa rex oratione ad Iudaeos apud Iosephum ^{y)}. Classis Africana frumentaria ab Imp. Commodō ^{z)} ab V. C. 943. post Chr. 192. instituta fuit; quae immensam frumenti multitudinem ex Africae portibus Romam transueherent. Praeter hasce praecipuas populi Romani nutrices celebrantur adhuc Sardinia, Hispania, Boeotia, Macedonia, Chersonesus, Asia, Syria; neque minus Tuscia adiacensque regio a copia tritici, vini, casei et carniū, quas Romae suppeditabat, annonaria est appellata eodemque nomine ab Ammiano Marcellino et Hetruria insignita.

§. 25.

De modo frumenti comparandi.

Olim frumentum, si famem Romani timerent aut penuria ipsa laborarent, per frumentatores *σιτολόγους* Atheniensibus dictos, qui finitimas regiones peragrantes frumentum ubique conquirerent, publice missos comparatum est emptumque pretio ex aerario soluto. Postea vero frumentum a prouincialibus pro vectigali exactum, cuius rei nobilissimum de Siculis exstat exemplum. Totum vero hoc argumentum optime illustratur ex Ciceronis in Verrem L. III. seu oratione frumentaria, ex qua, quae huc pertinent, excer-

t) Aurel. Victor in Epit. vit. Aug.

u) Sueton. vit. Aug. c. 18.

x) Cf. interpret. ad Sueton in Aug. c. 98. et Seneca. Ep. 78.

y) De bello Iud. II. 16; Africam ait, octo mensibus populum Rom. pascere, Aegyptum autem quaternis.

z) Lamprid. in eius vita. c. 17. "classem Africanam instituit, quae subsidio esset, si forte Alexandrina frumenta cessarent." Celebratur etiam institutum in nummo apud Tristatum. T. I. p. 725.

excerpenda. Primum inde discimus, omnem fere agrum Sicularum ciuitatum, cum publicus esset factus populi Romani, Siculis esse redditum atque decumanum factum, quemadmodum ante Romanorum imperium fuerat, i. e. aratores Siculos pro agris sibi attributis decumas frumenti Praetori Siciliae dare oportuit, et quidem, quod notabile est, ex lege Hieronica, ab Hierone Siciliae tyranno lata, in qua, quoniam diligenter et caute scripta erat, Romani Sicilia potiti nihil immutarunt. Quodsi autem frumentum pro vectigali exactum non sufficeret, tum ex lege Rupilia Siculi tenebantur, aliud frumentum populo certo pretio vendere. Hoc erat vel *decumanum alterum*, seu decumae alterae a), quibus pretium erat a Senatu constitutum in modios singulos IIS terni; vel *imperatum*, cui IIS quaterni constituti. Ad frumentum vero publice emendum SCto vel lege quadam opus erat, quibus pecuniae impendendae summa decerneretur b). Praetori quidem mandatum, ut decumas exigeret, Praetoris vero Quaestori certa pecunia ex aerario data, unde ab aratoribus emeret. Pecunia his adnumerata frumentum ex interiore tractu ad mare comportatum atque Romam deuectum est. In reliquis autem prouinciis, si non eadem, similis certe frumenti comparandi ratio exstitit. Caeterum ubi classes frumentariae non essent, saepe grauis prouincialibus frumenti in Urbem subuectio; unde sub Nerone V. C. 812. temperatam illam apud transmarinas prouincias Tacitus auctor est c). Alii autem, quo frumenti subuectio impediabatur, incommodo, Imp. Claudius egregie prospexit. "Nam cum loca circum Ostia Tiberis neque tuta essent nauibus appellendis, neque portus commodos haberent, efficiebatur, ut maris imperium parum Romanis prodesset, quum praeter ea quae aestate subueherentur ac in granariis (αποθηκαις) conderentur, hieme nihil supportaretur, Claudius ibi immenso sumtu portum Ostiensem exstruxit d), ad cuius introitum altissimam turrim in exemplum Alexandrini Phari eduxit, ut ad nocturnos ignes cursum nauigia dirigerent e).

§. 26.

De horreis Romae frumentariis.

Horrea seu granaria ad frumentum publicum capiendum multo ante libertatem ereptam complura Romae fuerunt, prima tamen nonnisi Sempronii Gracchi demum tempore instituta legimus, a quo horrea Sempronia dicta. Numerus eorum sub imperio intantum auctus, ut Victor ad CCC. amplius

a) Loc. class. Iiv. XXXVI. 2.

b) Cic. l. c. c. 70: Frumentum emere in Sicilia debuit Verrès ex SCto et ex lege Terentia et Cassia frumentaria, ipsique in frumentum imperatum IIS bis et trios, in annos singulos decernebatur, quod aratoribus solueret, in alteras

vero decumas fere ad nonagies. Eodem spectat nummus apud Spanhemium De Vsu. &c. p. 155. fol. in quo scriptum: AD. FRVM. EMV. EX. SC.

c) Annal. XIII. 51.

d) Dio. LX. 11.

e) Sueton in Claud. c. 20.

amplius recenset, quorum plerisque cognomina ab auctoribus indita apud illum et omnino in Urbis descriptionibus sunt quaerenda *f*). Habebant Romani horrea *sublimia*, quo sicciora essent frumenta condita et *deposita*, quia in his diutius conservari posse credebatur. Structurae erant adeo firmae, tamque intactae et inuictae ab incendiis, ut in illo Neroneo vi, bellicisque machinis ea labefactanda essent atque inflammanda *g*). Vetitum tamen erat circa horrea aedificare propius C. pedibus et, si quid in hoc spatio inaedificatum deprehenderetur, incendiorum metu erat demolendum. Erant etiam in portu Ostiae horrea, in quibus subiectum frumentum conderetur, unde postea minoribus navibus in Tiberi Romam adueheretur.

Quod ad horreorum curam attinet, ea quidem praecipua in eo versabatur, ut frumentum incorruptum a fraude aduehentium atque negligentia in horrea transfunderetur *h*); deinde prospiciendum erat ut sarta tecta essent, ne concepto humore vitaretur; tum ne nimis concalesceret, ut ad mensuram pondusque responderet; porro cauere, ne nuper horreis illata prius erogarentur, quam vetera condita. Si forte vetustate ita corrupta species esset, ut per semet erogari sine querela non posset, aut in Tiberim effusa *i*), aut ex noua portione mixta, cuius adiectione corruptio velata damnum fisco non faceret *k*). Horreis appositi erant Mensores frumentarii, qui populo frumentanti species emetirentur; quos excusandae tutelae ius habere Diuus Marcus et Commodus praefecto annonae rescripserunt *l*). Valentinianus et Valens Imp. post Ch. N. 364. per Rescriptum iusserunt: "ut nobilis, prudens, fidelis, optime sibi conscius apponatur Custos ac Mensor, qui vel frumenta modio metiatur, vel iustis aestimationibus colligat, quanta habeantur in condito." *m*) Colligo inde, seriori tempore frumenti in horreis conditi curam fuisse neglectam atque turbatam, certe non omnia ex ordine processisse. Quodsi enim, ut antea factum, quae horreis illata atque erogata essent, tanquam accepta et expensa in tabulas diligenter essent relata, ut sciri posset, quae copia in horreis esset, isto quidem Custode ac Menfore non opus fuisset. Quantus vero fuerit canon urbis frumentarius, seu ille frumenti numerus, qui in urbe tanta quotannis consumeretur, id quidem compertum habere, cuius non interlit? Vnicum tantum reperi locum, qui nos facere de illo possit certiores, et quidem apud Spartianum in Vita Severi: "Moriens, inquit, septem annorum canonem, ita ut

f) Inter praecipua serioris aevi Horrea Galbana memorantur, vulgo a Galba Imp. derivata, rectius autem Galbiana vocantur, ut apud Victorium et in veteri aliquo monumento apud Reinsium VI. n. 126. legitur, a Galbione, qui fuit inter duces Valentiniani III.

g) Sueton. in Nerone. c. 38.

h) cf. Seneca de brev. vit. c. 18. et 19.

i) Tacit. Ann. XV. 18.

k) Cod. X. tit. 26. de conditis in horreis publicis.

l) Paulus in D. 27. tit. 1. de excusationib. l. 26.

m) Cod. X. tit. 26. de conditis in horreis, l. 1.

vt cottidiana LXXV. millia modiorum expendi possent reliquit." Itaque annuus canon supra ducenties centena millia modium excucurrit (27,375000). Verum enim vero canonem vrbis frumentarium diuersis temporibus quam maxime diuersum fuisse, per se intelligitur. Augustus enim si ex sola Aegypto annua ducenties centena millia modium inuexit (20,000000) quantum praeterea ex Sicilia, Africa, aliisque regionibus aduectum esse iudicemus?

§. 27.

Leges frumentariae, seu de largitionibus sub rep. libera.

Aggredienda nunc est ea pars curae annonae, qua de frumenti distributione seu vt proprio Romanorum vocabulo vtar, de largitionibus agitur; quae cum ex certis legibus fierent istae ante omnia sunt commemorandae. Quoniam autem ad pauperum curam haec proxime spectant, silentio haud praetereundum est aliud auxilium, quo ad pauperes subleuandos Romani saepius etiam utebantur, pro colonis scilicet deductio *n*) in agrum hostibus ademptum. Facta etiam haec ex Scto aut populi scito, quorum vtrumque Legem Agrariam appellarunt. Hac quidem definitum erat, quinam ager esset diuidendus, quibus, per quos et quomodo esset dispertiendus. Deducti vero coloni a magistratibus, qui a numero nomen duxerunt, Triumvirorum, Quinqueuirorum &c.

Sed vt veniamus ad leges frumentarias, quas et alimentarias et annonarias appellare placuit, primus quidem de stata ac perpetua frumentatione cum antiquitus semper voluntaria et in arbitrio Senatus fuisset, legem tulit. C. Sempronius Gracchus V. C. 630: "vt semisse atque triente frumentum plebi daretur," quam tamen legem triennio post iterum abrogatam a M. Octauio Tribuno pl. tanquam reipublicae, omnibus nempe ciuibus ex aequo ad frumentationem admissis, immo etiam Consularibus, ad eam concursantibus *o*), perniciosissimam, contra vero largitionem ex magna modicam et reip. tolerabilem, et ciuibus et reip. salutarem ab eodem redditam accepimus *p*). Saepius postea hanc legem, qua Gracchus ipse nonnisi in egentium gratiam annonam leuare voluerat, Tribuni plebis resistere sunt conati, vt statim V. C. 634. vbi vero C. Marius Tribunus intercessit et V. C. 652. cuius rogationis L. Appuleius Saturninus *q*) auctor fuit. Interim a Spurio Borio, Tribuno plebis ad inopes subleuandos alia lex est perlata, qua lex agraria saepe agitata omnino abrogaretur et agri in possessione relinquerentur, ea tamen lege atque conditione, "vt ex iis tributa populo penderentur, quae

in

n) Ill. Heyne progr. de vet. colon. iure
Opusc. Vol. I. p. 298.

o) Cic. de Offic. II. 21, et Tuscul. Q. III. 20.

p) In Bruto. c. 62.

q) Auctor ad Herenn. I. c. 2.

in largitiones (*διαγομας*) cederent quod ad egentium aliquod solatium proficeret; sed non ita multo post Spurius Thorius alius Tribunus etiam tributa abrogauit, quo facto ad vltimum plebs spe omni excidit. V. C. 646. r) — Postea V. C. 662. — M. Liuius Drusus tulit: vt Sempronia lex de frumento plebi ex publico viritim dando valeret, verum eo interfecto Senatus leges eius abrogauit s). Postquam Sulla Tribuniciae potestatis neruos eliserat, nulla largitionis mentio iniici potuit. — Ab V. C. vero 680. cum impetus plebis in patres sustineri non amplius posset, a Coss. Caio Cassio et M. Terentio Lucullo lex frumentaria perlata est, quae ab iis Cassiae et Terentiae nomen duxit, his verbis concepta: vt frumenti alterae decimae a prouinciis coëmerentur pretio in singulos modios IIS. constituto. — V. C. 691. istam secutum est *SCtum*, in *Catonis sententiam*, vt Caesaris conatibus obuiam iretur t). Verum non satis liquet, fueritne haec lex rata vsque ad leges Clodias. Duas enim reperit Contarenus ex Dionis L. XXXVIII. c. 13. qui illas ad acta anni 696. refert, ex fastis vero Capitolinis vtraque lex in A. 695. incurrit. Lex Clodia posterior quam diutissime vixit, ad quam diuturnitatem nihil valuit aequae ac respublica in vnus potestatem redacta.

§. 28.

De Imperatorum largitionibus.

Caesar enim rerum potitus ad plebis animos sibi conciliandos largiri perseuerauit

Gnarus, et irarum causas et summa fauoris
Annona momenta trahi. Namque adserit vrbes
Sola fames, emiturque metus, cum segne potentes
Vulgus alunt; nescit plebes ieiuna timere. u)

Numerum tamen eorum qui ex publico frumentum accipiebant, ultra modum, vt in seditionibus fieri assolet, auctum, instituta prius recensione, ex parte dimidia minuit v) seu vt Suetonius x) tradit "ex viginti trecentisque millibus accipientium frumentum e publico ad centum quinquaginta retraxit." Augustus deinde Caesaris consilium atque *πολιτευμα* secutus dedit populo publice atque priuatim coemtum y), et quidem V. C. 726. A. N. C. 28. quadruplum prioris frumenti z), cum paulo plus quam ducenta millia accipientum essent. In annonae difficultatibus saepe leuissimo, interdum nullo pretio viritim admensus est a). — A Tiberio autem nouum largitionis genus inuentum ex Tacito obseruauit Contarenus. Nam

facultiam

r) Appian. Ciuil. I. cap. 27.

s) Liuiana Epitome. 71.

t) Plutarch in Catone.

u) Lucani Pharsal. III. 53 sq.

v) Dio 43, 21. ad ann. 703.

x) Sueton. in Aug. c. 41.

y) Vid. lapidem Ancyran.

z) Dio. 53. 2.

a) Sueton. in Aug. 40.

facilitatem annonae incusante plebe statuit frumento pretium, quod emtor penderet, binosque nummos se additurum negotiatoribus in singulos modios. Sequentes principes frumentum perpetuum largiti sunt. Quod de Nerone Dio *b)* refert, cum τῶν Ρωμαίων τὸ σιτηρεῖον παρισπασθῆαι, id quidem alii negant ad Senecae auctoritatem prouocantes, cuius verba haec laudantur: "frumentum publicum tam fur, quam periurus et adulter accipiunt, et sine delectu morum quisquis ciuis est." *c)* Certe non omnino gratuitum, sed pretio tantum imminuto a Nerone frumentum fuisse dispersitum ex Tacito *d)* colligo. Qui Neronem secuti principes sunt, ii quidem perpetuam populo frumentationem praestiterunt, vsque ad Neruam, qui agrum ad sexcenties sestertium ferme 500000 aureorum dedit, vnde pauperes alerentur, eiusque agri emendi ac diuidendi negotium quibusdam viris Senatorii ordinis demandauit *e)*. Mox Traianus 5000 impuberum ex publico aluit *f)*, qui statis diebus frumentum acceperunt, donec anno decimo octauo ad ipsius stipendium peruenirent, de qua puerili alimentorum praestatione nummos IV. collegit Aeneas Vicus in Traian. p. 9 et 15.

Tertio post N. C. saeculo Aurelianus illo largitionis genere vsus est, quod supra a Tiberio inuentum vidimus. Teste enim Vopisco "vnciam addidit panibus Urbis ex Aegypto vectigali quam ipse gratuitam ementibus dabat, damna piscorum frumento Alexandrino farciendo." Panis fiscalis (ex fisco comparatus) seu ostiensis quotidie singulis datus eiusdem est Aureliani inuentum, quod largitionis genus vsque ad Constantinum M. vsurpatum est.

Nec vero frumentum solum atque panis praebitus populo est, sed et oleum et caro. Olei largitiones extra ordinem iam sub republica interdum factas, v. c. Scipionis Africani, qui cum Aedilis esset, congiuum olei in vicos singulos dedit, postea Caesaris et Agrippae, qui salem et oleum populo distribuisse traditur, hic loci non curamus, sed de perpetua olei distributione nobis sermo est. Et hanc quidem a Seuero Imp. institutam, ab Elagabalo imminutam, ab Alexandro autem restitutam Lampridius *g)* memoriae prodidit. Carnis diuidendi principium ab Aureliano, de quo Vopiscus ita scribit: "Idem et carnem porcinam populo Romano distribuit, quae hodieque diuiditur." Sed et post Vopisci tempora qui Aure-

E 2

liani

b) Dio 62, 18.

c) Senec. de benefic. IV. 28.

d) Tacit. Ann. XV. 18. Frumenti pretio nihil additum est, quamvis trecentis nauibus tempestate ac igni absumtis et cap. 39. pretium frumenti minutum vsque ad ternos nummos.

e) Dio 68, 2.

f) Vid. Kappi Diff. de alimentariis.

g) In Alexandro. c. 22. Oleum quod Seuerus populo dederat, quodque Elagabalus imminuerat, turpissimis hominibus praefecturam annonae dando in integrum restituit. Spartian. in Seuero: Olei tantum reliquit, vt per quinquennium non solum urbis vsibus, sed totius Italiae, quae oleo egeret, sufficeret.

liani vitam P. Ch. N. 291. composuit, haec largitio continuata, et sicuti olim a Traiano pistorum collegio reperto atque firmato annonae Urbis mirifice erat consultum, ita et postea Suariorum collegium Romanae copiae causa institutum est, a quibus suillum pecus, quod Italiae quaedam prouinciae tributum nomine quotannis praestabant, exactum legimus.

§. 29.

De recensu populi frumentationis causa.

Haecenus largitionum historia in vniuersum adumbrata nunc ad distribuendi rationem progrediamur. Gracchi largitionem ideo perniciosam et intolerabilem reipublicae fuisse, quia omnes ciues, etiam nobiles et locupletiores eam participarent, iam supra vidimus. Itaque illa abrogata, cum plebi egenae largitio aliqua necessaria esset, statim prouidendum erat, ut recensu quodam habito locupletiores a largitionibus excluderentur et pauperes tantummodo admitterentur. Iam vero de forma atque ratione solenni, qua ille ciuium recensu institueretur, exstat lex antiqua in eodem tabulae aeneae fragmento Britannico, unde iam supra §. 16. legem plostrariam attulimus. Legem integram, utpote quae verbosae est concepta et ut recte intelligi possit, multis animaduersionibus indiget, hoc loco reddere breuitatis studium prohibet. Sententia sic se habet: Quem hac lege ad Consulem profiteri oportebit, si non Romae erit, tum qui eius negotia curabit, aut si pupillus erit, tutor *eadem omnia, quae eum, cuius negotia curabit, profiteri oportebit*, iisdemque diebus ad Consulem, absente Consule ad Praetorem urbanum, si hic etiam Roma absit, ad Praet. peregrinum, aut hoc absente ad Tribunum plebis. Hos autem ea, quae quisque professus erat, in tabulas publicas referenda curare, deinde eadem in albo apud forum et cum populo frumentum daretur et ubi daretur, ibi quotidie ad maiorem partem diei proposita habere oportuit. Sanctio vero legis praesertim notabilis: "Quicumque frumentum populo dabunt, siue quicumque dandum curabit, ne cui eorum, quorum nomina hac lege in tabula in albo proposita erunt, frumentum dato, neue dare iubeto, neue finito. Qui aduersus ea eorum cui frumentum dederit, is intra mensem vnum sestertios populo dare damnas esto, eiusque pecuniae, qui volet, petitio esto."

Hanc quidem legem, cum ne verbo quidem expressum sit, quidnam profiteri debeant ii, ad quod illa spectat, aliam antecessisse, vel principium legis intercidisse si quis contendat, ei non valde repugnet. Ex sanctione tamen legis admodum verisimile est, hac lege, praeter generalia, praecipue *censum facultatum* fuisse profitendum. Quod si hoc ita se habet, tunc quidem apparet, quanta cura cautum fuerit, ne ditiorum aliquis frumenti fieret particeps.

Tantum

Tantum de veteri illo modo per professionem bonorum locupletes a frumentatione arcendi. Postea enim alio et nouo modo populi recens frumentationis causa institutus a C. Iulio Caesare, de quo Suetonius his verbis tradit-*h*): "Recensum populi nec more nec loco solito, sed vicatim per dominos insularum egit." Hunc postea modum etiam Augustum retinuisse, idem auctor est in eius Vita c. 40. "populi recensum vicatim egit." Nouus autem hic tenuiores vicatim adnotandi mos (quomodo id per dominos insularum sit factum speciatim non liquet, forsitan ita ut domorum vel insularum possessores, qui eas plebi egenae locarent et hominum fortunas optime noscere possent, publice testarentur, quatenam et quotnam pauperum familiae suas insulas inhabitarent frumenti publici beneficio dignae) ille modus, inquam, vtrum seriori tempore non immutatus manserit, an alius in eius locum successerit, veterum testimoniis omnino destitutus definire non ausim. Illud certe notandum, sub Imperatoribus pauciores fuisse a frumentatione exclusos, quin ipsos Iudaeos, teste Philone (in Legat. ad Caium) et libertos ad eam admissos *i*), Antonium Pium autem pueros et puellas nouorum hominum frumentariae perceptioni adscribi praecepisse auct. Capitolino.

§. 30.

Distribuendi ratio.

Erant igitur Tabulae publicae modo supra descripto vel quocunque alio confectae, quibus nomina eorum, quibus frumentum deberetur, erant contenta. Recensitis dabantur tesserae frumentariae dictae, ex ligno aut metallo, aeneae, ut plurimi volunt, in quibus nomen accipientis et grani accipiendi quantitas notata quibus acceptis ire iis licebat ad horrea publica peti- tum frumentum. Erat Romae duplex porticus, *Minucia vetus* et *frumentaria* a M. Minucio Rufo, qui V. C. 643. Cos. fuit, exstructa *k*), non alium prorsus in usum, quam ad frumenta, seu potius tesseras frumentarias distribuendas. Has quidem porticus sub Imperatoribus erogandis tesseras frumentariis inseruisse, sat nouimus. Verum non gregatim et confertim accedentibus in Minucia tesserae distributae sed ostiatim ad turbas declinandas, ita ut sua tribubus singulis ostia fuerint et tribulibus singulis suis mensibus singulis dies constitutus. Quouis enim mense frumentum distributum, vnde σιτηρεσιον εμμενον Appianus memorat. Augustus, "ne plebs frumentationum causa frequentius a negotiis euocaretur, ter in annum quaternum mensium dare destinavit, sed desideranti consuetudinem veterem, concessit rursus, ut sui cuiusque mensis acciperet *l*)."

E 3

quia

h) In Caes. c. 42.*i*) Scholiaft, apud Lipsium Elect. c. 8. et Dio.

39. 23.

k) Vid. Mazocchi ad Tab. Heracl. p. 318 sq.*l*) Sueton. in Aug. c. 40.

quia teste Vlpiano, nulla lex vetabat, inde non raro fiebat, ut qui non recensiti essent, nihilominus frumenta acciperent. Seriori aeuo frumenti loco panis distributus, qui gradilis est, non de pistrinorum gradibus, ut Camplano placet, sed de suggesti cuiusdam gradibus tesseriis distributis, quam rationem iam antea in congiariis populo dandis solennem fuisse docet nummus apud Spanhemium in Diff. IX. quem vide.

Ceterum perniciosissimam hanc frumenti largitionem, utpote quae aerarium exhauriret et plebem ad desidiam vocaret iam antiquis displicuisse constat praesertim ex Sallustii (de ordinanda rep.) ad Caesarem praecepto: "prouideas oportet, ut plebs largitionibus et publico frumento corrupta habeat negotia sua, quibus a malo publico detineatur; et ex Suetonio *m*), qui Augustum aliquoties de largitione frumentaria in perpetuum abolenda cogitasse tradit, quod earum fiducia cultura agrorum cessaret, neque tamen perseverasse.

§. 31.

De caritate annonae atque penuria.

Maximam etsi comineatus atque annonae curam Romani adhiberent, interdum tamen aut anni sterilitate aut hominum auaritia vel nauibus frumentum portantibus tempestate aut a piratis retentis, annonae difficultas existere debuit. Quam primam causam posui, ei quidem sub Caesaribus demum diligentius est occursum, qui plurium annorum canonem conderent, posteriori autem a piratis deriuatae classibus frumentariis institutis fuit prouisum. Restat, ut de caritate annonae hominum auaritia extorta paucis agamus. Quod igitur ad negotiatores frumentarios pertinet; eos quidem ob annonam compressam ab Aedilibus pecunia damnatos saepe apud Liuium *n*) aliosque legimus. Sub Imperatoribus eorum, qui annonam vexabant, audaciam compescebat Praefectus annonae. "Ab eo Dardanariorum doli puniti omniumque reliquorum, qui in fraudem annonae vexandae flagellandaeque i. e. in horreis et granariis continendae societatem coiissent; quorum consilio autem annonae carior euassisset, ex eorum bonis vel aureos XX. multaticios Praef. annonae exegit vel negotiatione eos interdixit vel ad praefectum Vrbi remisit, a quo interdum sunt relegati, humiliores autem ad opus publicum dati *o*).

In magna autem annonae penuria nec facili remedio Praefectus annonae iam sub republica extra ordinem creatus est, partim quod omnino praecipuam curam aliis negotiis non distractam res postulabat, partim quia magistratus, quibus alias annonae cura mandata erat, frumento, quod per remotas interdum prouincias conquirendum erat, comparando vacare non poterant,

m) In vit Aug. c. 42.

n) Liv. 38, 35.

o) D. 47. tit. 11. l. 6.

rant, nisi reliquis negotiis omnino neglectis atque omisiss. Itaque V. C. 313. p) fame coorta "L. Minucius Praefectus annonae creatus est, qui multas circa finitimos populos legationes terra marique misit," "tum omnes profiteri coegit frumentum et vendere quod usu menstruo superesset, seruitia parte diurni cibi fraudauit frumentariosque apud populum criminatus est." Nobilissimum vero praefectus annonae exemplum celebratur Pompeius, quem Romani fame vexati annonae omnis prouisorem elegere V. C. 696, additis viginti Senatorii ordinis viris, quos ille per prouincias partitus ipse nationes vndique percurrrens urbem frumento ceterisque ad victum necessariis vsque ad a V. C. 701. instruxit q).

§. 32. *

De magistratibus, penes quos cura annonae fuit, ordinariis.

Stante republica statim inde post reges exactos summa annonae cura apud Senatum r) fuit, qui illam magistratibus tradidit. Primum Consules videmus prouidisse s) postea Aedilibus pl. ea cura imposita, quod, quo anno primum sit factum, non liquet, a quibus sequenti tempore ad Curules rediit t). Itaque in Romanarum gentium denariis annonae cura modo spicis a lateribus sellae curulis modo frumenti modio cum duabus spicis significatur u). Aedilibus propter commeatus inuectos statuas cum titulis honorum in Capitolio et Palatio positas Plinius memoriae prodidit x). Eos autem non aduehendi solum, verum etiam custodiendi et distribuendi curam gessisse, ex pluribus locis infra allatis apparet. Legibus Tribunorum frumentariis ad Curatores annonae cura fuit translata, v. g. post legem Terentiam V. C. 687. Praetor de maiestate publici frumenti curam gessit et lege Clodia V. C. 696. Sexto Clodio, quidquid vnquam frumenti esset, traditum est. Postea V. C. 708. Aediles duo Cereales, vt frumenti curam gererent, a Iulio Caesare constituti y). V. C. autem 732. Augustus annonae procuracionem suscipere coactus ipsit, vt quotannis Duumviri, qui ante quinquennium Praeturam gessissent, frumento distribuendo constituerentur z). Quadriennio autem interiecto instituit, vt IVviri ex iis qui ante triennium praeturam gessissent, sorte electi frumento diuiduendo vacarent a). Postea *Praefectum Annonae* constituit, et quem olim sub republica in maximis annonae angustiis praeter ordinem creatum

p) Linus IV. 12.

q) Cic. ad Attic. IV. Ep. I. Dio 39. 23. Appian. Bell. Civ. II. c. 18.

r) Liv. 2, 9.

s) Liv. 2, 34.

t) Liv. 10, 11. 23, 41. vbi Manlius Sardiniam domitam nunciat patribus, frumentum Aedilibus, captiuos Praetori tradit. 30, 26. 31, 4. et 50.

u) Spaasheim de Vsu &c. Diss. 6.

x) Plin. H. N. 18, 3.

y) Freinsheim. Supplem. in loc. Liv. 120, 16. D. I. tit. 2. de Or. I. l. 2. §. 32.

z) Dio 54. 1. qui morem illum sex creandi Aediles, duos patricos et quatuor plebeios ad sua vique tempora dureffe auctor est. L. 43.

a) Dio 54. 17. Sueton. in Aug. 37.

creatum paulo ante vidimus, eum ordinarium fecit atque perpetuum. Is quanquam Praefectum Vrbi vt maiorem magistratum reuereri debuit, praefecturam tamen annonae inter primas dignitates fuisse ex Tacito *b)* satis intelligitur. Perdurauit autem annonae praefectus vsque ad extrema imperii tempora, quin immo ad sextum P. C. N. seculum mansisse ex Cassiodori Epistolis apparet *c)*. Neque tamen Aediles, Praefecto annonae instituto, ab omni cura annonae remoti. Papinianus enim, qui Septimi Seueri et Antonini aetate vixit, de *Aedili condemnato ob arctiorem annonam praesbitam* in Digg. *d)* egit. Quid de hoc statuemus? Aut illo tempore praefecti annonae non erant, aut habebant tantum curam aduehendi et condendi frumenti, Aediles vero (cereales putant) populo diuidendi, etsi hoc Dioni, qui L. LIV. Praefectum annonae *προς την του σιτου διανομην* creatum scribit, repugnet. De *curatoribus annonae*, qui in lapidibus saepe occurrunt, eorumque officio accuratius definiendo si sermo incidit, non video, quomodo me recte expediam. Quod si eos vno eodemque tempore cum Praefecto annonae Aedilibusque Cerealibus in republica fuisse statuas, quid officium illis tribuam, nescio, nisi eos in prouinciis frumentariis frumento ibi colligendo praefuisse quis arbitretur. Alias autem, si Praefectum annonae per interualla non creatum aliunde sciremus, eius locum Curatores annonae aliquando tenere potuissent.

Ceterum in magistratum Rom. qui annonae curam gesserunt, recensu non omittendus est *Comes portus Ostiae*, ab Imp. Claudio ibi primum constitutus. Ad Minuciae autem officia in lapidibus *Praefectus, Consularis, Procurator, Curator, Quaestor et Rationalis* referuntur, de quibus tamen, nisi coniecturis indulgeas, nihil constat.

§. 32. **

De annona salaria.

Rebus ad vitam humanam, vt nunc iam est instituta etiamque Romanis fuit, praecipue necessariis sal quoque adnumerandum est seu annona salaria. Hanc quidem Romani primum acceperunt ex salinis ab Anco Marcio circa Ostiam factis *e)*, quae sine dubio nihil aliud fuerunt, nisi fossae ad littus, quibus aqua salsa immissa Solis ardore fuit exsiccata. Inde via Salaria, (quam inde sic appellatam fuisse, quia per eam Sabini Sal a mari deferrebant, Festus auctor est) aut in Tiberi sales Romam aduecti, in promptuariis seu receptaculis, quae in regione Urbis XI. ad portam Trigeminam seniori aeuo fuisse constat, repositi sunt. Sub republica Salinae publicae a municipibus erant conductae, quorum sine auctoritate sales emere atque vendere nefas erat

b) Tacit. Annal. I. 7. ad ann. VC. 767.

c) Epist. VI. in formula Praefecti annonae.

d) Digg. 16. tit. 2. l. 17.

e) Liv. I. 33. cf. VII. 19.

erat A. V. C. 247. inter alia blandimenta plebis "salis quoque vendendi arbitrium ademptum priuatis" Liuius memorat *f)* vnde salis monopolium priuatis antea permissum fuisse, colligere licet. V. C. 551. M. Liuius Censor Salinatoris nomen inde traxit, quod nouum ex annona salaria vectigal constituisset. "*Sextantis enim pretio Romae, pluris in foris atque conciliabulis et alio alibi pretio praebendum locauerunt g)*." Sub Imperatoribus salis publici commercium esse non poterat sine principis auctoritate, neque tamen saltem ex publico datum inuenio, nisi quem Agrippa Aedilis populo distribuit.

§. 33.

De cura lignorum.

Lignorum copia nostra quidem aetate praecipuam politiae curam postulat, apud Romanos haec res tanti momenti non fuit. Lignorum inopiam Romae fuisse nusquam legimus, neque vnquam sub Imperatoribus, vt alia pleraque ad vitam sustentandam necessaria, ligna distributa. Occurrit quidem Forum Lignariorum Romae, vbi ligna in Tiberi aduecta deposita erant, sed haec ad aedificandum potius parata fuisse putarim, quam ad vulgarem cremandi vsum. Neque Romanis cremalium arborum tanta copia opus erat primum propter coeli clementiam, deinde quia, exceptis balneis atque thermis, opera illa, quae omnium maxime ligna consumunt, nondum existerent, v. c. hyalurgia, cinerum clauellatorum officinae &c. fornaces autem calcariae longe erant ab Vrbe remotae.

Tantum de securitate vitae.

CAP. I. SECT. II.

De Securitate honoris.

§. 34.

De infamia arcenda.

Securitas honoris est hominis liberi status, eaque conditio, vbi de aliorum iniuriis, quibus honor violatur atque affligitur, nihil ipsi metuendum est. Haec autem securitas praecipue interpellatur ac turbatur, si conuiciis temere aut ore aut litteris iactatis inuehi in aliquem licet. Itaque legibus ac poenis statutis huic malo obuiam itum a Romanis primum quidem XII. Tabb. lege, quae ita fere se habuit: Si quis publice aliquem diffamauerit eique conuicium fecerit, vel carmen famosum condiderit ad alterius iniuriam

f) Liv. II. 9.

g) Liv. XXIX. 37.

iniuriam seu infamiam, fuisse ferito *h*). Inde hunc in modum Horatius Epp. L. II. I. v. 152:

— — — — — lex

Poenaeque lata, malo quae nolle carmine quenquam

Describi. Vertere modum, *formidine fustis*

Ad benedicendum delectandumque redacti.

Fustuarium igitur supplicium ab auctore carminis famosi ex lege XII. Tabi sumtum, quod et Porphyrius, Horatii interpretes testatur. Postea tamen cum illa poena nimis esse seuera visa esset, formula legis ita constituta est, ut a Trebatio quodam apud Horatium Sat. L. II. I. pronunciatur. Trebatius autem poetam Venusinum admonens, ne in posterum Satira sua quenquam laceffet, ita verba fecit vers. 80.

— tamen ut monitus caueas (ne forte negoti

Incutiat tibi quid sanctarum inscitia legum)

Si mala condiderit in quem quis carmina, ius est

Iudiciumque,

id est, iniuriarum agere poterat is qui laesus esset. Naeuius Comicus a Triumviris capitalibus in vincula coniectus est quia more veteris Comoediae Graecorum iniuriis nobiles laceffuit, praecipue Metellos *i*). Postea carcere liberatus cum nihilominus laceffere optimates pergeret, factione nobilium Roma est expulsus *k*). Pari modo Augustus "censuit cognoscendum posthac de iis, qui libellos aut carmina ad infamiam cuiuspiam sub alieno ederent" *l*) cominotus, ut Tacitus addit *m*) "Cassii Seueri libidine, qua viros foeminasque illustres scriptis procacibus diffamauerat." Verum iam antea lex Cornelia de iniuriis ita statuerat: Si quis librum ad infamiam alterius pertinentem scripserit, composuerit, ediderit, doloue malo fecerit, quo quid eorum fieret, etiam si alterius nomine ediderit vel sine nomine, uti de ea re agere liceret: si condemnatus sit, qui id fecit, interstabilis esto *n*). Eadem poena ex SCto tenebatur is, qui *ἐπιγραμματα*, i. e. inscriptiones aliudue quid sine scriptura in notam aliquorum produxisset, item qui emendum vendendumque curauisset. Et ei, qui indicasset, siue liber siue seruus esset, pro modo substantiae accusatae personae, aestimatione iudicis pretium constitutum Vlpianus auctor est. Idem Praetoris seruauit Edictum: Qui aduersus bonos mores conuicium cui fecisse, cuiusue opera factum esse dicetur, quo aduersus

h) Oratione antiqua sic verba feruntur: Si qui populo censuisset, carmenne condidisset quod infamiam faxit, flagitiumue alteri fuisse ferito. Augustinus de Ciuit. Dei. II. 9. et 12. ex Cic. de Rep. IV. Cic. Tusc. IV. 2. Carmen ne liceret feri in alterius iniuriam XII. Tabb. lege sanxerunt. *i*) Gellius N. A. VI. 8.

k) Hieronym. in Euseb. Chronic. cf. Cic. in Bruto. 15.

l) Sueton. in Aug. c. 55.

m) Annal. I. 72.

n) D. 47. tit. 10. de iniuriis et famos. libellis. l. 5. §. 9. 11.

aduersus bonos mores conuicium fieret: in eum iudicium dabo o). In eos auctores, qui famosos libellos in contumeliam alterius proposuerint, extra ordinem usque ad relegationem insulae vindicatum esse, de suo tempore Paulus testatur p). Poenam vero non capitalem in capitalem commutauerunt Valentinianus et Valens Impp. P. N. C. 365. quorum Edictum his verbis conceptum traditur q): Si quis famosum libellum siue domi siue in publico vel quocunque loco ignarus repererit, aut corrumpat priusquam alter inueniat aut nulli confiteatur inuentum. Si vero non statim easdem chartulas vel corruerit vel igni consumserit, sed vim earum manifestauerit, sciat se quasi auctorem huiusmodi delicti capitali sententiae subiugandum. Ceterum libellos famosos, si reperti essent, in vrbe ab Aedilibus combustos fuisse Dio memoriae prodidit r). Theatralem vero populi lasciuiam saepe maximam fuisse constat; cuius quidem rei luculentum exemplum Tacitus suppeditat s).

Non plane a re alienum videtur, hoc loco verbo monere, quae ad honoris securitatem spectantia ex Horatii lectione mihi annotaui, quorum primum illud est, quod ex Sat. I, 3. v. 133. sq. intelligimus:

— Vellunt tibi barbam

Lasciui pueri: quos tu nisi fuisse coerces,

Urgeris turba circum te stante, miserque

Rumperis et latras, magnorum maxime regum.

et L. II. Sat. 3. v. 51 sq. — — — hoc te

Credo modo insanum, nihilo vt sapientior ille,

Qui te deridet, *caudam trahat.* —

Solebant nempe pueri appendices praetereuntibus clam affigere deinde vero ex alia parte occurrentes suos homines et ipsi deridere, et deridendos alii tradere. Quid ex utroque exemplo sequitur? Hoc puto, aut politiam Romanorum in hac quidem parte parum diligentem aut certe puerorum petulantiam fuisse dissolutissimam.

CAP. I. SECT. III.

De securitate bonorum.

§. 35.

Securitatem bonorum eam esse ciuium conditionem eumque statum arbitror, in quo, ne de bonorum iactura timendum sit, quantum fieri

F 2

potest,

o) Ibid. I. 15. §. 2.

p) Sentent. V. tit. 4. §. 16.

q) Cod. IX. tit. 36. de famosis libellis.

r) Dio. 56. 27.

s) Ann. XI. 13.

potest, publice prospicitur. Verum enim vero non omnia, quae ad illam securitatem villo modo facere possunt, ad politiam vrbis, nostrumque consilium pertinent. Alias enim omne ius circa meum et tuum hic esset exponendum, sed de iis tantum rebus hoc loco agendum, vnde bonis omnium vel plurimorum civium saepius atque potissimum damni periculum inflat, cui publice necesse est vt provideatur. Versabitur itaque disputatio nostra circa haec potissimum capita:

I. De furtis manifestis.

II. De fraudibus quorundam hominum, quibus plurimos damno efficiunt.

III. De casibus fortuitis, qui ab elementis instant, seu de inundationibus atque incendiis.

§. 36.

De furtis.

Furta et latrocinia nisi legibus earumque poenis, aliisque institutis publice coerceantur, in vrbe praecipue tanta, quanta maximam illius quod curamus temporis partem Roma fuit, bonorum securitas stare ac conservari nullo modo potest, cum in quacunque ciuitate homines semper inueniantur, qui faciliori negotio aliorum bona surripere, quam opera et labore victum parare malint. Itaque vt illi malo occurrerent, iam Decemviri (obliuionis enim caligine oppressa iacent, quae antea fuerint) in XII. Tabb. has fere leges de furtis proposuerunt:

Si noctu furtum fiat, furem autem aliquis occiderit, impune esto. Si interdiu furtum aliquis fecerit, eumque aliquis in furto deprehenderit: verberetur, illique, cui furtum factum fuerit, addicator ¹⁾). Seruus prius caesus fango Tarpeio deiiciatur. Impubes Praetoris arbitrio verberetur; noxaeque ab eo facta sarciantur. Quodsi se telo defendant, dominus cum clamore prius id testificetur, tum si occisi fuerint, sine fraude esto i. e. iure occisi sunt. Si furtum per lancem et licium conceptum erit, perinde ac si manifestum foret, vindicatur ²⁾). De furto pacisci ius esto; et si pactum intercesserit, furti amplius agere ius non esto. Furtivae rei aeterna auctoritas esto.

Innumera in Iure Romano furti occurrunt genera prudentiumque de iis responsa, quorum enumeratio hoc loco alienissima esset ³⁾). Furti actio-

¹⁾ Gellius XL. 18. sedes earum leg. classica.

²⁾ In hisce Gellii verbis illustrandis Critici aequae ac Interpretes valde laborarunt, inque varias admodum et discrepantes opiniones discesserunt. Absurdas Alexandri Neapolit., Oldendorpii aliorumque referens perstringit Merula de Legg. R. c. 16. Vera legis sententia ex Festo est deriuanda: "Lance, inquit, et licio dicebatur apud antiquos; qui furtum ibat quaerere in domum

alienam licio cinctus intrabat propter matrumfamilias aut virginum praesentiam." Videtur ex his patere, furtum per lancem et licium non committi sed perquiri et concipi ab eo cui furto res aliqua ablata est. Si is rem furtivam comprehenderet, furtum illud comprehensum pro manifesto vindicari sanxerunt.

³⁾ Vid. D. 47. tit. 2. tit. 6. 8. 9. &c.

actionem habuit is, cuius interfuit, non subripi et quidem ciuilitè primis temporibus, Vlpiani vero aetate criminaliter plerumque furti actum, quia, vt ipse tradit, visum est, temeritatem agentium extraordinaria esse animaduersione coercendam. Ex eodem discimus, expilatores, qui sunt atrociores fures in opus publicum vel perpetuum vel temporarium, datos esse, honestiores ordine ad tempus motos vel patriae fines excedere iussos; effractores autem nocturnos fustibus caesos et in metallum datos, diurnos vero post fustium castigationem in opus perpetuum vel temporarium missos y).

§. 37.

De furibus in Vrbe inuestigandis et conquirendis.

Primis temporibus furem conquirere eius erat cui supreptum esset, postea tamen, securitatis cura diligentiori habita, et magistratus publice fures conquirebant. Forſan Triumuiris Capitalibus primo id officium datum; isti enim omnino maleficiis in Vrbe coercendis creati laudantur. Ex Senecae aliquo loco z), vbi popinas, ganeas, tabernas et cauponas "Aedilem metuentia" vocat, dubito adhuc, an ex eo inde elici atque extundi possit, Aediles furibus explorandis et conquirendis vacasse, etsi certum est, in istis locis multos saepe fures, latrones praedonesque delitescere. De Praefecto Vigilum veritati proximum est, eum fures, effractores grassatoresque conquisiuisse, animaduertisse in illos, extra omne dubium. Ita enim, qui de eius officio scripsit, Paulus tradit: Cognoscit Praefectus Vig. de incendiariis, effractoribus, furibus, raptatoribus, receptoribusque; nisi quae tam atrox persona tamque famosa sit, vt praefecto Vrbi remittatur a). Nam de capitalibus causis sua auctoritate statuere Praefectus Vig. non potuit. Eadem vsque ad sextum P. C. N. seculum ratio permanſit. Cassiodorus Var. Epp. VII, 7. Praefectum Vig. ita compellat: "Custos Romanae ciuitatis diceris, quando eam ab intestino hoste defendis. Quapropter circa fures sollicitus esto: quos si tibi leges punire minime praecipiant, tamen eos indagandi licentiam contulerunt." Mirum autem videtur, idem fere officium eodem tempore et Comiti Romae fuisse iniunctum. Ad hunc enim eiusdem auctoris Epp. VII, 13. verba sic sese habent: "Comitiuae Romae tibi concedimus dignitatem, vt fidei studio, magnoque nixu quaeras improbas manus, et insidiantes aut priuatorum fortunis aut moenibus ad tuum iudicium venire facias."

Furibus speciatim adiungere licet seruos fugitiuos, qui semetipsos vel pretium emtionis domino subripiebant, et quorum, vt dominis restituerentur, publice erat cura habenda. Quodsi latitarent serui, praeconio illos

F 3

indaga-

y) D. 47. tit. 18. l. 2.

z) De Vit. beat. c. 7.

a) D. I. tit. 15.

indagabant. Sic apud Petronium praeco stabulum intrans cum seruo publico haec proclamavit: "Puer in balneo paulo ante aberravit, annorum circa XVI, crispus, mollis, formosus, nomine Gyton: Si quis eum reddere aut demonstrare voluerit, accipiet nummos mille." Alter erat modus, ut haec proponerentur in tabula ad columnam adfixa, ut apparet ex Propert. Eleg. III, 21. Plura autem exstiterunt et SCta et principum rescripta, ne quis servos fugitivos protegeret; in eum autem, qui quaeri apud se prohibuit, poena statuta. Stante republica Aedilium fuisse videtur fugitivos conquirere, etsi etiam ad Triumviros capitales, qui ad Columnam Maeniam ius dicebant, adducerentur, qui in taberna aut alibi essent deprehensi. Postea ad Praefectum Vig. spectavit fugae cognitio, is loca, ubi latere possent fugitivi, visitare dominisque ex officio servos restituere tenebatur ^{b)}. Quodsi ab eo qui deprehensi aut ab aliis ad eum deducti, nec a dominis agniti essent, ipsius officio distrahebantur, et intra triennium a die venditionis agniti emtor pretium a fisco recipere poterat, post triennium autem domino vindicantes emtor praescriptione summovebat.

§. 38.

De horreis, quibus pretiosa conderentur.

Horrea Romae non frumentaria solum et vinaria fuisse, verum et pretiosissimam fortunarum suarum partem in iis, ut tutiore loco esset, Romanos reposuisse atque condidisse, ex iure Romano multis testimoniis probat Brissonus ^{c)}. Alexander autem Imperator "horrea in omnibus Urbis regionibus publica fecit, ad quae conferrent bona ii, qui privatas custodias non haberent ^{d)}." Dispositi ad haec horrea custodes erant servi aut publici aut ex familia principum privata, qui plerumque, si effracturae in illis fierent, puniebantur. Diuus Antoninus Erycio Claro rescripsit: posse eum horreis effractis quaestionem habere de servis custodibus, etsi in illis ipsius Imperatoris portio esset ^{e)}. Praeter horrea aliquando etiam templum Pacis a Vespasiano exstructum pretiosis privatorum custodiendis inseruisse dicitur.

§. 39.

De tutela minorum.

Minorum, qui semetipsi tueri non possunt, quorum fragile est consilium multorumque insidiis bona exposita, eorum quidem cura publice est suscipienda, tutoresque publice dandi. Tutela autem seu potestas in capite libero ad defendendum eum, qui per aetatem se defendere non potest, Romanis erat triplex. Primum enim *tutela testamentaria* XII. Tabb. legibus erat constituta, secundo erat *legitima agnatorum et patronorum*, tertio *tutela dativa*

^{b)} D. I. tit. 15. l. 4.^{c)} Antiqq. Select. IV. 18.^{d)} Lamprid. in eius Vita. c. 39.^{e)} D. I. tit. 15.

datiua circa V. C. 567. lege Atilia introducta: vt mulieribus et pupillis tutores non habentibus a Praetore et maiore parte Tribunorum pl. darentur. Postea Claudius Imperator sanxit, “vt Consules pupillis vtriusque sexus tutores darent f),” quod ab Antonino Philosopho iterum sublatum Capitolinus testatur, ab eoque Praetorem tutelarum institutum. Quod autem ad pericula spectat, quae a prauis tutoribus pupillis instant, tot quidem cautionibus legumque praesidiis a Romanis prouisum est, vt difficile illis esset, perfidiae suae poenas effugere. De quibus enim non mediocris suspicio vel a muliere, seruo, tutore itidem ob suspicionem remoto, ad magistratum delata esset, eos a tutela ablegandos maiores iusserant et perpetua improbitatis nota inurendos g). Sub republica quidem Praetor de illis ius dicebat, sub Imperatoribus autem tutores atque curatores, qui male in tutela vel curatela versati grauiore animaduersione indigerent, quam vt sufficeret eis suspectorum infamia, quos probari posset vel nummis datis tutelam occupasse vel euidenti fraude pupilli bona alienasse, ad Praefectum Vrbi sunt remissi h).

§. 40.

De cura ponderum et mensurarum.

Neque ponderum ac mensurarum cura publica, ne ex eorum iniquitate damnum emtoribus gigneretur, a Romanis neglecta. Itaque ad Iouis Capitolini amphora sacra, pedis Italici modulus in Monetae, et pondera in templo Martis Vltoris sunt custodita, ad quae omnium ceterorum fides exigeretur. De ponderibus autem atque mensuris cognoscere, harum iusto minores frangere, istorum iniquis vtentes multare, Aedilium tanquam *Ἀγορανομον* s. foro Praefectorum, munus erat atque officium i). Id vero non in foris solum venalibus, sed etiam in cauponis atque tabernis, vbi merces quoque prostabant, exercuisse videntur. Huc enim proprie spectare Senecae locum (§. 37. iam excitatum) de locis Aedilem metuentibus arbitror. Certe de his rebus ex Edicto Aedilitio multo plura nossemus, si quidem ea pars, qua de istis cautum esse debuit, acuum tulisset. Traianus Edictum proposuit, quo poenam legis Corneliae de falsis, i. e. deportationem et omnium bonorum publicationem, in eos statuit, qui adulterinas stateras vsurpassent, atque etiam Hadrianus eum, qui falsas mensuras habuisset, in insulam relegauit k). Aedilium potestate Constantini M. tempore sublata Praefecti Vrbi pondera in emtionibus venditionibusque vsitata inspexerunt, vnde et eorum nomine insignita occurrunt l).

§. 41.

f) Teste Sueton. in Claud. c. 23.

g) D. 26. tit. 11.

h) D. I. tit. 12. l. 1. §. 7.

i) Dig. 19. tit. 2. l. 13. §. 8.

k) D. 47. tit. 11. l. 6. §. 1 & 2.

l) Ammian. Marcellinus. L. 27. c. 29

§. 41.

De alea.

Cum in ludis, qui in pecuniam exercentur, multis collusionum fraudibus exponantur imprudentes aliaque inde mala in reipublicam inquadant, istis etiam Romani occurrendum putarunt. Inprimis autem aleam legibus vetitam accepimus, et quidem, nisi, probare quid ad Romanorum mores pertinens ex Plauto velle, periculosius esset, iam eius tempore legem de alea latam fuisse contenderem. Ita enim in Milite glorioso Act. I. Sc. 3. Periplectomenes praeciens introducitur:

— vt ne *legi* fraudem faciam *talaris*

Accuratote, vt sine talis domi agitent conuiuium.

Certius autem aleam legibus prohibitam docet Ouid. Trist. II. Eleg. ad Aug.

Sunt aliis scriptae, quibus alea luditur, artes,

Hoc est ad vestros non leue crimen auos.

Adde Horatium Carm. III. 24. *vetita legibus alea.*

Leges autem de alea latae perhibentur Titia, Publicia, Cornelia, firmatae non Praetoris solum Edicto, verum et SCto, quo etiam sponsonem facere et in pecuniam ludere omnino vetitum, praeterquam si quis certet hasta, vel pilo iaciendo vel currendo, saliendo, luctando, pugnando, quod virtutis causa fieri permissum erat *m*). De poenis, quibus isto crimine conuicti afficerentur, inter auctores non conuenit. Certè maiorem aleae quam vel furti poenam esse Romani voluerunt *n*). In Digg. Edictum Praetoris ita se habet: "Si quis eum, apud quem alea lusum esse dicetur, verberauerit, damnumue ei dederit, siue quid eo tempore dolo eius subtractum erit, iudicium non dabo: in eum qui aleae ludendae causa vim intulerit, vti quaeque res erit, animaduertam;" ad quae Vlpianus: clausulam hanc pertinere, ait, ad animaduersionem eius, qui compulit ludere, vt aut multa multetur, aut in lautumias vel in publica vincula ducatur *o*). Apud antiquos in Saturnalibus alea permessa, quo alludit Suetonius in Aug. c. 71. Aedilium autem fuisse in aleatores inquirere Martialis docet Epigr. XIV. I. et V. 126. cuius loci vt classici verba apponere liceat:

Blando male proditus fritillo

Arcana modo raptus e popina

Aedilem metuit vduus aleator,

Saturnalia transiere tota.

§. 42.

m) D. XI. tit. 5. de aleatoribus.

n) Afsconius in Diuinat; "Alii dicunt, quadruplatores esse reorum accusatores, qui quadrupli damnari solent, vt aleae."

o) D. I. cit.

§. 42.

De re foenebri et de nummulariis.

Bonorum securitas etiam foeneratorum pessimis fraudibus maxime saepe affligitur; itaque ne ciues istorum auaritiae necessitate coacti obnoxii relinquerentur, legibus prouideri publice interfuit. Itaque iam XII. Tabb. lex promulgata; ne quis vnciario foenore amplius exerceret *p*); si quis aliter faxit, quadruplionem poena luito. Lex Duillia Maenia, V. C. 369. a M. Duillio, L. Maenio Trib. pl. perlata, nihil aliud, nisi XII. Tabb. legis fuit repetitio, duodecim vero annis interiectis, "T. Manlio Torquato, C. Plautio Coss., semiunciarium tantum ex vnciario foenus factum et in pensiones aequas triennii, ita vt quarta praesens esset, solutio aeris alieni dispensata est." *q*) V. C. 411. L. Genucius Trib. pleb. legem tulit: ne foenerare liceret. Liv. VII, 42. V. C. 427. a C. Poetelio Libone et Papirio Mugillano Coss. lata est lex Papiria Poetelia: "ne quis nisi qui noxam meruisset, donec poenam lueret in compedibus aut neruo teneretur: *pecuniae creditae bona debitoris, non corpus obnoxium esset: et ne quis in posterum neceretur.*" *r*) Postea lex Iulia de cessione bonorum lata memoratur: at qui sine dolo suo malo aeri alieno satisfacere non posset, bonis suis cedendo liberaretur, et V. C. 800. P. C. N. 49. C. Claudius Caesar "lege lata sacuitiam creditorum coercuit: ne in mortem parentum pecunias filiis familiarum foenori darent" *s*)

Quae quidem leges in Vrbe vt obseruarentur (alias enim, quae ad prouincias spectant, hic non curamus) quo tempore quacuis rata fuit, ea cura apud Aediles fuit, inprimis vero Curules. Saepe igitur ab his dies foeneratoribus dictus eorumque bona multata feruntur *t*).

Nummularii et argentarii Romae homines erant, apud quos opulentiores pecuniam suam deponebant, aut vt aliis foenori darent, aut creditoribus exsoluerent. Istis quidem hominibus de pecunia sibi tradita, ex tabulis accepti et expensi rationes erant reddendae, et tum pro industria lucrum non leue illis accedebat. Iidem nummos vendebant, i. e. pro nummis permutatis aliquid lucri accipiebant, collybi nomine, quem etiam aspraturam dixerunt. De his autem negotiis plures exstisse leges certum est, quae securitati bonorum prospicientes de fraudibus illorum hominum, ne foro illi maxima cum ciuium iactura fugerent, cauerent. Certe earum legum cura Praefecto Vrbi ab Imperatoribus mandata fuit. Inde de illius officio Vlpianus praecipit: "Praeterea curare debet Praefectus Vrbi vt nummularii

p) Tacitus Annal. VI. 16.*q*) Liv. VII. 27.*r*) Liv. VIII. 28.*s*) Tacit. Ann. XI. 13.*t*) Liv. VII. 28. X. 23. XXXV. 41.

mularii probe se agant circa omne negotium suum et temperent his, quae sunt prohibita." u)

§. 43.

De magicis artibus.

Cum in populo philosophiae studiis nondum satis exculto superstitionibus plurimi ducantur, neque homines deficere, quibus quaesui sint capti superstitione animi, omnium temporum docent annales. Nunquam vero illud hominum genus frequentius Romae exstitit, quam sub Imperatoribus primis P. C. N. seculis. Tum Mathematicorum Chaldaeorumque greges ciues fraudare atque circumvenire, falsaue spe vel vano metu hominum animos implere. Inde multis quidem legibus huic malo remedium quaesitum, verum frustra plerumque latas Tacitus queritur, ita de mathematicis verba faciens: "genus hominum potentibus infidum, sperantibus fallax, quod in ciuitate nostra et vetabitur semper et retinebitur." x) Aedilium erat, cauere, ne libri noxii circumferrentur, neue homines stupidiore ab illo impostorum genere deciperentur. V. C. 720. M. Agrippa, Aedilis curulis edicto Aedilitio astrologos et praestigiatores vrbe eiecit y). V. C. 769. P. C. N. 18. "facta de Mathematicis Magisque Italia pellendis SCta, quorum e numero L. Pituanus saxo deiectus est, in P. Marcium Consules extra portam Esquilinam, cum clasticum canere iussissent, more prisco aduertere," z) verum deprecantibus ac se artem desituros promittentibus Tiberius veniam dedit a). Patellus Ictus, qui P. N. C. circiter 230. vixit, de suo tempore ita testatus est: "Magicae artis conscios summo supplicio affici placuit, id est, bestiis obici aut cruci suffigi, ipsi autem magi viui exuruntur. Libros magicae artis apud se neminem habere licet, et si penes quoscunque reperti sunt, bonis ademptis ambustisque his publice in insulam deportantur, humiliores capite puniuntur." b)

De cura incendiorum.

§. 44.

Progredior nunc iam ad eam politicae Urbis partem, quae de periculis cauet, quae ab incendiis exortis ciuium bonis maxima instant, et in quibus arcendis et propulsandis laudem aliquando Romani meruerunt non contemnendam. Quare in hac quidem parte aliquanto accuratius adumbranda etsi copiosior videar, ipsum tamen consilium non improbandum arbitror. Omnis autem incendiorum cura cum duabus partibus constet:

I. ne

u) D. I. tit. 12. l. 1. §. 9.

x) Tacit. Hist. I. c. 22.

y) Dio 49. c. 43. τους Αστρολόγους και τους γόητας εκ της πόλεως εξήλασεν.

z) Tacit. Ann. II. c. 32.

a) Sueton. in Tiber. c. 36.

b) Paulus Sent. V. tit. 23. §. 11 et 12.

I. ac incendia exoriantur,
 II. ne oborta latius spargantur,
 inde et nostra disputatio in duas potissimum partes dispescitur, hoc tamen discrimine, ut in primam partem omnes colligam leges, quibus ab incendiis Romae vel omnino prouisum est, ne orirentur, vel etiam ne latius spargerentur, altera vero parte de institutis ac magistratibus tradam, qui incendiis arcendis tam sub republica libera, quam sub Imperatoribus praecessent.

§. 45.

De incendiis, cur olim tam frequentia Romae?

Veterem Urbem frequentibus obnoxiam fuisse incendiis, nemo quidem est, qui non vel ex puerili doctrina in memoriam reuocet c). Quod cum multis mirabile visum sit, non plane alienum a proposito esse arbitror, causas praecipuas hoc loco commemorare, quibus incendiorum Romae frequentia mihi quidem videatur tribuenda. Quod ad quinque prima Urbis saecula pertinet, incendiorum praecipuam causam in eo positam fuisse liquet, quod Varro de LL. lib. IV. memoriae prodit, prisci aevi Romanorum casas lato ac stipula tectas atque fartas, immo usque Pyrrhi regis tempora, id est, usque ad a. V. C. 470. *scandulis ligneis tectas* fuisse, quod ex Cornelio Nepote Plinius memorat d).

Aliam incendiorum causam fuisse puto Romanorum rationem, quam in domorum partibus et cubiculis calefaciendis secuti sunt. Nempe, ut Philander ad Vitruvium e) monet, "in subterranea structura fornix erat oblongus, et ex eo quaque versum in intimis parietibus de industria relictis structiles ad summam conignationem canales f) qui nares haberent ad loca omnia, in quae vellent procurare calorem exemitibus operculis." Nimis autem angusti erant illi tibi sen canales, quin breui temporis spatio fuligine repleti, praesertim si lignei essent parietes, incendiorum numerum augerent. Deinde vero ut omnibus domorum partibus calor sufficeret, maximos et perpetuos ignes in subterraneis illis fornicibus nutrire oportuit, quorum indomita vis, nisi a seruis vigilantissime custodirentur, non potuit, quin plurima incendia excitaret.

Ab hac altera frequentium incendiorum causa, nescio an diuersa fuerit alia, nempe vitium quoddam in domibus exstruendis commissum, quod Nero tandem edicto prohibuit, de quo postea videbimus.

G 2

Cur

c) Adicere tantum liceat Iuuenalis locum notabilem. Sat. III. 5 sq.

Quid tam miserum, tam solum vidimus, ut non Deterius credas, horrere incendia, lapsus Testorum assiduos ac mille pericula saeculae Urbis?

d) Plin. H. N. XVI. 10.

e) Vitruv. VII. 3.

f) Seneca Ep. 90. eorum rationem latuleter explicat.

Cur autem incendia Romae oborta tam lata plerumque sint vagata, eius quidem rei (praeter illam primam a tectis stramineis scandalarumque usu deriuatam ut casus improuisos, v.g. ventorum procellas, aut quod in tempestiua nocte incendium vel eo tempore ortum esset, cum ciues aut omnes aut plurimi militiae causa abessent senibus et mulieribus cum impuberibus duntaxat relictis) has praecipuas causas fuisse arbitror.

Prima fuit viarum in vrbe angustiae atque flexurae, quibus fiebat, ut non solum aedificia proxima facilius atque celerius flamma corriperebantur, sed et hominum accessus ad exstinguendum concurrentium, eorumque operae impedirentur g).

Altera causa fuit aedificiorum altitudo, ad quam coercendam leges latas, supra (vbi de ruinis egimus,) vidimus. Inde Seneca Pater h): "tanta, inquit, altitudo aedificiorum est, tantae viarum angustiae, ut neque aduersus ignem praesidium, neque a ruinis vllum in vllam partem effugium sit."

Tertiam laudo artis exstinguendi primis certe temporibus imperitiam et subsidia atque instrumenta nondum parata.

Quarta denique fuisse videtur infelix illa hominum superstitio, ex qua nihil mali, nullam calamitatem adeoque et nullum incendium nisi ab ira Deorum immitti putabant; qua opinione animis mortalium impletis, aut omnino malo non resistere auderent, ne denuo Deos ad iram lacefferent, aut primo nuncio incendii accepto, metu statim perculsi atque attoniti suarumque rerum trepidi ad auxilium ferendum vix satis idonei essent.

§. 46.

De legibus, quibus incendiis Romae obuiam itum.

Quae ab hominum fraude aut negligentia incendia oriuntur, iis quidem iam XII. tabularum lege prouisum: Qui aedes acerrumue frumenti ad aedes positum dolo sciens incensit, vinctus verberatus igni necator. Si vero casu, id est, negligentia, aut damnum datum sarcito, aut si minus idoneus sit, leuius castigatur i). Haec quidem lex repetita in lege Cornelia de sicariis, qua tenebantur etiam ii, qui data opera in eorum, quos odissent, res atque bona incendium immisissent, aut quorum dolo incendium factum esset k). Semper autem incendiarii summo supplicio sunt affecti, Vlpiani tempore si humiliore loco essent, bestiis obiecti, si in aliquo gradu incendium fecissent, capite puniti aut certe in insulam relegati. Si fortuito incendium factum esset, venia data, nisi tam lata culpa fuisset, ut luxuriae aut dolo proxima esset l). Quodsi per incuriam ignis euasisset, duplici compendio damnum eiusmodi sarciri placuit m). Ceterum si humana fraude incendium

g) Tacit. Ann. XV. 38.

h) Controuers. IX. 2.

i) D. 47. tit. 9. l. 9.

k) D. 48. tit. 8. l. 1. et 10.

l) D. 47. tit. 9. l. 11 et 12.

m) Paulus Sent. V. tit. 3. §. 6.

incendium exortum esse videretur, praemia pro concione edicta iis, qui, quorum opera incendium conflatum esset, profiterentur *n*).

Alia XII. Tabb. lex his verbis erat concepta: ne quis in vrbe vrito (scil. cadauer) et rogi ne propius aedes alienas inuito domino adiicito; qua lege incendii periculo, quod a rogis in vrbe incensis aedificiis imminuit, occursum esse, nemo non videt.

Tertia, quae ad incendia spectans ex XII. Tabb. legibus memoratur; ea quidem lex ita se habet: Ambitus parietis sextertius pes esto: id est, inter vicinorum aedificia ad circumeundi facultatem spatium vacuum duorum pedum et semis relinquitur. Quam diu haec lex valuit, omnes Romanorum domus insulae fuerunt, et inde innumeri angustissimi. Cuium vero numero laetis postea incrementis adaucto, aedificia propius sibi inuicem collocari coepta, immo communione parietum exstrui. Antiquam vero aedificandi rationem reuocauit Nero, edixitque, "ne communione parietum, sed propriis quaeque muris ambirentur." Nam post grauissimum illud incendium, quod ab ipso nomen tulit, nouum aedificandi modum proscripsit, insulis et non ita contiguis domibus exstructis, vt continuae ignis violentiae campus et veluti vacuum coelum occurreret *o*). Antoninus et Verus A. A. rescripserunt: Legitimum spatium a vicina insula esse intermittendum *p*). Ab horreis autem publicis priuatorum aedes C. pedibus, a ceteris vero aedificiis XV. spatio remoueri Constantino primum placuit. Theodosio satis visum etiam ab horreis publ. priuatorum aedificia XV. pedum interuallo disiungi.

V. C. 818. p. C. N. 67. Edictum a Nerone propositum: "Vt aedificia certa sui parte, sine trabibus, saxo Gabino Albanoue solidarentur," quod is lapis igni est imperuius *q*). — Alterum Neronis edictum non minus memoria dignum: vt custodes *r*) et subsidia in propatulo quisque haberet," quam legem tertio saeculo P. C. N. adhuc durasse liquet ex Paulo, (D. I. tit. 15. l. 3. §. 4) cuius tempore vnusquisque inquilinus aquam in coenaculo habere tenebatur.

Huc spectant etiam Edicta de modo aedificiorum, quorum altitudo plurimum facit ad incendia latius spargenda, verum illa Edicta vid. supra (17.).

Pauli tempore neque muri, neque portae habitari sine permisso principis propter fortuita incendia poterant *s*).

G 3

§. 47.

n) Linius 26. 27.

o) Tacit. Annal. XV. 40 et 43.

p) D. 8. tit. 2. l. 14. quem locum male intellexisse videtur V. Cl. Nitsch in Beschreibung des Zustandes der Römer. Th. II. p. 895. *intermittendum* enim pro *omittendum* accepit. Verum spatium intermittere Romani dixerunt pro: in medio relinquere et. exempla, quae Scheller collegit sub voce intermittere.

q) Tacit. Ann. XV. 43.

r) Adler in Beschreib. v. Rom. p. 73. hosce custodes castellariorum publicos ministros fecit. Forfan in errorem deductus est Lipsii et I. F. Gronovii auctoritate, qui castellarios publicos sub illis custodibus intelligendos esse putarunt. Vide ipsos ad Tacit. Ann. XV. 43.

s) D. 43. tit. 6. l. 3.

§. 47.

De magistratibus, qui stante republica incendiis restinguendis praecessent.

Quod ad alteram curae incendiorum partem attinet, scilicet ut aliquando oborta protinus restinguantur, primum de magistratibus, quibus illa cura mandata, postea de ipsorum ministris, denique de Romanorum ad incendia arcenda subsidiis atque instrumentis videbimus.

Instituta priscorum Romanorum ad incendia arcenda ut in omnium rerum initiis aut nullius aut parui saltem momenti fuerunt, cum etiam in parvis neque contiguis domibus etsi propter straminea ignibus magis obnoxiiis, periculum tamen minus ab incendiis immineret; qualia autem fuerint, Annales omnino tacent. Et cum in omni antiquitate inuestiganda atque describenda nihil magis cauendum sit, quam ne prioribus saeculis ea tribuas, quae ad serius tantummodo acuum spectant, ego quidem in illis nubibus, quae antiquiora tempora obtegunt, detergendis frustra haud morabor, sed ea tantum quae firniori historiarum fundamento niti videntur, hic loci adferam.

Primis ab vrbe condita seculis reges et priores Consules, cum totius reipublicae curam gererent, et hanc politicae partem curasse, necesse est. Postea ad Aediles ea cura translata, vnde ad nouum magistratum rediit, Triumuiros nocturnos puto, quorum tamen origo, quam alte sit repetenda, nescio, quomodo definiam. Antiquissimus, quem hactenus Triumuirum a veteribus commemoratum reperire licuit, Cn. Flavius est, qui V. C. 459. A. C. N. 304. Aedilis curulis fuit, *triumuiratibus* antea gestis, *nocturno* altero, altero coloniae deducendae t). Triumuirorum autem muneri id incubuisse ut oborta incendia, ne latius peruagarentur, curarent, luculenter apparet ex eo, quod a Valerio Maximo u) relatum est, "M. Muluium, Cn. Lollium et L. Sextilium Triumuiros, quod ad exstinguendum sacra via incendium tardius venerant, a Tribuno plebis die dicta ad populum esse damnatos." Vigiliis in vrbe circumeundo Triumuiros ab incendiis nocturnis cavisse, ex eodem Valerio discimus x). Dubium autem forsitan videatur, utrum Vigiles in vrbe certis locis fuerint dispositi, qui ne officio deessent, Triumviri prospicere debuerint, (quod Galli vocant *visite des sentinelles*), an omnino tantum de circuitione per Urbem cum servis publicis, seu de excubiis exploratoriis (patrouille) Valerii verba sint accipienda. Verum hac altera sententia ut persistamus, Liuius admonet, qui Triumuiris capitalibus mandatum esse tradit, ut vigiliis per urbem disponerent, quo mandato certe opus non fuisset,

t) Liv. 9. 46.

u) Lib. VIII. c. 1.

x) Ibidem P. Villium Triumuirum nocturnum, quod vigiliis negligentius circumierat, a populo damnatum memoriae prodidit.

set, si iam antea vigiliae per Urbem fuissent dispositae y). Neque defunt auctores, qui Triumuiros nocturnos eosdem fuisse cum Triumuiris capitalibus putent, hos autem nouo epitheto tum demum auctos, cum excubias agere, i. e. noctu etiam vigilare inciperent, quod et mihi pluribus ex causis non improbabile videtur z). Triumuiris iamiam constitutis etiam Aediles atque Tribunos plebis nonnunquam incendiis exstinguendis interuenisse Paulus auctor est a).

Postea "quia magistratibus vespertinis temporibus in publicum esse inconueniens esset, *Quinquemuiros cis et vls Tiberim* constitutos, qui possent pro magistratibus fungi," Pomponius litteris mandauit b). Verum enimvero cum hic altero demum P.C.N. seculo vixerit, vbi iam historiae antiquae studium valde imminutum erat, facile mihi persuaderem Vviros illos perpetuum magistratum non fuisse, sed in maximo illo, quod V.C. 568. A.C.N. 186. Romae a Bacchanalibus periculum imminuit, extra ordinem tantum fuisse constitutos c), nisi idem Pomponius in sequentibus adiecisset: "Cistiberes illos postea Aediles Scto fuisse creatos." d). Etsi enim hic locus vel ipsius auctoris, vel eius culpa, qui illum excerpsit, obscura breuitate laboret, tamen si contextum rite consulas, nonnisi de magistratu, qui per aliquod temporis spatium continuo sit creatus, intelligi potest.

§. 48.

De magistratibus, qui incendiis arcendis sub Impp. praeerant.

Augustus, quem omnem politiae administrationem mutasse iam supra monitum est, V.C. 732. Aedilibus curulibus incendia exstinguenda mandauit e). Verum enimvero V.C. 759. P.C.N. 9. pluribus incendiis simul excitis cum Aediles oneri non sufficerent, septem cohortes opportunis locis constituit f), praepositis eis Tribunis et super omnes Praefecto Vigilum. Huius quidem officium quatenus ad incendia spectauit, potissimum in his versabatur: vt totam noctem vigilaret, calceatusque coerraret cum instrumentis ad incendia restinguenda necessariis, admoneret omnes inquilinos, ne aliqua negligentia incendii casus oriretur et vt aquam vnusquisque in coenaculo haberet, fustibus castigaret eos, qui negligentius ignes habuissent, aut si alias semper diligentes fuisse probentur, certe seuera interlocutione comminaretur; de incendiariis cognosceret, eos autem, qui dolo fecisse incen-

y) Liv. 39. 14.

z) Cf. loc. eund. in fin. capitis, vbi adiutores Vviros Triumuiris datos esse narratur et Hamberger Diff. I. de incendiis in Opusc. p. 14.

a) D. I. tit. 15. l. 1.

b) De Orig. iur. L. II. §. 31.

c) Liv. loc. laud.

d) Van Bynkershoek locum corruptum esse putat et ita restituendum: tamen hi, quos Cistiberes diximus, postea vt Aediles, Scto creabantur.

e) Dio L. 53. p. 513. et 54. c. 2. p. 522. τοις ὁ ἀγορευομένοις τοις κερουλοις τὴν τὸν ἐμπρησμένων κατασβεσθὲν ἐνεχειρίσει.

f) Dio 55. 26.

incendium conuincerentur ad Praefectum vrbi remitterent, de capitalibus enim causis sua auctoritate nihil statuere potuit g). Praefectus Vigilum vsque ad extrema imperii occidentalis tempora, immo sexto P. C. N. seculo adhuc durauit h). Plures aliquando fuisse creatos ex Theodosii et Arcadii rescripto videri potest: Praefecti vigilum huius vrbis nihil de capitalibus causis sua auctoritate statuere debent, sed si quid huiusmodi euenerit, Culmini tuae potestatis referre i). Vigilum autem subpraefectum aliquando fuisse, lapis apud Gruterum docet Inscr. LXXIII, n. 4.

§. 49.

De familia publica et cohortibus Vigilum.

Ad exsequenda officia magistratibus addita primum familia publica seu serui publici, quorum opera ad incendia arcenda vterentur. Romanis enim mos fuit, vt ex gente captiua plerumque seruos quosdam respublica sibi eligeret atque seponeret, ad varios quidem vsus, in his etiam ad incendia arcenda. Erat autem familia publica circa portam et muros disposita, vnde, si opus esset, euocaretur. Ceterum eiusmodi seruis annua quaedam respublica praestabat ad victum et vestem. De numero eorum sub republica nihil constat; Augustus autem, cum Aedilibus curulibus incendiorum extinctionem iniungeret, sexcentos ipsis tradidit seruos (ἐξακοσίους βοηθούς δούλους) quorum opera vterentur k). Verum enim vero praeter hosce incendiorum extinctores publice constitutos, fuerunt et familiae privatae, quae incendia vel mercede vel gratia exstinguerent. Celebratum hoc nomine Egnatium Rufum, "magnamque in aedilitate exstinguendis privata familia incendiis populi gratiam collegisse" Paternus memoriae prodidit l). Serui autem, qui in defendendis ab incendio aedificiis, praesertim sacris strenue se gesserant, in publicum redempti sunt atque remissi m).

De cohortibus Vigilum.

V. C. 759. P. C. N. 9. septem cohortes vigilum ab Augusto constitutas iam antea vidimus, Appianus autem iam ad annum 718. V. C. illud factum esse refert. Dum enim Vrbs ipsa Siciliaque palam a latronibus infestaretur, Sabinus, ait, ad id corrigendum a Caesare (Octauiano) electum intra annum securam reddidisse pacem omnibus, καὶ ἐξ ἐκείνου φασὶ παραμῖναι τὴν στρατίας τῶν νυκτοφυλακῶν εἶδος τε καὶ εἶδος: ex illoque tempore institutas aiunt militares nocturnorum vigilum cohortes, ea forma atque ratione, quae ad hunc diem obtinet n). Certe ex Dione notandum, Augustum nuntiis extra

g) Vid. omnino D. I. tit. 15.

h) Cassiodor. Ep. VII. 7.

i) Cod. I. tit. 43. de officio Praef. Vig.

k) Dio 53. 24.

l) Velleius. II. 91.

m) Liv. 26. 27.

n) Bell. Civ. L. V. c. 32. T. II. p. 887. ed. Schweighäuser.

extra ordinem cohortes vigilum constituisse tanquam post exiguum temporis intervallum dissoluendas, postea tamen, re ipsa expertum utilissimum et maxime necessarium esse eorum auxilium, retinuisse o). Cohortes Vigilum ex libertinis militibus fuisse constitutas, inter omnes auctores convenit p). Erant autem opportunis locis per urbem ita dispositae ut unaquaeque cohors binas urbis regiones tueretur q), seu, ut ex XIV. cohortium Vigilum excubitorii, quae a Publio Victore et auctore descriptionis Urbis, Notitiae imperii annexae, laudantur, colligere licet, dimidia cohors ad defendendas singulas urbis regiones parata esset. De numero Vigilum non satis constat, vulgo mille hominibus cohortem constituisse putant, ita ut Augusti tempore septem millia essent r). Quodsi vere ita se habuit, posteris certe temporibus, hominum, qui cohortem constituerent, numerum valde imminutum fuisse arbitror, cum Victoris tempore univrsus cohortium numerus ad XXXVIII. assurgeret. Etsi Augustus ad nocturnos vigiles alendos novum vectigal instituit, ut de pretio mancipiorum venditorum quinquagesima daretur s), tamen urbana illa militia adeo gravis ac dura fuit, ut plerique omnes illam detrectarent. Ad eos alligandos et continendos, Latinis, qui sex annis in cohorte vigilum militassent, pro praemio L. s. Quiritium lege Visellia propositum est, postea cum longius sexennii tempus existimaretur, etiam S. C. to ad triennium redactum t). Traiano quidem imperante, forsan et sub eius successoribus ad incendia ab Urbe arcenda etiam fabrorum collegium paratum erat, ad cuius exemplum Plinius Secundus Nicomediae quoque fabrorum collegium constituendum Traiano commendat u), neque tamen persuadet; cuius collegii memoria saepius apud Gruterum in Inscriptionibus exstat x); sicuti et centonarii,

o) loc. cit. Dio 55. 26. *σπειν πολλὰ τῆς πόλεως πυρὶ διαφθῆναι, ἀνδρας τε ἐλευθεροὺς ἰσχυρὰ πρὸς τὰς ἐπικουρίας αὐτῆς κτελεῖσθαι καὶ ἀρχόντα ἵππων αὐτοῖς πρεσβεῖν. ὅς καὶ δι' οὐλοῦ σφαιρὶ διαλυμένη, θυμῶν καὶ σπῆρας τοῦτο καταμῆν γὰρ ἐκ τῆς περικῆς καὶ χρησιμότητι, καὶ ἀνεγκλιότητι τῆς κατὰ αὐτὴν βοήθειαν οὕτω ἐτηρῆσεν αὐτοὺς. καὶ οὐκ ὥς οἱ οὐκ ἐπιθυμῶντες οὗτοι ἴδον τῶν πρῶτον οὐκ ἐκ τῶν ἐλευθερῶν ἐστὶ μόνον, ἀλλὰ καὶ ἐκ τῶν ἀλλῶν στρατευομένων καὶ τευχῇ δὲ ἐν τῇ πόλει ἔχουσιν καὶ μισθὸν ἐκ τοῦ δημοσίου φέρουσιν.*

p) Dio 55. 26. vid. pag. anteced. Sueton. in Aug. 25. colh. c. 30.

q) B. L. cit. 15. 15. 3.

r) Vir doctus, Nitsch in libro, quem semper in aliquo numero habendum esse arbitror, supra laudato, pag. 1061. de cohortibus vigilum ita refert: ab Augusto illas constitutas habuisse circa viginti millia hominum, qui passim per Italiam

dispersi fuissent; in quo quidem humaniter errasse mihi videtur. Etenim apud Dionem, cuius quidem L. 55. laudavit, talem locum frustra quaesivi, neque apud alium historiae antiquae scriptorem eiusmodi quid offendi, excepto Appiano. ex cuius loco supra laudato fluere certe potuit Nitschiana sententia, si quidem pro *Sicilia*, quod nunc ibi legitur, *Italiam* substituas, quod mihi faciendum iam olim est visum.

s) Dio 55. 31.

t) De lege Visellia vid. Interpretes ad Vlpianum in Institut. tit. 3. §. 5. et Christ. Gothofredi Hoffmanni Historiam Iuris. T. I. p. 199.

u) Plin. Epist. X. 42.

x) Dispositis praedivis hamis vigilare cohortem senorum noctu Licinius iubet. 7. c. Inde Paulus et Vlpianus inquilinos potissimum et insularios a Praefecto Vigilum exhortandos esse tradunt. A locupletioribus enim non adeo erat timen-

incendium conuincerentur ad Praefectum vrbi remitterent, de capitalibus enim causis sua auctoritate nihil statuere potuit *g*). Praefectus Vigilum vsque ad extrema imperii occidentalis tempora, immo sexto P. C. N. seculo adhuc durauit *h*). Plures aliquando fuisse creatos ex Theodosii et Arcadii rescripto videri potest: Praefecti vigilum huius vrbs nihil de capitalibus causis sua auctoritate statuere debent, sed si quid huiusmodi euenerit, Culmini tuae potestatis referre *i*). Vigilum autem subpraefectum aliquando fuisse, lapis apud Gruterum docet Inscr. LXXIII, n. 4.

§. 49.

De familia publica et cohortibus Vigilum.

Ad exsequenda officia magistratibus addita primum familia publica seu serui publici, quorum opera ad incendia arcenda vterentur. Romanis enim mos fuit, ut ex gente captiua plerumque seruos quosdam respublica sibi eligeret atque seponeret, ad varios quidem vsus, in his etiam ad incendia arcenda. Erat autem familia publica circa portam et muros disposita, unde, si opus esset, euocaretur. Ceterum eiusmodi seruis annua quaedam respublica praestabat ad victum et vestem. De numero eorum sub republica nihil constat; Augustus autem, cum Aedilibus curulibus incendiorum extinctionem iniungeret, sexcentos ipsis tradidit seruos (*ἑξακοσίους βονδοὺς δουλούς*) quorum opera vterentur *k*). Verum enim vero praeter hosce incendiorum extinctores publice constitutos, fuerunt et familiae priuatae, quae incendia vel mercede vel gratia exstinguerent. Celebratum hoc nomine Egnatium Rufum, "magnamque in aedilitate exstinguendis priuata familia incendiis populi gratiam collegisse" Paterculus memoriae prodidit *l*). Serui autem, qui in defendendis ab incendio aedificiis, praesertim sacris strenue se gesserant, in publicum redempti sunt atque remissi *m*).

De cohortibus Vigilum.

V. C. 759. P. C. N. 9. septem cohortes vigilum ab Augusto constitutos iam antea vidimus, Appianus autem iam ad annum 718. V. C. illud factum esse refert. Dum enim Vrbs ipsa Siciliaque palam a latronibus infestaretur, Sabinum, ait, ad id corrigendum a Caesare (Octauiano) electum intra annum securam reddidisse pacem omnibus, *καὶ ἐξ ἐκείνου φασὶ παραμῆναι τὸ τῆς στρατίας τῶν νυκτοφυλακῶν εἶδος τε καὶ εἶδος*: ex illoque tempore institutas aiunt militares nocturnorum vigilum cohortes, ea forma atque ratione, quae ad hunc diem obtinet *n*). Certe ex Dione notandum, Augustum nonnisi extra

g) Vid. omnino D I. tit. 15.

h) Cassiodor. Ep. VII. 7.

i) Cod. I. tit. 43. de officio Praef. Vig.

k) Dio 53. 24.

l) Velleius. II. 91.

m) Liv. 26. 27.

n) Bell. Civ. L. V. c. 32. T. II. p. 887. ed. Schweighäuser.

extra ordinem cohortes vigilum constituisse tanquam post exiguum temporis intervallum dissoluendas, postea tamen, reipsa expertum vtilissimum et maxime necessarium esse eorum auxilium, retinuisse o). Cohortes Vigilum ex libertinis militibus fuisse constitutas, inter omnes auctores convenit p). Erant autem opportunis locis per urbem ita dispositae ut vnaquaeque cohors binas urbis regiones tueretur q), seu, ut ex XIV. cohortium Vigilum excubitoriiis, quae a Publio Victore et auctore descriptionis Urbis, Notitiae imperii annexae, laudantur, colligere licet, dimidia cohors ad defendendas singulas urbis regiones parata esset. De numero Vigilum non satis constat, vulgo mille hominibus cohortem constituisse putant, ita ut Augusti tempore septem millia essent r). Quodsi vere ita se habuit, posteris certe temporibus, hominum, qui cohortem constituerent, numerum valde imminutum fuisse arbitror, cum Victoris tempore uniuersus cohortium numerus ad XXXVIII. assurgeret. Etsi Augustus ad nocturnos vigiles alendos nouum vectigal instituit, ut de pretio mancipiorum venditorum quinquagesima daretur s), tamen urbana illa militia adeo grauis ac dura fuit, ut plerique omnes illam detrectarent. Ad eos alliciendos et continendos, Latinis, qui sex annis in cohorte vigilum militassent, pro praemio lex Quiritium lege Visellia propositum est, postea cum longius sexennii tempus existimaretur, etiam Scio ad triennium redactum t). Traiano quidem imperante, forsan et sub eius successoribus ad incendia ab Urbe arcenda etiam fabrorum collegium paratum erat, ad cuius exemplum Plinius Secundus Nicomediae quoque fabrorum collegium constituendum Traiano commendat u), neque tamen persuadet; cuius collegii memoria saepius apud Gruterum in Inscriptionibus exstat x); sicuti et centonarii,

o) loc. cl. Dio 55. 26. επειδη πολλα της πολεις πυρι διαφθαρη, ανδρας τε εξελευθερους ιπταχυν προς της επικουριας αυτης κατελεξατο και αρχοντα ιπκια αυτοις προσεταξεν. οι και δι ολιγου εφας διαλυσην. ουκ εντοι και εποινεν τουτο καταμαδων γαρ εκ της πειρας και χρησιμιατην, και ευεργατισιατην την προς αυτων βοηθειαν ουσαν ετηρησεν αυτους. και ειπεν οτι ουκ οφειλουν οι υκταφυλακες ουτοι ιδιον των τετρατων ουκ εκ των απελευθερων ετι μνον, αλλα και εκ των αλλων στρατευομενοι. και τειχη δε εν τη πολει εχουσι και μισθον εκ του δημοσιου φορουσι.

p) Dio 55. 26. vid. pag. anteced. Sueton. in Aug. 25. col. c. 30.

q) D. I. tit. 15. §. 3. CHIL. 15. 3.

r) Vir doctus, Nitsch in libro, quem semper in aliquo numero habendum esse arbitror, supra laudato, pag. 1061. de cohortibus vigilum ita refert: ab Augusto illas constitutas habuisse circa viginti millia hominum, qui passim per Italiam

dispersi fuissent; in quo quidem humaniter errasse mihi videtur. Etenim apud Dionem, cuius quidem L. 55. laudauit, talem locum frustra quaesui, neque apud alium historiae antiquae scriptorem eiusmodi quid offendi, excepto Appiano. ex cuius loco supra laudato fluere certe potuit Nitschiana sententia, si quidem pro *Sicilia*, quod nunc ibi legitur, *Italiam* substituas, quod mihi faciendum iam olim est visum.

s) Dio 55. 31.

t) De lege Visellia vid. Interpretes ad Vlpianum in Institut. tit. 3. §. 5. et Christ. Gorthofredi Hoffmanni Historiam Iuris. T. I. p. 199.

u) Elin. Epist. X. 42.

x) Dispositis praedives hamis vigilare cohortem seruorum noctu Licinius iuber. 7. c. Inde Paulus et Vlpianus inquilinos potissimum et insularios a Praefecto Vigilum exhortandos esse tradunt. A locupletioribus enim non adeo erat timen-

tonarii, nec non scalariorum et dolabratorum centurias ad incendia concurrere perhibentur. Interdum tamen et plebem ad subueniendum conuocatam quod omnino ante seruos publicos, triumuirosque nocturnos constitutos fieri necesse fuerat, Suetonius *y)* cum Dione *z)*, nec non *ἀγροποῖται* seu praetorianos milites ad opem incendium passis ferendam aliquando adhibitos esse, Dio solus auctor est *a)*. Etiam priuatos opulentiores ad nocturnam custodiam domesticis seruorum officiis ex Neronis edicto (§. 46. laudato) vsos fuisse Iuuenalis docet. Sat. XIV. v. 305.

§. 50.

De subsidiis atque instrumentis incendiis coercendis.

Aquarum copia, quae ad extinguenda incendia plurimum valet, Romae, ut ad omnes alios vsus, ita et ad incendia per omnes urbis regiones abundanter in publicum fluxit. Familias autem publicas, ad aquarum curam institutas, opera quaeque vrgere oportuit "ad casus subitos, ut ex quam plurimis regionibus, in quam necessitas incubuisset, conuerti posset praesidium aquarum abundantius *b)*." Verum et acetum et quidem in priuatorum domibus parati ad incendia reslinguenda frequentem usum fuisse, ex Digestis discimus *c)*. "Acetum enim ex omnibus humoribus crescentem flammam violenter exstinguit, dum per frigus suum calorem vincit elementi." *d)*.

De instrumentis ad compescenda incendia.

Difficilis admodum, sicuti omnium Veterum, quae ad alios vsus instrumenta parata fuerunt, ita et de incendii causa apud Romanos paratis disquisitio, qua ut me bene expediam, valde vereor. Vulgo quidem omnium, de quibus agitur, instrumentorum tanquam sedem laudarunt Ulpiani locum in Dig. L. 33. tit. 7. l. 12. §. 18. qui mihi inde est transcribendus: "Acetum quoque (scilicet ad instrumentum domus pertinet) quod incendii exstinguendi causa paratur; item centones, siphones, perticae quoque et formiones; et spongas et hamas et scopas contineri, plerique et Pegasus aiunt." Verum enimvero non omnia, quae domus instrumenta esse prudentes hoc loco volunt, ad incendia posse referri, ex sequentibus (§. 21. et 22) luce clarius est. Spongiarum aliquem usum fuisse, intelligo e loco apud Cangium sub voce *matricarii*: "matricarii, quos Scholiastes Iulianiani antecessoris Constit. 23, c. 88. interpretatur illos, quos videmus ad incendia currentes et *portantes spongas* cum ferramentis, per quae possint de pariete in parietem transire, et ita incendium exstinguere." Iam quod ad

simendum, quippe quorum domus nocturna custodia seruatae, et a quibus omnia incendii exstinguendi instrumenta parata fuerunt.

y) Sueton. in Vit. Claudii. c. 18.

z) Dio. 72. c. 24.

a) Idem. L. 57. c. 15.

b) Frontin. de aq. ved. art. 118.

c) L. 33. tit. 7. l. 12. §. 8. et tit. 9. l. 3. §. 5.

d) Macrob. Saturnal. VII. 6.

ad Siphones primum attinet Vlpiano laudatos, eos quidem incendiarios (Feuersprützen) fuisse vix mihi persuadeo, multoque videtur probabilius, fuisse subterraneos illos meatus aut canales plumbeos, quibus aqua ad vsum quotidianum ex aquaeductibus publicis in priuatorum domus deriuabatur. Ut contrarium probent, laudant etiam Isidorum ita scribentem e): Siphones vasa appellata, quae aquas sufflando funderent, quibus aduersus incendia orientales populi utebantur." Verum, Dii boni, qui haec de Romanis probant occidentalibus! vt de eo taceam, ad quem prouocant, Isidorum septimo demum P.C.N. seculo floruisse. Ne autem siphonum vsum antiquis innotuisse, omnino negare videar, statim Plinii locum excitabo, ex quo solo de siphonum vsum certi aliquid colligi posse videtur. Epist. L. X, 42. Imperatorem certiorum facturus, quibus causis incendium Nicomediae tam late sparsum fuerit, ita rescripsit: "*nullus usquam in publico siphon, nulla hama, nullum denique instrumentum ad incendia compescenda. Et haec quidem, vt iam praecepi, parabuntur.*" Quos autem in prouinciis tam sedulo paratos legimus, eos quidem et Romae, vbi per incendiorum frequentiam quam maxime necessarii essent, siphones in vsum fuisse, nullus dubitabit.

De hamis, quas ad incendiaria instrumenta pertinuisse, pluribus auctorum testimoniis confirmatum est f), inter plerosque dubitatur, vtrum fuerint vasa ad incendium arcendum aqua replenda, an instrumenta, quibus aedificia disturbarentur. Istam quidem vocabuli significationem Iuuenalis locus, vbi de hamis dispositis sermo est, sine dubio postulat eademque omnibus locis optime conuenit, modo ne audiendus videatur Brissonus g), qui vasa maiora fuisse hamas putat, "*quae aqua vel aceto plena a vigilibus incendii extinguendi causa circumferrentur.*" Tantos enim labores et molestias Romanos suscepisse, vix mihi persuadeo, cum eum finem, quam solam in illis sibi propositam habere potuissent, multo faciliore ratione assequi liceret, scilicet dispositis in domibus aut ante domus vasis aqua repletis; deinde etiam, cum tot lacus piscinaeque in omnibus vrbis regionibus esset, ocus inde vigiles hamas suas aqua poterant replere.

Dolabrae autem, quarum in extinguendis incendiis vsum extra dubium positus est, fuerunt secures ad diruenda aedificia igni correpta, dissoluendasque trabium compages, quo celerius et aedificium et ignis conciderent.

Centonibus, quos machinas fuisse ad restringenda incendia paratas, ex Iulio Caesare h) et Vegetio i) probare conantur, in bello tantum Romanos vsum esse, mihi persuasum est.

H 2

§ 51.

e) Isidor. Originum. l. vlt. c. 6.

g) Antiqq. Select. L. II. c. 8.

f) Plin. loc. cit. Iuuenal Sat. 14. v. 305. D. I.

h) De Bello civ. 2. 10.

tit. 15. l. 3. §. 3.

i) De Re milit. IV. 15.

§. 51.

De mutuis ciuium aut singulorum aut totius alicuius societatis cautionibus, quibus damnum incendio acceptum possessori restituitur (Assicuranz, Brandcassen) apud antiquos nihil occurrit. Neque illud adeo mirum, cum iis quidem temporibus, ubi talia institui potuissent, illa non adeo necessaria essent. Sub Imperatoribus enim opulenti quidem damnum incendio factum facile sustinuerunt; pauperes habitabant in domibus mercede conductis neque incendio multa perdere poterant, media autem fortunae conditio sub Imperatoribus fere nulla fuit. Interdum tamen imperatores eos, qui incendio damnum tulissent, pecunia leuauerunt, ut v. c. Tiberius, qui millies sestertium illis distribuisse a Dione traditur ^{k)}, et Vespasianus, qui incendiorum damna multis suppleuit ^{l)}.

§. 52.

De inundatione Tiberis.

Tiberim inferiores Urbis fluminique proximas regiones saepissime incremento suo operuisse, parcis etiam Liuii lectoribus notissimum est. Verum enim vero cum inundationes adeo frequentes, iisque non singulas modo domus labefactatas, sed et aërem malis halitibus ex aqua stagnante fuisse corruptum, certum sit, nusquam tamen inuenire potui, sub republica molem aggeresque flumini esse obstructos, vel alio modo vquam periculo obuiam itum. Cuius rei causa primis certe temporibus sine dubio in superstitione hominum posita fuit, qui Deorum iram, sicuti omnibus malis, ita et inundationibus, tanquam prodigio significari putabant ^{m)}. Augustus autem "ad coercendas inundationes alueum Tiberis laxauit ac repurgauit, completam olim ruderibus et aedificiorum prolapsionibus coarctatum" ⁿ⁾ et magistratum instituit, qui inundationibus prouideret, Curatorem alvei et Riparum Tiberis dictum, cuius saepissime in lapidibus mentio occurrit ^{o)}, quique etiam Notitiae imperii, in quam Pancirollus est commentatus, tempore adhuc durauit. Quod igitur de quinque Senatoribus, fluminis coercendi causa Tiberii iussu semper sorte cooptandis ad A. V. C. 768. P. C. N. 18. Dio refert ^{p)}, illud nonnisi Tiberii tempore obseruatum arbitror.

CAPVT II.

k) Dio 58. 26.

l) Sueton. in Vespas. c. 16.

m) Livius magnas Tiberis equas inter prodigia refert. L. VII. 3. XXX. 38. XXXV. 9.

n) Sueton. in Aug. c. 30.

o) v. Gruterus 381. 3. 493. 1. 454. 5. 498. 5. 1028. 5. &c.

p) Dio 57. 4. πέντε καὶ βουλευτὰς κληρονομοῦς ἐπιμελεῖσθαι τοῦ ποταμοῦ προσέταξεν, ἵνα μὴ τοῦ θύρου ἀλλοιπὴ μὴτε τοῦ χειμῶνος πλεονάζῃ.

CAPVT II.

De Tranquillitate Vrbis.

§. 30.

Tranquillitas ea est ciuitatis conditio, ille vrbis status, vbi nihil est, quod respublica tam a ciuibus suis, quam a peregrinis metuat, seu vt aliis verbis idem exprimam, tranquillitas est securitas publica, quae praecipue tollitur seditione ac tumultu. His igitur vt occurrat, atque medeatur, politicae est officium praecipuum. Primum igitur seditionum causae sunt inuestigandae et auertendae; quodsi hoc per naturam rerum humanarum fieri non poterit, quomodo sedandi sint tumultus, prospiciendum. In duas igitur partes omnis nostra de Vrbis tranquillitate tractatio dispescitur, quarum prima de tranquillitate conseruanda, altera de restituenda tradet. Pericula autem Tranquillitati Vrbis praecipue imminebant:

- I. a ciuibus singulis potentioribus.
- II. a penuria laborantibus.
- III. a collegiis atque corporibus.
- IV. a peregrinis in vrbe versantibus.
- V. ab improborum coniurationibus.

Quibus singulis quomodo a Romanis tam sub republica, quam sub Imperatoribus sit prouisum, ratio iam est reddenda.

§. 54.

De auertendo, quod a ciue potentiore tranquillitati instat, periculo.

Ne a ciuibus potentioribus tranquillitas vrbis interpellaretur primum Romani prospexisse videntur legibus de modo agrorum latis. Et quidem post reges exactos septem iugera cuique sunt assignata "et perniciosus intelligebatur ciuis, cui haec mensura non esset satis." *q)* V. C. 379. a C. Licinio Stolone Trib. pl. cum collega lex promulgata: "ne quis plus quingenta iugera agri possideret," cuius rogatio septimo demum anno iuberi potuit *r)*. Hac sua lege paulo post Licinius ipse auctor, decem millibus aeris damnatus *s)* et V. C. 458. "plerisque dies dicta ab Aedilibus, quia plus quam quod lege finitum erat agri possiderent. Nec quisquam ferme est purgatus vinculumque ingens immodicae cupiditatis iniectum." *t)* Quod tamen non ita multo post effractum atque neglectum iacuit, donec C. Gracchus legem tulit: ne quis ex publico agro plus quam quingenta iugera possideret, verum haec lex perferri non potuit, et ab optimatibus auctor interfectus est.

H 3

Alterum,

q) Plin. H. N. 18. 3.*r)* Liv. VI. 35.*s)* VII. 16.*t)* Liv. 10. 13.

Alterum, quo Romani, ne a eius potentiore tranquillitas turbari posset, prospicerent, invidia fuit largitionibus mota et in largientes attentio. Itaque V. C. 268. cum Spurius Cassius Cos. lege agraria promulgata, agri hostibus ademti partem plebi diuideret, publicam Senatui curam fuisse Livius memorat, ne Consul largitione periculosas libertati opes strueret, et ut alter Consul largitioni resisteret, auctorem fuisse. Postea cum idem Cassius iuberet, pro Siculo frumento pecuniam acceptam retribui populo, id haud secus quam praesentem regni mercedem plebs aspernata est, Cassius ubi primum magistratu abiit, damnatus atque necatus eiusque aedes publice dirutae a). Alterum Spurii Maelii exemplum proferre liceat; qui etiam largitiones frumenti facere instituit. Cum eius consilia ad Senatum essent relata, primores patrum undique increparunt Consules quod eas largitiones passi essent fieri x). Nobilissimum autem Iul. Caesaris est exemplum, cuius conatibus ut obuiam iretur, SCtum illud in Catonis sententiam factum est. Largitione enim ex publico facta, Caesar suis largitionibus plebem sollicitando maiores opes consequi non poterat y).

Tanquam egregium Romanorum ad opes civium potentiorum diminuendas et quasi deriuandas institutum laudant et ludos, magistratuum sumtibus populo exhibendos. Per hos enim viri ditissimi redacti ad inopiam ac, dum vrbis magnificentiam muneribus suis aemularentur, ranae instar in apologo validius sese instantis rupto iacuere corpore. Verum hoc ex nostrum temporum ratione in antiqua illa translatum est, et multum a veritate aberrant, qui veteres Romanos tale vnquam consilium fouisse, cum Viro Cl. de Sonnenfels sibi persuadent. Rectius forsan ad tranquillitatis curam trahi posset Augusti edictum, quo V. C. 732. vetuit, ne quis munus gladiatorum plurimum quam centum et viginti gladiatorum exhiberet, scilicet, ne quis muneris praetextu multitudinem armatorum in vrbe compararet atque haberet.

Verum multo certius huc referri potest Claudii Imp. Edictum, quo milites domos Senatorias salutandi causa ingredi etiam SCto prohibuit; metu scilicet conspirationis, hoc fecit, ne aliquod esset commercium aut occasio milites sollicitandi z).

§. 55. *

De periculo tranquillitati a pauperibus instanti, seu de premente annona et foenore.

Multa alia mala vincere natura dedit, famem vero nunquam superare, qua nihil periculosius tranquillitati publicae esse, omnis aevi historia et nostri etiam experientia docuit. Romana autem seriorum praesertim temporum historia plurima continet turbarum exempla propter annonae difficultatem a plebe

a) Liv. 2. 41.

x) Liv. IV. 13.

y) Plutarch in Catone.

z) Sueton. in Claudio. c. 25.

plebe excitatarum, unde maxima laus haec datur Praefecto annonae, eius Praefecturam seditionibus caruisse. Summo igitur studio nitendum erat, ut penuriae, annonaeque difficultati occurreretur. Factum hoc primum est

I. Legibus agrariis, seu coloniis deductis quibus urbana plebs exhauriretur; et hoc quidem erat Deorum muneribus sapienter uti, importunam plebem semper publicae exitiosae concordiae deportare in remotas terras, non alere in amplissima et copiosissima terrarum vrbe a). Atque id consilium secutus Caesar, cum frumentum accipientium numerum retraxisset, "ne novi coetus moveri quandoque possent," octoginta civium millia in transmarinas colonias distribuit b).

II. Legibus frumentariis et largitionibus de quibus capite primo satis dictum est. Quodsi maxima annonae cura prohiberi non posset, ne annonae difficultas interdum Romae existeret, non solum ut annonam subleuarent, sed metu potius, ne propter annonam arctiorem tumultus excitaretur, Imperatores maximam plebis turbam Roma expulerunt. Quo remedio ab Augusto primum inuento c) seniores principes saepius usus fuisse colligo ex privilegio quibusdam opificum collegiis dato: ne famis tempore vrbe expellerentur d).

Etiam foenebre malum vetus seditionum discordiarumque creberrima causa fuit, eoque cohibebatur multis legibus supra allatis. Neque tamen hisce legibus impetrari potuit, quo minus foeneratorum saevitiam saepius plebs experiretur. Inde tot turbarum ob aes alienum Romae exempla. Inde V. C. 359. secessio plebis in montem sacrum facta e), aliae seditiones f) permutae, quibus vario modo, variisque legibus consuli oportuit. Insigne exemplum apud Livium exstat, ubi postquam ad undecimum interregem certatum esset, novi Consules rem foenebrem levare aggressi, solutionem aeris alieni in publicam curam verterunt, quinque viris creatis quos mensarios a dispensatione pecuniae appellarunt g).

§. 56. **

De collegiis atque corporibus.

Cum iam antiquitus bene observatum sit, disciplinae tranquillitatisque curam facilius in aliquo populo haberi posse, si quidem in minores partes illud distribuatur, haecenus corpora atque collegia, (quae Innungen, Zünfte, Gilden nostrates appellant) egregia ad conservandam in vrbe tranquillitatem instituta videri possunt. Verum ex altera parte eadem instituta tranquillitati quam maxime periculosa esse, et rerum natura hominumque indoles declarat,

a) Spanheim de Vfu Num. Diff. II. p. 108.

b) Sueton. in Caes. 41. Dio 38. 1 sq.

c) Sueton.

d) Vid. Gothofred. ad Cod. Theod. XIV.

tit. 2. l. 2.

e) Liv. 2. 23.

f) Liv. 6. 31. et 35.

g) Idem. VII. 21.

clarat, et experientia omnium temporum, Germanosque superioris praesertim anni historia satis edocuit. Etiam Romae deprehensum est, collegia ista et opificum corpora *h*) magno cum reipublicae detrimento esse coniuncta. Vix enim vlla arte prohiberi poterat, quo minus illa in factiones et heteras abirent. Cum collegia ius suffragandi haberent in tribubus, eo iure nefarie abutebantur ciues seditiosi, qui saepe ad rostra euocabant artifices atque tabernas claudi iubebant, unde tabernariorum concitatorem L. Sergium vocat Cicero *i*). Frequenter etiam coetus hominum factionorum sine publica auctoritate, malo publico fiebant, propter quod postea collegia Scto et pluribus legibus sunt sublata praeter pauca atque certa, quae utilitas ciuitatis desiderasset, ut fabrorum et tinctorum *k*). Primum autem de tollendis collegiis sub republica libera Sctum factum V. C. 685. ex eodem Alconio discimus. Collegia autem non ea solum, quae Senatus sustulisset, sed innumeralia quaedam noua ex omni faece urbis ac seruitio a Clodio concitata Cicero queritur *l*).

Republica mutata principibus nihil fuit antiquius, quam, quod prudentia ciuilis suadere ipsis debuit, ut collegia et sodalitates, ex quibus factiones seditionesque nasci oportuit, supprimerent. Itaque Caesar cuncta collegia, praeter antiquitus instituta, detraxit *m*). Augustus autem, cum plurimae factiones titulo collegii noui, ad nullius non facinoris societatem coirent, collegia praeter antiqua et legitima dissoluit *n*). Etiam Claudium denuo collegia ab Imp. Caio instituta dissoluisse Dio Cass. auctor est *o*). Traianum seuerissime heteras vetuisse, neque passum vnquam, ut noua collegia vel Romae vel in prouinciis instituerentur ex Plinio notum est *p*). Etiam Antoninus Pius et Philosophus nec non Seuerus collegiorum licentiam inhibuerunt. Quicunque eo tempore collegium illicitum usurpabant, poena legis Iuliae de maiestate tenebantur *q*), quae olim erat aquae et ignis interdictio, postea

vero

b) Namque opifices in certa collegia vel corpora primum descripsisse plures auctores testantur. vid. Plin. HN. 34. 1. et 35. 12. et Pinterch. in Numa p. 71. "των δε αλλων αυτου πολιτευματων η κατε τις τεχνες διακομη του πληθους θαυμαζεται. Nouem ab eodem recensentur collegia, Tibicinum, Aurificum, Fabrum, Tinctorum, Sutorum, Coriariorum, Aerariorum, Figulorum, quibus omnibus κοινονιες και συνδοι attribuit. Varia autem sub regibus fertur fortasse. Etenim a Tullio Hostilio sublata, a Seruio autem Tullio restituta ac in usum reuocata, Tarquinius superbus iterum sustulit, ne, ut Dionysius Halic. ait, arcana de conuellenda tyrannide inirenter consilia. Sed de his potius, nihil certi constare, liberaliter profiteamur. Certius illud est, collegia et corpora opificum XII. Tab. lege esse stabilita,

(vid. Cuius l. ult. D. de colleg. et corp.) et noua adiecta v. c. V. C. 259. Mercatorium collegium, quod Mercuriale dictum est Liv. 21. 31. et 27. et VC. 316. Collegium Capitolinum, utrumque celeberrimum. Reliqua vid. in Heineccii Diss. de Orig. et Iure Colleg. §. 12.

i) Or. pro domo. 5. cf. 38.

k) Alcon. ad Cic. in Pison. c. 4.

l) Cic. in Pison. c. 4. et pro Sextio. 25. Dio. Cass. l. 38. 13.

m) Sueton. in Caes. c. 42.

n) Idem in Aug. vit. c. 32.

o) Dio 60. 6.

p) Epp. X. 97. et 42.

q) Vlpian in D. 47. tit. 22. de coll. et corpor. l. 2.

vero humiliores bestiis obiciebantur vel vini exurebantur, honestiores capite puniebantur r). Qui in illicitum collegium coisse dicebantur, ex Severi constitutione apud Praefectum Vrbi erant accusandi s). Illicita autem erant omnia collegia, nisi ex Scti auctoritate vel Caesaris rescripto coissent t), unde in lapidibus frequens illa inscriptio: QVIBVS. EX. SC. COIRE. LICET.

§. 56.

De periculis, quae a peregrinis tranquillitati imminebant.

Peregrinorum curam, ne aliquando tranquillitatem Urbis interpellarent, iam antiquitus, magnam a Romanis habitam esse accepimus. V. C. 261. cum ad ludos magna Volscorum vis Romam conuenisset, Consules ab Attilio Tullo metu repleti, ne quid temere ab illis fieret, rem ad Senatum detulerunt, factumque Sctum, vt urbem excederent Volsci; praeconesque dimissi, qui omnes eos proficisci ante noctem iuberent u). V. C. 628. a M. Iunio Penno Trib. pl. de peregrinis vrbe pellendis lex perlata est. Etenim ad seditiones minuendas pertinnit, turba alienorum hominum ciuitatem exonerari; quorum vt quisque improbissimus erat, ita turbulentae plebi gaudebat immisceri et hoc genus plus etiam quam ingenui ciues tumultuabatur. V. C. 689. Inter potentium discordias C. Papius Trib. pl. haud vano metu multitudinem ignotorum hominum suspectam habens, peregrinos, lege in id lata, vrbe submouit x). Verum haec omnia, peregrinorum sub republica *perpetuam curam* a Romanis esse habitam, probare non possunt. Hanc enim nonnisi seriorum imperatorum tempore deprehendimus, vbi Censuales seu Magistri census officiales singulis mensibus peregrinos, vndeue essent et quid agerent, inquirebant, otiosos autem in patriam remittebant y). Tum qui Romam discendi causa veniebant, ante omnia litteras praesidium suorum Magistro census ostendere tenebantur, quibus eorum oppida natales et merita exprimebantur, deinde profiteri debebant, quibus studiis operam essent daturi, porro officialibus census sua hospitia indicare et post annum aetatis XXI. Roma excedere iuebantur z). Edicto autem Valentiniani, Valentis et Gratiani P. C. N. 370. dato, praecipue consociationes, quas proximas esse criminibus Augusti iudicant, fugiendas esse, vtpote qui tumultus moueant, admonentur litterarum studiosi; quorum cura ceteroquin Praefecto Vrbi fuit imposita.

Etiam

r) Paulus Sent. V. tit. 29. l. 1.

s) Vlpian in D. I. tit. 12. l. 1. §. 14.

t) D. 47. tit. 22. l. 3. §. 1.

u) Liv. 2. 37.

x) Freinsheim in Supplem. Liv. CII. 17. Cic. de Offic. 3. 11. in Bruto. c. 28. Or. pro Corn.

Balbo ad Attic. IV. 16. pro Archia. c. 5. Val. Max. III. 4.

y) Pancirollus in Comment. in notitiam Imperii, de officio Magistri census.

z) Cod. Theodos. tit. de studiis liberal. Urbis Romae.

Etiam seruos, quanquam plurimi Romae nati erant, peregrinis adiungere licet, secundum Romanorum illud prouerbium: quot serui, tot hostes. Mirum quidem est, nullam in antiquitate Romana legem latam occurrere, qua ab eorum seditione caueretur; etsi Romanos antiquitus paucis seruis contentos, et post euersas denique Carthaginem atque Corinthum immensam illam seruorum turbam in urbem introductam fuisse accepimus. Ceterum illud maxime dignum memoria, quod a Seneca refertur *a)*: dictam esse aliquando in Senatu sententiam, ut seruos a liberis cultus distingueret; deinde apparuisse, quantum periculum immineret, si serui Romanos numerare coepissent. Sapienter itaque huic sententiae ab aliis intercessum, prouisumque est, ne serui vires suas agnoscerent et armis arreptis turbarent omnia miscerentque.

§. 57.

De religionibus peregrinis.

Cum omnes, qui in vrbe coetus fierent, obseruari publice debuerint: neque religiones peregrinae, quarum causa conuenirent, a politiae cura erant alienae. Fertur quidem iam Romuli lex: ne deos peregrinos coleant *b)*; postea tamen peregrinos Deos ciuitate donarunt. Verum enim vero pro varia reipublicae ratione eadem sacra nunc permissa aut recepta, nunc iterum abrogata fuerunt. Quod Postumii de abolendis Bacchanalibus apud Liuium probat oratio: "Quoties hoc patrum auorumque aetate negotium est magistratibus datum, ut sacra externa fieri vetarent? sacrificulos vatesque foro, circo, vrbe prohiberent? vaticinos libros conquirerent comburerentque? omnem disciplinam sacrificandi praeterquam more Romano abolerent *c)*?" Vulgo quidem haec omnia ad metum coniurationum viri docti referunt et negari non potest, sacra externa saepe non religionis sed criminum causa, quae sub religionis praetextu vel specie committerentur, in vrbe fuisse prohibita. Ita sub republica V. C. 567. propter scelera, quae in illis perpetrabantur, Bacchanalia vetita atque excisa, celeberrimo in ea facto SCto *d)*, et Marcianus, qui tertio P. C. N. saeculo floruit disertis verbis pronunciat: religionis causa coire non prohiberi, dum tamen hoc non fieret contra SCtum, quo illicita collegia arcerentur *e)*. Nihilominus alia exstat veterum auctoritas valde memorabilis. Liuius enim ac Cicero "confusionem religionum et eius, quam a maioribus accepissent, dissolutionem" tanquam veram

a) De Clementia. I. 24

b) Prouidisse enim videtur Manutius, ubi religiones diuersae sint, facile odium et ex odio seditiones existere; in quo nostram de religione, quatenus dogmata continet, notionem viri docti menti insedisse puto.

c) Cf. Liv. 4. 30. 25. I. 38. 14. Valer. Max. L. I. c. 3. 1.

d) Fabretti Inscriptt. antiq. vid. Liuius ex ed. Clerici. T. V. Bynkershoek in Opusc. p. 259.

e) D. 27. tit. 26. l. 1.

veram rationem significant, qua religiones peregrinae saepius Vrbe prohibitaе fuerint f).

§. 58.

De coniurationibus in Vrbe tollendis atque detegendis.

Improborum hominum coniurationes, a quibus non solum, ne tranquillitas Urbis turbetur, verum et ne respublica penitus evertatur, periculum est, cum vix fieri possint facultate in vnum coeundi atque de rerum nouarum consiliis exsequendis deliberandi occasione adempta, maximam inde Romani iam antiquitus curam adhibuerunt, ne coetus clandestini in vrbe existerent. Itaque iam Romulus *legem* tulisse fertur; *ne in templo nocturnae vigiliae haberentur*, optimo quidem, si ita se res habet, consilio, ne qua fieri coitio, neue quid iniri aduersus ipsum rempublicamue consiliū, ne quid insidiarum tendi posset. Postea *lege XII. Tabb.* cautum esse legimus: *ne quis in vrbe coetus nocturnos agitare* g); deinde *Lege Gabinia* promulgatum, *ut qui coitiones vllas clandestinas in Vrbe conflagisset more maiorum capitali supplicio multaretur* h). Postea coetus nocturni legibus de maiestate latis vindicati. Ita inter capita legis Iuliae maiestatis et hoc refertur: Praetor qui ex hac lege quaeret, de eo quaerito cuius opera dolo malo consilium initum erit, quo coetus et conuentus fiat. Verum cum omnibus legibus vix prohiberi possit, quo minus aliquando homines facinorosi contra remp. eiusque tranquillitatem conspirent, summa politiae eorumque, qui illam administrarent, in eo cura versari debuit, vt coniurationes quamprimum detegerent et quasi in incunabulis opprimerent. Qui cum attentione etiam diligentissima non omnia inuestigare atque deprehendere possent, delatorum auxilio erat vtendum iique publicis praemiorum exemplis excitandi. Itaque non mulieres solum, seruique deferentes dominos et liberti patronos auditi atque accepti, sed ne calumniatoribus quidem, certe sub Imperatoribus, vlla poena statuta. Contra vero, quae coniurationum indicibus proposita atque decreta sunt, multa praemiorum exstant exempla. Ita iam in prima illa coniuratione nobilium adolescentulorum de regibus reuocandis a seruo detecta praemium indici, pecunia ex aerario, libertas et ciuitas data i). Eodem modo V.C. 335. cum seruitia coniurassent, vt urbem distantibus locis incenderent populoque ad opem passim tectis ferendam intento, arcem capitoliumque armati occuparent, duobus indicibus dena millia grauis aeris, quae tum diuitiae habebantur, ex aerario numerata et libertas praemium fuit k). Pari modo ne indicibus fraudi esset, curare et alios indices praemiis inuitare Senatus iussit l).

I 2

Sub

f) Liv. 39. 16. Cic. de LL. II. c. 26.

g) et h) Porcius Latro in Orat. in Catilin.

i) Liv. 2. 5.

k) Idem 4. 45.

l) 39. 14. et 19.

Sub Imperatoribus autem, quorum plurimum interesset, omnia, quae in ciuitate gererentur, statim cognoscere, perpetui Denunciatores constituti, et quatuordecim Urbis regionum Curatoribus additi, ut in singulas horas diesque, quid in qualibet regione fieret ad Curatores deferrent, qui statim ad Praefectum urbi rem denunciare tenebantur.

§. 59.

De legibus maiestatis.

Vt a seditionibus hominum animos auerterent, leges de maiestate Romani tulerunt, ex quibus in iudicium veniebant omnia, quibus populi Romani maiestas fuit imminuta, ideoque et seditiones *m*). Primam autem legem, qua vim in vrbe ac seditionem comperio vindicatam, V. C. 653. L. Appuleius Saturninus tulit, qua etiam perpetuam de maiestate quaestionem constitutam esse Sigonius putat. Postea V. C. 675. Lex Plotia a P. Plantio Tribuno pl., adiuuante Q. Lutatio Catulo Cos. perlata est, cuius capita haec praecipua fuisse videntur: Is, cuius haec quaestio erit, de eius capite quaerito, qui aduersus rempublicam coniurauerit, insidias senatui fecerit, Magistratibus vim intulerit aut seditionis causa loca superiora occupauerit. Hac quidem lege V. C. 691. Catilina ab Aemilio Paulo interrogatus est *n*). Lege Iulia de vi publica a C. Caesare Augusto perlata tenebatur et is, qui turbae seditionisue faciendae consilium iniisset seu cuius dolo malo consilium initum, quo seditio atque tumultus aduersus remp. fieret, seruosque aut liberos homines in armis habuisset *o*). Pauli tempore auctores seditionis et tumultus populo concitato pro qualitate dignitatis aut in furcam sublati, aut bestiis obiecti sunt, aut in insulam deportati *p*).

§. 60.

De cura tranquillitatis in magno seditionis metu et si factio in vrbe esset.

Post clades ab hoste acceptas magnum in vrbe periculum erat, ne ex luctu cinium, aut ex odio imperatoris, qui male rem gesserat, seditio excitaretur *q*), aut ne peregrini in Vrbe versantes hostibus sese coniungerent. Itaque in omni tumultu ad cladis acceptae nuncium, vigiliae yicatum per Urbem exactae: initio quidem metu hostium, ne Urbem inuaderent, illud factum esse nullus negabo *r*), postea vero internae seditionis metu vigilias esse habitas extra omne dubium est. De Augusto disertis verbis Suetonius refert: "Post clades in Germania acceptas Lollianam et Varianam excubias per Urbem indixit, ne quis tumultus existeret." *s*) Erant enim in vrbe Germani

m) Tacit. Ann. I. 72.

n) Sallust. in Catil. c. 32.

o) D. 48. tit. 6. l. 1.

p) Paulus in D. 48. tit. 19. l. 38. §. 2. et Sent. V. tit. 22. l. 1.

q) Exemplum est Norbani seditio. vid. Cic. de Orat. II. Sect. 124.

r) Exempla vid. apud Liv. 3. 42. 10. 4.

s) Suet. in Aug. c. 23.

Germani Gallique milites non pauci, et ipse Augustus Germanorum manum inter armigeros habebat, quam vero post cladem Varianam dimisit *f*). Etiam coniuratione nunciata cum in timore ciuitas esset, vigiliae per vicos servatae, iussique circumuire eas minores magistratus *u*). "Ita in famosa illa de Bacchanalibus quaestione Triumviris capitalibus mandatum est, ut vigiliis disponerent per urbem, seruarentque, ne coetus nocturni fierent," *x*) Catilinae coniuratione fere detecta, Ciceroni et C. Antonio custodia urbis et summa rerum mandata, a quibus cum multis in locis essent custodiae positaе, res nouae in vrbe motae amplius non sunt *y*).

Quodsi factiones in vrbe essent, praecipua tranquillitatis cura est habita. V. C. 702. cum a furore plebis morte Clodii incensae omnia timenda essent *z*), tumultui ut resisteretur, Pompeius Consul sine collega factus, edictum proposuit: ne vllum in Vrbe telum esset *a*). Clodius enim magnam ex infima plebe turbam armatorum habuit, quibus illo edicto arma erant eripienda. Eodem anno eum iudicium de Milone habendum esset, ne illud a Clodianis disturbaretur, Equites se armatos sistere iussi, quibus circumstantibus gladiis eductis iudicium septum est. Huc spectat et illud quod post Caesaris mortem tumultu excitato Coss. edixerunt: ne quis arma ferret militibus exceptis, et in Senatu decretum est: ut armatis curia muniretur *b*).

Nusquam alibi populi licentia maior et effrenatior fuit, quam sub Imperatoribus, vbi in ludos intentus esset *c*), et saepe propter studia partium in circo atque theatro acerrimae oriebantur seditiones. Imperatores itaque et hoc officium Praefecto Vrbi iniunxerunt, ut popularium, id est agitarum in circo quietem disciplinamque theatralem curaret *d*). Statio cohortis Praetorianae ludis assedit, ut theatralem cohiberet licentiam et si quid turbarum aut maioris tumultus ingrueret, praesto esset, cuius instituti apud auctores primam mentionem factam reperiō ad A. V. C. 768. P. C. N. 18. *e*). Nero milites istos, quo maiore libertatis specie populus ludis interesset, dimouit V. C. 809. P. C. N. 58. postea vero cum motus illi iterum excitati essent, reducere milites coactus est *f*). Propter has turbas saepe histriones quorum causa dissidebatur, Roma atque Italia pulsi *g*). Seditiones in circo ac Theatris usque ad imperii tempora et saepe a quietis turbatoribus summa supplicia sumpta, quibus cum antea fontes prope ludum Circensem essent afflicti, Imppp.

I 3

Gratia-

x) Ibid. c. 49.*u*) Liv. 32. 26. V. C. 567.*x*) Liv. 39. 14. cf. 16.*y*) Dio 37. 31. Sallust. in Catilin. 31. Cic. in Catilinaria I. 1. II. 12. III. 12.*z*) Dio 60. 4. Asconius in argum. orat. pro Milone.*a*) Plin. H. N. 34.*b*) Dio 45. 15. coll. 46. 26.*c*) Tacit. Hist. I. 72.*d*) D. I. tit. 12. l. 12.*e*) Annal. I. 77.*f*) Annal. 13. 24. et 25. princ.*g*) Ibid. cf. et Annal. IV. 14. et Sueton. in Tiber. c. 37. Dio 57. c. 21. coll. 14.

Gratianus, Valentinianus et Theodosius id rescripto prohibuerunt, ne scilicet noua inde studio partium oriretur seditio *b*).

Neque illud a tranquillitatis cura videtur alienum, quod lege antiquissima et quae libera republica nunquam seruata non est, cautum erat, ut nemo praeter magistratus urbanos in Vrbe esset cum imperio, et qui ob rem in bello bene gestam triumphum ducturi essent, ut ii ante triumphum Urbem ne ingrederentur *i*). Triumphabant enim cum imperio, quod deponere urbem intrantibus necesse erat. Populus autem imperium in Vrbe, quo die triumphus duceretur, lege curiata et quidem ei tantum dabat, a quo tranquillitati nihil esset timendum *k*). In templo autem Bellonae, quod extra Urbem erat, triumphum ambientibus Senatus dabatur. Ibidem et legati et nuncii hostium auditi, quibus ut fraudum semper suspectis, ante Senatus decretum urbem intrare non licuit.

Denique cum ex causis saepe quam maxime exiguis et nullius fere momenti maximas excitari tumultus ac turbas fieri constet, etiam illarum curam negligendam Romani non censuerunt. Itaque Aedilibus suis praecipuam eam curam iniunxerunt, ne iurgia et rixas in viis fieri permitterent. Quid enim facilius accidere potuit, quam ut concursu hominum ad rixantes factio, si altera pars, concurrentium auxilio freta, vim alteri inferret et hae aliorum auxilium quoque imploraret, omnia turbis caedibusque miscerentur?

§. 61.

Quibus modis repressae sint sub libera rep. seditiones?

Antiquissima seditionum in vrbe reprimendarum ratio a superstitionibus petita fuit. Quodsi patres sentirent plebem seditionibus studiosam, prodigia et ostenta iactarunt; tum libri per Duumviros sacrorum aditi, ex his pericula Urbis minantia praedicta et inter cetera monitum est, ut seditionibus abstererent. Inprimis ad Tribunorum seditiones reprimendas obnuntiatio ex lege Aelia et Fusia introducta; quas ideo "propugnacula murosque tranquillitatis atque otii" Cicero vocat easque V. C. 696. fatali portento prodigioque reipublicae a P. Clodio euersas queritur. Eadem de causa etiam Dictatorem saepe dixerunt. Inde in magno seditionis periculo Quintium Cincinnatum loquentem Liuius facit: "Dictatore opus esse reipublicae, ut qui se mouerit ad sollicitandum statum ciuitatis, sentiat sine prouocatione dictaturam esse." Aliud seditionis reprimendae remedium erat in colonias deductio, etsi leges agrariae, quibus illam fieri oportuit, nunquam sine maximis motibus rerum agitatae *l*). Ita iam V. C. 360. cum multiplex Romae seditio esset, eius lenien-

b) Campiani de Offic. Mag. p. 180.
i) Plutarch in Pompeio, c. 92.

k) Liv. 45. 35. Dio 39. 63.
l) Liv. 2. 41.

leniendae causa coloniam in Volscos deductam Livius memoriae prodidit *m*). Decennio interiecto cum coniecto in carcerem Manlio haud procul seditione res esset; eius leniendae causa Senatus Satricum coloniam duo millia civium Romanorum deduci iussit *n*). Reliqua vide iam supra (§. 55.), vbi de periculo, quod a premente annona tranquillitati imminet, differui.

De seditione vi repressa.

Quodsi nullo alio modo quies restitui, tumultusque sedari posset, cum sub republica libera armati in Vrbe non essent, nec plebi cedendum esse Patres putarent, factum est SCtum illud nobilissimum, quod tamen vltimae semper necessitatis habitum est: "Viderent Consules, respublica ne quid detrimenti caperet *o*); quibus verbis moderatissimis atque lenissimis plena Consulibus atque infinita potestas tradita, omnia agendi, quaecunque ad seditionem reprimendam idonea ipsis viderentur. In Tib. Gracchi tumultu, cum P. Mucius Scaeuola Cos. Senatum rogaret, quid tali in tempore esset faciendum, plerisque placuit: vt Consul armis rempublicam defenderet. Qui cum quidquam se vi peracturum negaret, P. Scipio Nasica cum agmine optimatum, raptis subselliorum fragmentis mancipiorumque multitudine cum sudibus et clavis, quas domo attulerant, Tiberium petiit, turbamque tumultuantium disiecit. Eodem modo in C. Gracchi tumultu in M. Aemilii Scauri sententiam SCtum factum: vt L. Opimius Cos. rempublicam defenderet. Quo ille accepto Senatum in armis adesse, equites praeterea binos seruos armatos adducere iussit *p*), quibus seditio illa repressa est.

§. 62.

De subsidiis tranquillitatis conseruandae sub Imperatoribus.

Libertate Romanis erepta, reque publica in imperium seu monarchiam mutata, qui solus rerum potitus esset, ei quidem nihil prius, nihil antiquius esse debuit, quam vt institutis manentibus et sui dominationisque securitatem, et vrbis, in qua versaretur, tranquillitatem, si fieri posset, ita stabiliret, vt vix vlla ratione posset sollicitari. Et hoc quidem consilio institutae

I. Caesarum custodiae, quae illorum securitatem tuentes, quibus solis a seditionibus periculum immineret, etiam tranquillitatem iuuerunt. Iam C. Caesarem in corporis sui tutelam militibus vsum et quidem Hispanorum custodias illum sectatas testatur Suetonius *q*). Augustus autem dimissa, quam vsque ad cladem Varianam inter armigeros circa se habuerat, Germanorum manu *r*), certum numerum partim in sui, partim in Vrbis custodiam adlegit *s*). Et

hae

m) Idem. V. 24.

n) VI. 16.

o) Cic. in Catilin. I. c. 2. Sallust, in Catil. c. 30. Dio 37. 31.

p) Freinsh. in Suppl. Liv. 61. 20 sq.

q) Sueton. in Caes. c. 86.

r) In Aug. c. 49.

s) Ibid.

haec quidem sunt illae cohortes praetorianae tres f) per hospitia in Vrbe dispersae n), quae a Tiberio in castra sunt contractae et coactae, ita ut Tacito teste x) novem, secundum Dionem vero decem cohortes decemque millia hominum essent y). Castra habuerunt propter muros Urbis a Viminali ad portam Exquilinam, quadrata, munis, turribus propugnaculisque munita, instructa templo, armamentario, balneis et fontibus. Durarunt haec castra usque ad Constantini tempora, qui Praetorianis, quia Maxentio fauerant, e medio sublatis, castrisque dirutis spatium Vrbi adiecit z). Quinam tum in istorum locum substituti fuerint, haud constat, forsitan milites Imperatorum domestici, quorum certe *scholae* post imperium diuisum occurrunt; poterant tamen etiam satis videri Imperatoribus, quae sequuntur, cohortes.

II. Cohortes urbanae. Tacitus cum Suetonio earum nonnisi tres commemorant a). Dio autem Urbis praesidio VI. millia ab Augusto destinata esse, quadrisariam diuisa, memoriae prodidit b). Parebant autem milites urbani Praefecto Vrbi c), quem Augustus Vrbi praeposuit "ob magnitudinem populi, tardaue legum auxilia, qui *coerceret seruitia et quod civium audacia turbidum, nisi vim metuat.*" Is igitur in certis Urbis locis milites disposuit, qui a statione, in qua versabantur, stationarii sunt appellati. Inde Vlpianus de istius officio ita praecepit: "Debet dispositos habere milites stationarios ad tuendam popularium quietem et ad *referendum sibi, quid in Vrbe agatur.*"

IV. Cohortes Urbanas usque ad seriora imperii tempora durasse, ex Victore, qui sub Valentiniano et Valente, adeoque circa P. N. C. 365 floruit, et sexto etiam P. C. N. seculo Praefecto Vrbi cognitionem in seditiosos datam ex Cassiodor. Epp. I. 40. discimus. Nihilominus cohortium urban. numerum aliquando auctum fuisse ex lapide, quem Reinesius Cl. VIII. 21. exhibet apparet. Ibi enim occurrit MILES. COHORTIS. XIII. VRBANAE. vid. et Class. V. 15. Ceterum si ex rubro libri aliquid certi colligere licet, magno quidem in hac re mihi emolumento fuisset Hugonius de Urbis Romae stationibus, verum hoc libro nusquam potiri contigit.

III. Cohortes vigilum proprie quidem nonnisi incendiis arcendis ab Augusto institutae feruntur, verum enim vero publicam salutem nonnisi tanquam colorem huic rei praetexuisse videtur, praecipuam autem istius militiae instituendae causam, certe non leue momentum fuisse, ut vigilum sibi obnoxiorum manu pro instrumento dominationis, *praesertim vero ad*
noctur-

f) Ibid. et Tacit. Annal. IV. 5.

n) Tacit. A. IV. 2. Sueton. in Tiber. c. 37.

x) Tacit. A. IV. 5.

y) Dio 55. 24. οἷον συμποφυλακες, μύριοι ον-
τες καὶ δεικνὴν τεταγμένοι.

z) De castris Praetor. vid. Donatus de V.
Roma, c. 15. Thef. Graev. T. III. p. 510 sq.

a) Tacit. Ann. IV. 5. Suet. in Aug. 49.

b) L. 55. 21. οἱ τῆς πόλεως φύρουσι ἐξ ἑκαττοχί-
λων τε οντες καὶ τετραχὴν νενομημένοι V. D. Nitsch VI.
cohortes urban. ab Augusto constitutas tradit con-
tra historicorum fidem, sex millium numero haud
dubie in errorem inductus.

c) Tacit. Annal. VI. 11.

~~nocturnos tumultus compescendos~~ vteretur. Inde septem illas cohortes certo aliquo modo Praefecto urbi etiam subiectas fuisse, pluribus auctorum testimoniis probare conatur Reimarus ad Dionem L. 65. c. 17. et quatenus Praefectus Vigilum Vrbi Praefecto subiectus fuisse traditur, haec certe etiam cohortes Vigilum ipsius potestati obnoxiae fuerunt. Reliqua de his vide supra §. 48. et 49.

CAPVT III.

De Commoditatibus Urbis.

§. 63.

Conspectus capitis.

Commoditates Urbis ea dico publice instituta, quae vitam hominum in ea versantium et commodiorem et iucundiorem reddere possunt. Melius tamen illa commoditatum notio, alias valde vaga, constituetur ac definietur, si statim ea recensuerim instituta, quae ad hanc politiae partem praecipue referenda mihi quidem videantur. Huc spectat

I. Viarum in Vrbe tutela, vt bene munitae sint ac purae; quibus adiungo

a) Pontes.

b) Porticus.

c) Leticarios et

d) Latrinas publicas.

II. Aquarum tutela.

III. Balnearum cura et diversiorum.

IV. Publica temporis significationem.

De quibus singulis nunc iam agendum.

§. 64.

De viis in Vrbe muniendis.

Priscos Romanos magis necessariis rebus distractos bellisque occupatos, vix de Viarum urbis munitione cogitare potuisse, in aprico est; etsi cloacarum memori a vero non ita absonum videri possit, etiam sub regibus vias urbanas fuisse munitas. Certe ultra annum V. C. 442. munitionis initia repeti memoria non possunt. Eo enim anno Via Appia strata, cuius certe pars etiam in Vrbe fuit, et nemo mihi persuadeat, ea, quae maxime necessaria hominibus essent, serius esse instituta, quam quae minus, adeoque vias ante portas prius fuisse munitas urbanis, quod omni rationi repugnat d). Verum non

vno

d) Cf. III. Beckmann in Beiträgen zur Gesch. der Erfindung. Band II. Stück III. p. 336.

vno eodemque omnes Urbis vias stratas, sed temporis successu singulas et quidem publice, i. e. sumtu ex aerario facto esse munitas ex Livio discimus e). Viarum vero in Vrbe tutela, tribus potissimum rebus cernitur I. vt reficiantur et quidem ex legis praecepto II. vt pateant vsui III. vt purae sint.

§ 65.

De viis reficiendis.

Diu multumque super hoc argumento disceptatum, an omnino publico sumtu viae urbanae sint refectae an priuatorum. Omnia tamen sic satis expedita sunt, nisi ea, quae extra ordinem aliquando facta sunt, ordinaria fuisse et consueta putes. In hunc vero errorem incidit, qui publicis impensis, si quid in viis urbanis reficiendum esset, hoc factum esse, ex Dione probare conatur, vbi ille Agrippam "in aedilitate sua omnia aedificia publica et omnes vias, nulla ex publico pecunia sumta, restaurasse" memorat f). Agrippa enim cum Aedilis esset, multa instituit, quae neque ante eum, neque postea obtinuerunt. Antiquissimum autem quod de Viarum in Vrbe refectioe agit, monumentum exstat idem tabulae aeneae fragmentum, cuius iam bis mentionem fecimus a Conrado editum. Lex autem in illo exarata quia longior est, quam vt hic repetatur, sensum eius reddidisse satis erit: lege constitutum fuit, vt quilibet secundum aedificium suum vias tueretur, nisi ex altera parte aedes sacra aut aedificium locusue publicus esset; tum enim dimidiam sumtus partem aerarium tulit g). Hanc autem legem Papiniani tempore, qui P. C. N. 212. diem obiit, adhuc durasse, ex fragmento libri, quem ille de officio Aedilium composuit, in Digestis seruatō satis apparet h). Ceterum locupletes interdum fuisse, qui in magistratu auram popularem captantes vias suis impensis refecerint, vt v. c. Agrippa, nullus negarim.

De modo vias in vrbe construendi et de semitis.

Viarum in Vrbe stratura silice fiebat, vt ex Livio discimus i), silices autem illos non, vt apud nos fieri assolet, malleis dolabrisque particulatim concisos,

e) Liv. 29. 37. 41. 27.

f) Dio 49.

g) Conradi in Parerg. L. III. p. 367 sq.

h) D. 43. 10. l. 1. §. 3. Cum ad hoc fragmentum in hoc libello saepius nobis prouocandum sit, plerimi autem sint, qui ad Aediles coloniarum et municipiorum illud tantummodo spectare putent, argumenta proferam, quibus motus illo teste in hac mea causa vii non dubito. Primum est quod persuasum habeo, officia Aedilium in coloniis et municipiis et eorum qui Romae essent, nulla alia ratione diuersa fuisse, quam quod Romae Aedilium officia maioris essent momenti, potestasque eorum latius pateret, quam

ceterorum. Notum enim est, quod de coloniis Roma deductis et omnino de omnibus coloniis dici potest, omnes scilicet omnibus modis nissae esse, vt cunctorum rerum, maxime vero magistrarum similitudine urbis relictae speciem apud se effingerent, ac in illius splendore dum vitam degere non liceret, hoc saltem schemate veluti solatio sese sustentarent. Gellio itaque N. A. 16. 13. coloniae quasi effigies paruae populi Rom. simulacraque esse videntur. Alterum mihi argumentum a Fragmento Britannico (de viis urbanis) repetitum, quocum et in reliquis Papiniani fragmentis egregie conuenit.

i) Liv. 41. 37.

concisos, sed grandes et multiplici ferme angulo perpolitos, ut aliis facile coagmentari possent, nec se commissura laxaret, Alexander Donatus ex detectis Romae viarum reliquiis edocuit *k*). In margine autem viae semitae erant, seu spatia prope aedes grandibus et e viua rupe caesis lapidibus strata, quibus euntium commoditati ad euitandam molestiam, quae a iumentis, vehiculis, baiulis aduersum venientibus in via lata euntibus creantur, egregie prospici, nos quidem omnes, quibus in hac Musarum gratissima sede versari contigit, experientia sumus edocti. De Semitis Urbis rite construendis exstat lex in Fragmento Britanico *l*), quod totum in nostrum usum convertere licet: QVOIVS. ANTE. AEDIFICIVM. semita. in. loco, erit. is. eam. semitam. eo. aedificio. perpetuo. lapidibus. perpetueis. integreis. continentem. constratam. recte. habeto. arbitrato. eius. AED. quouis. in. ea. parte. H. L. viarum. procurator. erit. Integris igitur lapidibus lex iubet semitas sterni, scilicet ut semitae latitudo singulis consterneretur. Ceterum semitae Romae binos pedes in latum non prorsus aequabant, unde Cic. de angustissimis urbis semitis queritur in Orat. adv. Rullum, supra viam vero ad sesquipedem adsurgebant, quam quidem rationem, etsi ad semitarum perennitatem viarumque firmamentum mirum profit, in nostris certe academiis vix possem approbare.

§. 66.

De cura viarum, ne usus a priuatis impediatur.

Neque haec a Romanis cura neglecta, ut viarum usus omnibus semper pateret. Itaque in Fragmento Britanico lex comprehenditur his fere verbis concepta *m*): Ne quis in locis publicis atque porticibus quid inaedificatum inmolitumue habeto, neue ea loca porticumue quam possideto, neue eorum quod saeptum clausumue habeto, quo minus eis locis porticibusque populus utatur, pateantue, nisi quibus utique legibus, Plebisue scitis Senatusue consultis concessum permissumue est. Eodem spectat interdictum praetoris, quod non esse temporarium expressis verbis Ulpianus refert *n*). Praetor ait: in via publica itinereue publico facere, immittere quid, quo ea via idue iter deterius sit, fiat, veto. Ne in locis publicis aedificaretur aut priuata aedificia extenderentur quod proaedificatum dicebant, interprete Festo, eam curam olim Censores gesserunt. Ita apud Liuium Cato et L. Valerius Censores omnia, quae in loca publica inaedificata inmolitaue priuati haberent, intra XXX dies sunt demoliti *o*). Augustus loca in vrbe publica iuris ambigui possessoribus adiudicauit *p*), postea vero peculiare instituti sunt magistratus

K 2

ac

k) De Vrbe Roma l. l. c. 23.

l) Versu. 53. vid. Conradus l. cit. p. 373.

m) Versu. 68 sq. Conrad. p. 375.

n) D. 43. tit. 8. l. 21. §. 20. 35. et 40.

o) Liv. 39. 44. cf. Plutarch in Catone aliud exemplum Liv. 43. 16. exhibet, vbi et multam pro concione Censores dixerunt.

p) Sueton. in ej. Vita. c. 32.

ac iudices, quales Illviri locorum publicorum persequendomm et Curatores locorum iudicandorum apud Gruterum occurrunt. Tabernae, quibus mercatores et opifices vias publicas propter aedificia occupauerant, a Domitiano sublatae Martialis celebrat L. VII. Epigr. 61. ubi sic finit:

Tonsor, caupo, coquus, lanius sua limina seruant,

Nunc Roma est, nuper magna taberna fuit.

Sub Valentiniano Sen. aedificia, quae vulgo Parapetasia vocantur, omniaque opera, quibus angustarentur platearum spatia, teste Marcellino ⁹⁾, a Praefecto Urbis diruta sunt; "quem et moeniana sustulisse, *fabricari quoque legibus vetita*" idem auctor est.

§. 67.

De viis purgandis.

Romae cum itinera arcta vicique usque ad Neroneum incendium angusti ^{r)}, viae autem *planae* nec in medio, ut aqua utrimque deflueret, elatae essent, propter populi quam maximam turbam per vias continuo ruentem et iumentorum vehiculorumque multitudinem, magna opus fuit solertia, si viae semper mundiores conservari deberent. Plures autem iam sub republica de viis purgandis exstitisse leges iterum ex Fragmento toties laudato discimus. Qui huc spectat locus ita se habet: QVOMINVS. AED. (aediles) ET. IIIIVIR. (quatuor viri) vieis. in. vrbe. purgandeis. Illviri. vieis. extra. propiusue. vrbein. Rom. passus. (M.) purgandeis. queiquomque. erunt. vias. publicas. purgandas. curent. eiusque. rei. potestatem. habeant. ita. vti. *legibus. PlebisVE. SCitis. Senatus. Consultis.* oportet. oportebit. eum. H. L. N. R. (eorum hac lege nihil rogatur) ^{s)}. Papiiriani quidem tempore lege prohibitum erat, purgamenta et stercorea in via prolicere; et canales seu aquaeductus, qui sub dio essent, quilibet ante domum suam purgare debebat ^{t)}. Omnibus tamen hisce legibus impetrari viarum mundities non potuit et saepe auctores de viis queruntur coenosis et lutulentis. Ita apud Martialem Epigr. VI, 60.

Et praetor medio cogitur ire luto.

et L. V, 23. — nunquam sicco sordida saxa gradu.

Nec

⁹⁾ Libro 27. 9.

^{r)} Cum in viarum Urbis usque ad Neronis incendium angustiis omnes auctores, imprimis autem Seneca Pater, Tacitus et Suetonius consentiant, L. Annaeus Seneca de Clementia I. c. 6. solus itinera *urbis latissima* memorat. Quid de hoc statuendum? Aut iam ante illud incendium quaedam Urbis viae latiores erant, aut ex orationis genere declamatorio *latissimarum* epitheton

fluxit, aut, quod primum in mentem venit, Liber de Clementia non est eius temporis atque auctoris, quorum vulgo fertur. Certe si otium fuisset, eo consilio librum perlegissem, ut attenderem, si forte alia serioris aevi vestigia seu indicia in eo possent deprehendi.

^{s)} Conrad. I. c. p. 373.

^{t)} D. 43. tit. 10. §. 3. et 5.

Nec refragatur Horatius Epp. II, 2.

— Purae

Sunt plateae, nihil v~~t~~ meditantibus obstat.
nam in sequentibus huic obiectioni occurrens aliter rem se habere ostendit.

§. 68.

De magistratibus viarum in Vrbe sub rep. tutoribus. †)

Quo tempore primum vias urbis publice stratas accepimus eo quidem vt munirentur, locandarum curam *Censores* habuerunt, quos postea etiam alijs in viarum tutelam magistratibus creatis ab earum cura non plane remotos fuisse, quae §. 66. attuli, exempla declarant. Quos autem inuuo magistratus, si quidem Pomponio Icto in tanta antiquitate fides, *Quatuorviri* illi sunt V.C. 364. constituti, "*qui viarum curam gererent.*" u) Verum enim vero si temporis rationem habeas, statim apparet, Quatuorviros illos centum fere annis prius constitutos ab eo auctore tradi quam omnino itinera in vrbe strata Liuius refert. En igitur notabile exemplum, quanta iam altero P.C.N. seculo inter Romanos historiae antiquae imperitia fuerit atque ignorantia. Quo lex illa antiqua, cuius fragmentum toties laudatum nostrum iam appellare liceat, lata fuit, eo quidem tempore praecipua Viarum in Vrbe cura apud Aediles Curules fuit atque plebeios, quorum officium lege illa accuratius definitum paucis est delineandum x).

Primum ipsis id negotii datum, in ea quae cuique obuenisset parte urbis curare, vt priuati eas vias, quae ante cuiusque domum essent, tuerentur et ne eo loco aqua consisteret, quo minus commode populus istis viis vteretur.

Deinde, videre, quod ad viam pertinet, quae inter aedem sacram vel inter aedificium vel locum publicum et inter aedificium priuatum esset, vt eius viae dimidiam partem in sua quisque parte Vrbe tuendam locaret.

K 3

Tertio

†) In hac quidem § iam labasco et in illam sententiam proclino, sicuti aquarum, ita et viarum vnum tantum Curatorem sub Imperatoribus fuisse constitutum. Fidem facit Inscriptio apud Gellium p. 17. n. 6. vbi occurrit M. Porcius Modestus, tempore Antonini Pii Curator Viarum et cloacarum, quem ab Vrbe relegare, vt Vlyricus, non licet. Idem Venutius suadet D. 43. tit. 23. l. 2. his verbis: "nouam cloacam facere ex La-beonis sententia is demum concedere debet, cui

viarum publicarum cura est" Omnem tamen meam sententiam vt retractem, tempus nunc iam non suppetit, sincere tamen indicandum putari, ad corrigenda dicta, si quando opus fuerit, semper paratus. Calend. April.

u) De Orig. Iuris. II. §. 30. et Rupertus in Animaduers. in Enchiridion Pomponii L. II. c. 16.

x) Conradi in Parerg. p. 367 sq. et 393 sq.

Tertio tandem, ut viam, quam quisque possessor ante aedificium suum, uti oporteret, haud tueretur, pariter eam tuendam locaret, hac tamen lege, ut antequam locaret, non minus X diebus apud forum ante Tribunal suum in tabula publice proponeret, quam viam tuendam et quò die locaturus esset, atque eis, quorum ante aedificia ea via esset, seu absentium procuratoribus idem denunciari faceret. Facta autem viae locatione, quam dominos ante suas quemque aedes tueri oportuisset, Tribunus, Praetor, Quaestor urbanus, quive aerario praecessent, per quos illa locatio fiebat, istos tantae pecuniae, quanta locatio facta esset, in tabulas publicas referendos curarunt et pecuniam redemptori ex lege locationis attribuerunt y).

Eandem fere rationem nempe ut quisque ante suam domum vias construeret eiusque rei apud Aediles arbitrium esset, Papiniani tempore adhuc obtinuisse ex eo eius fragmento, quod de officio Aedilium superest z), satis apparet, adeo ut Mazocchi non dubitet, Papinianum legem in fragmento Britanico contentam ante oculos habuisse. Illud in hac re Papiniano proprium est, ut quicumque mercede habitent, si non construat dominus, ipsi construentes computent impensas in mercedem. Ex iure igitur ordinario, non, ut Petrus Burmannus a) putavit, extra ordinem, Aedilibus cura muniendi reficiendique vias erat commissa, purgandarum autem munere una cum IVviris viis purgandis illos esse functos, quae legis antiquae verba § antecedente attulimus, satis declarant, IVviros autem ab Aedilibus diuersos fuisse, contra Scaligerum Ev. Otto b) euicit, quod illo tempore, quo Fragmentum Britanicum nondum in lucem prodierat, non ita facile erat ad demonstrandum. Et hi quidem sunt illi IVviri a Pomponio supra memorati, etsi multo serius, quam ipse tradit, et ut Bergerio videtur, demum anno 109. ad viarum curam constituti; a quibus non diuersi sunt illi τεσσαρες, οἱ τῶν ἐν τῷ ἀστει ὁδῶν ἐπιμελημένοι, quos inter XXviros Scito ex Equitibus factos Dio recenset c). Rarior eorum est mentio apud auctores Romanos, et, si utrinque Pomponii atque Dionis locum laudatum, Tabulam Britannicam dubiumque adhuc Ciceronis locum d) excipias, nusquam alibi occurrunt. Qui autem viarum curandarum IVviri in marmoribus saepissime occurrunt e) eos quidem ab omnibus antiquitatis scriptoribus in urbanorum magistra-

y) Conradi Parerg. III. p. 367 sq.

z) D. 43. tit. 10. quod fragmentum mirum est, quantum Germanorum ingenia exercuerit. cf. Conradus in Praefat. ad Parerga. p. XLVIII sq. et in ipso opere pag. 306 sq. Iac. Gothofredus ad l. 2. Cod. Theod. de itinere mun. alias et Cuiacius in Comment. ad Papiniani fragm. in Paratitl. ad l. d. et Observ. L. 22. c. 31. Brissolinus Select. Antiq. IV. 12.

a) De vedigal. Pop. R. c. 12.

b) De tutela viar. p. 372.

c) Dio 54. c. 26. cf. Masson in Vit. Ouidii p. 56 sq.

d) Cic. ad Div. X. Ep. 31. "Asinius Pollio IVviratum sibi prorogavit.

e) Vid. Inscriptt. apud Pannin. de V. R. p. 65. et Gruterum p. 248. 6. 423. 4. 430. 5. 492. 4. et Reinesius p. 435.

magistratuum censum falso relatos contra vero viarum quarundam per Italiam curationem illis mandari solitam esse, iam mihi est certo persuasum f).

§. 69.

De viocuris sub Imperatoribus.

Sub republica libera viarum in Vrbe cura inter Aediles Curules et Plebeios ita diuisa erat, vt, quas iam Seruius Tullius vrbis partes siue regiones fecisse fertur, earum vnā quamque Aedilium quisque, prout vel inter se comparassent, vel fors tulisset, curandam haberet. Augustus autem spatium Vrbis in regiones XIV. vicosque distribuit, instituitque V.C. 747. vt illas annui magistratus sortito tuerentur, hos magistri e plebe cuiusque vicinia electi g). Ne autem dubitemus, quinam illi magistratus fuerint, Dio h) expressis verbis: “αγορανομοις, δημαρχοις, και στρατηγοις πασαν την πολιν εις δεκατεσσαρα μέρη νωμηνθεισαν κληρω προσταχθεισιν επιτραπηναι” nos docet additque δ και νυν γινεται. Aedilibus igitur, Tribunis pl. et Praetoribus i) curam regionum, vt cuique sorte obtigisset, Augustus iniunxit, isque ordo vsque ad Dionis tempora, id est circa 220 P.C.N. permanxit. Recte adeo negarunt Torrentius atque Casaubonus, novos ex Augusti institutione creatos esse magistratus. Alexander Severus sub quo Dio floruit, curatores Vrbis XIV. fecit, verum ex consularibus viris k). Publius Victor, qui circa 389. P.C.N. vixit, Curatores regionum XXIV. memorat, etsi, a quo principe ille numerus in tantum auctus sit, ignoramus.

Quod ad Magistros pertinet viarum curatores ex plebe cuiuscunque vicinia electos, illis quidem in iis locis, quibus praecessent, non praetexta solum et lictoribus binis vti concessum esse Dio tradit, verum etiam seruitia addita, quae antea cum Aedilibus in vsum reslinguendorum incendiorum fuerant l). Inde vero suspicio mihi oritur, eos praeter viarum curam ignota adhuc officia ad securitatis curam pertinentia habuisse; quod eo probabilius mihi videtur, cum viarum purgandarum curam, quam ipsis forsani iniunctam fuisse putes, Aediles habuerint, vt ex Suetonio discimus, vbi Caius Caesar “Vespasianum, cum Aedilis esset, succensens curam verrendis viis non adhibitam,

f) Habes hic iam in difficili et maxime impedita de IVviris viarum curandarum quaestione meam sententiam, quam quidem non parui laboris fructum sine inuidia liceat appellare. Olim quidem propositum erat, copiosius de illis in excursu agere, in quo argumento, cum multos doctorem Virorum errores notandi atque refellendi occasio fuisset, forsitan non sine aliqua doctrinae specie versari licuisset. Verum enimvero, cum iam in tantum voluminis excrecere libellum

sentirem, nec a iuvene imperito doctorem virorum laudibus aliquid detrahi sapientis animum iuuet, consilium libenter abieci.

g) Sueton. in Aug. c. 30.

h) Dio 55. 8.

i) De his vid. Inscriptio Gruteriana pag. 61. n. 2. vbi dicitur: Praetor, cui haec regio sortu obuenerit, aliisque quis magistratus &c.

k) Lamprid. in Severo. c. 33.

l) Dio 55. 8.

bitam, tuto in praetextae sinum per milites congesto iussit oppleri." *m)* Viarum ut purae essent curam etiam Papiniani tempore Aedilibus incubuisse, ex eius fragmento de officio Aedilium liquet. Ceterum P. Victoris tempore Vicomagistrorum Romae numerus ad DCLXXII. excurrit.

Quaestorum denique collegio viarum in Vrbe straturam aliquando fuisse iniunctam non Bergerius *n)* solum, verum etiam Ev. Otto *o)* docuerunt. Certe Suetonius in Vita Claudii c. 24. videtur tale quid affirmare; sed qui antiquitatem nouit, ei statim ibi apparebit, non quaestorum collegio viarum curandarum provinciam proprie datam fuisse, verum ad candidatorum dignitatem profuisse si sumtus viae publicae muniendae impendissent.

Etiam Praefectum Vrbi aliquando vias publicas curasse, lapis apud Gruterum p. 152, n. 8. ostendit.

§. 70.

De pontium cura.

Pontes iam sub viis comprehensos fuisse, alicui forsan recte videatur; sunt enim viae super flumen exstructae et hactenus sigillatim de illis agere supersedere possem, nisi in illorum cura quaedam occurrerent singularia, quae non praetermittenda putavi. Pontium Tiberi impositorum numerus sensim sensimque ad octo accreuit; lignei primum, postea lapidei fuerunt exstructi. Vetustissimus *Sublicius* fuit, qui absque ullis clavis ferreis est resectus, posteaquam Coclite Horatio defendente aegre reuulsus erat. Sequitur *Palatinus*, quem a Livio L. 40, c. 51. designatum intelligendum esse omnes antiquitatis scriptores non iniuria censent. Nomen enim adiicere, cum non alius intra Urbis moenia tunc temporis e lapide pons esset, supervacaneum fuit. Insula Tiberina duos pontes habuit, *Fabricio* alteri, alteri *Caestio* nomen. *Ianiculensis* a transitu dictus, quem in Ianiculum dabat. *Triumphalis* seu *Vaticani* etiam hodie pilae visuntur. *Aelio* Ponti Hadrianus nomen dedit. *Miluius*, olim Aemilius a M. Aemilio Scauro, postea corrupte Miluius appellatus. In Notitia Imperii pons denique Probi legitur, quem ab Imp. Probo denominatum Pancirollus hariolatur.

Pons Sublicius a Pontificibus semper resectus, qui inde nomen duxerunt. Fuit enim ille sacer aestimatus, ita ut in aliqua parte labantem, nisi caesa victima et sacrificio peracto, reficere non liceret. Reliquorum curam primum Censoribus mandatam esse ex Livio constat. Ita V. C. 572. M. Fulvius Cenfor pilas pontis in Tiberim locat, quibus post aliquot annos P. Scipio Africanus et L. Mummius Censores fornices locarunt imponendos *p)*.

Sub

m) In vit. Vespasiani. 5.

n) Histoire des grands chemins L. I. c. 3 § 8.

o) De Tutel. Viar. II. c. 3. p. 351.

p) Loc. cit. cf. L. 41 27. ubi vero "pontes multis locis a Censoribus facti" non-ad Urbem, certe non solum, sed ad vias extra Urb. sunt referendi.

Sub Imperatoribus partim Curatores viarum, partim Curatores alvei et Riparum Tiberis pontes curarunt. Forſan et aliquando ad Curatorem operum publicorum pertinuerunt, verum de eo non conſtat.

§. 71.

De porticibus.

Ad commoditates Urbis duplici ratione referendas eſſe arbitror porticus. Primum enim ad euitandum Solis aëſtum, ſi aut deambulare denſa ſub vmbra iuaret, aut ſermones de negotio publico vel priuato cum aliis caedere velles, nihil opportunius eſſe potuit. Deinde vero porticus etiam contra pluuiam, præſertim ſi repentinus imber ludos interpeſſaſſet, ſpectatoribus ex Theatris nondum teſtis optimum præbebant refugium, vnde et iam a Tarquinio Priſco porticus circa forum factas Liuius memorat *q*). Noſtrum hic non eſt celeberrimarum porticuum nomina laudare; inſpiciendae de his ſunt Veteris Urbis operumque antiquorum deſcriptiones. Sub republica porticuum exſtruendarum, ſternendarum reſciendarumque curam Cenſores atque Aediles habuiſſe conſtat, hos ex pecunia multatitia, iſtos autem ex pecunia publice adtributa et inter ſe diuiſa *r*). Etenim V.C. 573. vectigal annuum iſtis decretum eſt, quo in opera publica vterentur *s*). Præcipua in porticibus cura fuit, proſpicere, ne quid fieret, quo vſus earum publicus impediretur. Itaque in lege antiqua ex Tabula aenea Britanica etiam hoc cautum legimus: ne quis porticum poſſideat aut in porticibus quid inmolitum, neue porticum quid ſeptum clauſumque habeat, quo minus porticibus populus vtatur pateantue, niſi quibus vtique lege, Plebiſcito Senatusue conſulto conſeſſum permiſſumque eſt *t*). Excipiebantur hac adiectione qui in porticibus ius dicentes ibi tribunal ſuum collocarent, etiam argentarii, artiſces, mercatores et omnes quibus tabernas in porticibus habere permiſſum erat. Sub Imperatoribus porticuum cura aut ad Curatores regionum, aut ad operum publicorum Curatores itidem ab Auguſto inſtitutos ſpectaſſe videtur.

§. 72.

De lecticariis.

Lecticariorum inſtitutum in vrbe tantæ amplitudinis, atque ſalebroſis plerumque viis famoſa, ſine dubio ad præcipuas commoditates referendum eſt, etſi apud Romanos non commoditatis ſolum, ſed præcipua luxus inſtrumenta lecticae fuerint. Poſt bellum punicum ſecundum primum ex Aſia Romam lecticae commigrarunt, ab initio autem nonniſi ad itinera faciendâ adhibi-

q) L. I. c. 35.*r*) Liv. 35. 10. 40 51. Lib. 41. 27.*s*) Idem 40. 46.*t*) Conradi Parerg. p. 375 ſq.

adhibitae, donec Iulii Caesaris tempore etiam per Urbem lecticis ferri luxuria docuit. Primum nonnisi a servis suis privati lectica per Urbem ferebantur, postea autem lecticarii, uti nunc sunt baiuli sellarii, ex abiectae conditionis hominibus publice constituti, qui operam suam mercede conducti illis praestarent, quibus servorum copia non esset. Castra habebant trans Tiberim, quod mihi valde incommodum fuisse videtur. Lecticariorum enim stationes ut celeriter et ex proximo euocari possent, in qualibet Urbis regione constitutas esse oportuit. Sed videmus inde lecticarum commoditatem politiae Romanae non magnae curae fuisse; nisi forsitan potius aliquis opinetur, data opera trans Tiberim castra lecticariorum fuisse relegata, ut hac ratione luxus apud multos inhiaberetur. Etenim iam a C. Iulio Caesare, pristinorum morum recordatione tacto, prohibita lecticis uti, quae nec viros nec liberos haberent et minores essent L V. annis u). Sub Augusto lecticae sine poena et lege et inferiori aeuo passim in usu fuerunt, Domitianus tamen Imperator lecticarum usum probrois feminis ademittit x).

§. 73.

De latrinis publicis.

Cum nihil vile in politia sit iudicandum, unde aliqua procuratae ciuibus commoditatis laus possit acquiri, neque hoc institutum, quod in vrbe amplissima atque celeberrima non minimi momenti esse potuit, quodque apud nos imitari quibusdam ex causis periculosius esset, silentio videtur praetereundum. Verum enimvero nisi P. Burmannum sequaris, qui Suetonium in Tiberio c. 58. y) de hoc instituto intelligendum esse satis probabiliter censet, res est nonnisi serioris aevi et Sextus Rufus quarto demum post Ch. N. seculo eius mentionem iniecit. Latrinas publicas vilibus hominibus, qui Foricarii dicti sunt, locauerunt, qui vectigal exigebant ab his, qui subita necessitudine deprehensi se ibi exonerare cgebantur. Eodem modo amphorae in viis vicorumque angulis positae, in quibus gratis urinam conicere licuit usque ad Vespasiani tempora, qui vectigal urinae, ut Burmannus iterum putat, ad similitudinem foricarum instituit, amphorasque illas sordidis hominibus locauit, qui stipem ab hominibus, lotium in istis reddere necessitate coactis, exigebant. Alii tamen illud vectigal a fullonibus exactum putant, qui urina collecta ad vestimenta lauanda utebantur.

CAP. III.

u) Sueton. in Caes. c. 43. qui locus supplendus ex Chronico Eusebii.

x) Sueton. in Domit. c. 8.

y) Capitale erat, "nummo vel annulo effigiem impressam latrinae aut lupanari intulisse."

CAP. III. SECT. II.

De Aquaeductibus.

§. 74.

De aquis Romam deductis.

Accedo nunc ad alterum illud Romanorum operum, quod maiestatis Romanae magnitudinisque imperii praecipuum est indicium — Aequaeductus puto, quos “vera aestimatione inuicta miracula” Plinius vocat neque vana est illa gloriatio. Adducta enim aqua ex regionibus longinquo spatio remotis, etiam usque a quadagesimo lapide, actis per montem cuniculis, arcibus et fornicibus in quibusdam locis ad CLX pedes eleuatis z), ad eam excelsitatem, ut in omnes Urbis montes tolleretur, tantaque flueret copia, ut Straboni flumina per Urbem fluere sint visa, et ut omnino solus aquaeductuum adspectus et contemplatio omnes omnis aevi homines in stuporem rapiat rapueritque, mentes etiam obnubilet architectis, cum vel paucas reliquias ruinasque intueantur.

Per annos ab V. C. 441. contenti Romani fuerunt usu aquarum, quas aut ex Tiberi aut ex puteis, aut ex fontibus haurirent a). Verum cum vrbs et frequentia ciuium et amplitudine creuisset, regionesque a flumine remotiores colerentur, aliunde aqua fuit adducenda. Aquaeductuum autem ex longinquo petitorum primus fuit aquae Appiae, ab Appio Claudio Censore V. C. 441 in Urbem deductae. — Anio Vetus 39 post annis adeoque V. C. 480. a M. Curio Dentato et L. Papirio Cursore Censoribus ex manubiis de Pyrrho captis; Tepula V. C. 628. a C. Seruilio Caepione et L. Cassio Longino Censoribus; Marcia a Q. Marcio Rege Praetore; Iulia a M. Agrippa V. C. 721. et ab eodem Aqua Virgo 735; Alsietina eodem tempore ab Augusto deducta, unde Augustae nomen meruit. Claudiae ductum C. Caligula inchoauit, qui vero perfecit, Claudius nomen dedit. Postea Anio nouus ex Aniene deductus, quem Frontinus restituit. Frontini tempore nouem fuere, postea plures in Urbem aquae deductae, Victor XX, Notitia imperii XIX, Procopius XIV. tantum memorant.

L 2

Quibus

z) Quid loquar serio pendentes fornice riuos? Rutilius in Itinerario. v. 97. Wernsdorf Poet. lat. min. T. I. P. I. p. 94.

a) Ita Frontinus, aquarum Nerae imperante Curator, iudicat in libro quantius pretii, quem de aquaeductibus scripsit, qui nobis in hac politicae parte vnicus fere dux fuit sequendus. Ne

autem in singulis centies ad illum pronocare coger, Polenii indice vberissimo est prospectum. In hoc quidem ab optimi pieque colendi praeceptoris Ill. Gatterer sententia inuitus discessi, etsi mihi ignotae sint obiectiones a V. C. Grosley contra illam allatae. vid. Gatterer Weltgesch. Th. I. S. 364. et Allg. Litterat. Zeitung. Jahrg. 1785. p. 271.

Quibus ductibus cum aqua in Urbem influeret, diuisa primum est in Castella in qualibet regione exstructa, quae Vlpianus ita describit: "Castellum est receptaculum quod aquam publicam recipit;" addit Frontinus: "ex castellis ad omnes viarum anfractus aqua per vncias et digitos diuiditur" vnde et Diuidicula sunt appellata. Lacus autem fuerunt aluei, in quibus aquae ex ductibus reciperentur, vt vsui essent, iumentorum potui, lotionibus, incendiis exstinguendis, balnearum, fullonum aliorumque opificum necessitatibus, postremo horti ex istis lacubus irrigati. Ceterum notabile est, Frontini demum tempora Aquam Marciam, quae erat omnium frigidissima et saluberrima, potui omnem fuisse destinata atque per subterraneos meatus in omnes fere Urbis vicos deriuatam, vt ibi ex siphonibus publice saliret.

§. 75.

De Tutela aquarum.

Aquarum tutela duplicem complectitur curam; primum ne dolo malo subducantur neque conspurcentur, deinde ea huc pertinet cura, quae siue ad defendenda a detrimentis castella et aquaeductus, siue ad reparanda, si quae ceperunt, adhibetur. Primum tutelam aquarum, alteram aquaeductuum liceat appellare.

Quod ad primum quidem attinet, apud antiquos omnis aqua in vsus publicos erogata cautumque ita fuit: Ne quis priuatus aliam ducat, quam quae ex lacu humum accedit. Verum et haec ipsa, quam caducam Romani vocarunt, non in alium dabatur vsus, quam in balnearum et fulloniarum, eratque vectigalis statuta merces, quae in publicum impenderetur. Agri autem, qui aqua publica contra illam legem essent irrigati, publicabantur. Ad quem vero magistratum ius dandae vendendaeue aquae pertinuerit, id quidem in ipsis legibus variatum. Quoties in republica Censores essent, ab iis potissimum aqua petita, cum non essent, Aedilium fuit aquae dandae potestas. Priscis autem temporibus, quibus per pauciores ductus aqua in Urbem ducebatur, non assidue in publico aqua saluit, sed erant, ab Aedilibus Curulibus per vicos singulos, ex iis, qui in vnoquoque vico habitarent, praediaue haberent, bini praefecti, quorum arbitrata aqua, quoties vellent, in publico saliret. Anno autem V.C. 741. in re, quae vsque in id tempus, vt Frontinus ait, quasi potestate acta, certo iure eguisset, SCtum factum est et lex promulgata: vt salientes publici quam assiduissime interdiu et noctu aquam in vsus populi funderent; quod post magnificam illam Agrippae Aedilitatem, cum iam per septem ductus maiore copia aqua in urbem influeret, facile fieri potuit.

Sub Imperatoribus de iure aquae ducendae haec praecipue obseruata inuenio.

I. Qui.

- I. Quicumque aquam ad vsum priuatum deducere vellet, impetrare eam debebat et a principe epistolam ad Curatorem aquarum adferre.
- II. Omnis aquae cum possessore instauratum beneficium. Itaque de praedio vendito aut possessore mortuo Curator aquarum certior erat faciendus.
- III. Ne caducam quidem vlli ducere licuit, nisi principis beneficio. Illa enim pertinuit ad vrbis salubritatem, quippe quae canalium, quae sub dio erant, immunditias atque sordes abluendo in cloacas deferret.

Vt autem pura et limpida in publicum aqua proflueret, lex antiqua fuit his verbis conscripta: Ne. quis. aquam. oletato (idest, ne conspurcato). dolo. malo. vbi. publice. saliet. Si quis oletarit; sestertiorum. decem. millia. multa. esto. Veruntamen aquae Romanae ne vel exiguis imbribus turbulentiae ac limosae redderentur, vix poterat impediri.

§. 76.

De tutela aquaeductuum.

Quae ad defendendos a detrimentis vel ad reparandos aquaeductus leges et SCta spectarunt, eorum quidem plura sunt nobis a Frontino seruata, verum nonnisi praecipua hic possunt referri.

V. C. 743. Senatus consultum in hanc sententiam factum: Circa aquaeductus vtrique ex parte vt vacuos quinos denos pedes paterent et circa riuos subterraneos et specus intra Vrbem et extra Vrbem, si continentia aedificia essent, ex vtrique parte quinos pedes, ita vt neque monumentum in his locis, neque aedificia post hoc tempus ponere; neque arbores conferere liceret; quae nunc arbores essent, intra spatium exciderentur deque ea re iudicaretur atque cognoscerent Curatores aquarum. Eodem anno placuit, vt aquaeductuum reficiendorum causa per priuatorum agros itinera, actus paterent. V. C. 745. T. Quinctius Crispinus legem tulit: Quicumque post hanc legem rogatam riuos, specus, fornices, fistulas, castella, lacus aquarum publicarum sciens dolo malo forauerit, ruperit, foranda rumpendaue curauerit, peioremue (nonne peioraue?) fecerit, is populo Romano C. millia dare damnas esto et qui clam eorum ita fecerit, id omne sarcire reficere &c. damnas esto. Arbores, vites, vepres, sentes, ripae, maceria, salicta, arundineta tollantur, excidantur, effodiantur &c. eoque nomine curatoribus aquarum pignoris captio, multae dictio coercitioque esto, idque iis sine fraude facere liceat. Lex de arboribus remouendis quas importabiles moenium arietes vocat Cassiodor. Epp. VII, 6. a posteris imperatoribus saepissime est repetita b). Quod si serui laessissent aquaeductus, poena eadem dominis indicta.

Legibus ad tutelam aquaeductuum praecipue spectantibus hactenus commemoratis, nunc iam ad tutelam ipsam progrediar. Olim quidem sin-

b) Vid. leges, quos Scriuerius ad Frontinum collegit, etiam Poleni edit. annexas.

gularum aquarum tutelam locari solitam Frontinus inuenit, positamque redemptoribus (qui, cum publice quid faciendum aut praebendum conducerant effecerantque, tum demum, si probatum esset, pecuniam accipiebant) necessitatem, certum numerum circa ductus extra urbem, certum in Vrbe secutorum opificumque habendi. Sub Imperatoribus autem duae erant familiae, altera publica, altera Caesaris. Publica et antiquior, quam ab Agrippa testamento sibi relictam Augustus publicauerat, circiter 240 homines habuit. Caesaris familiam Claudius, cum aquas in Urbem perduceret, constituit, eiusque numerus erat 460. Vtraque in aliquot ministeriorum species diducta erat; 1) Villicos seu aquarum extra Urbem dispensatores; 2) Castellarios, qui circa aquarum castella versabantur; 3) Circitores, qui aquaeductus circuibant et renunciabant, si quid structuris, arcuationibus riuis damnum accidisset, vel si aliqua fraus esset commissa; 4) Silicarios, qui stratas silice vias perfrangebant ad subditos aquarum ductus reparandos, et vias iterum sternebant; secundum alios autem Siliquarii sunt appellati, (a siliqua, quae est sextans scrupuli) fueruntque aquarum admensores, ex quo tempore ciues opulentiores siphones et fistulas venditas in aedes certis mensuris deriuabant, et pro hac aqua certum vectigal soluebant. 5) Tectores, qui castella et opera arcuata tegebant aliosque id genus opifices. Omnes in Vrbe circa castellorum et munerum stationes opera quaeque vrgebant, si aut vetustate quid esset corruptum, aut impotentia possessorum, aut vi tempestatum aut culpa male facti operis, reparatione aquaeductus indigerent. Commoda familiae publicae ex aeraris dabantur, quod impendium exonerabatur vectigalium redditu ad ius aquarum pertinentium; Caesarum familia ex fisco commoda accipiebat, unde et omne plumbum omnesque impensae ad ductus et castella et lacus erogabantur. A Constantino Imp., qui sordibus essent oppleti, eorum aquaeductuum purgatio priuatis fuit iniuncta per quorum praedia meatus transirent. Discimus hoc ex rescripto Imperatoris ad Maximilianum Consularem (aquarum) V. C. 1082. P. N. C. 330. misso, quod ita se habet: Praediorum possessorum, per quorum fines formarum (aquaeductuum) meatus transeunt, ab extraordinariis oneribus volumus esse liberos, ut eorum opera aquarum ductus sordibus oppleti mudentur. Quod si neglexerint, amissione bonorum multabuntur c).

§. 77.

De Magistratibus, qui aquarum curam gesserunt.

Quo tempore primum aquas in Urbem publice adducere placuit, Censores tum eo munere functos esse, iam antea vidimus d). Apud eosdem aquarum

c) Cod. XI. tit. 42. l. 1. vbi et aliorum exstant constitutiones, de quibus vero incertum est, vtrum ad Urbem, an ad Constantinopolim spectarent.

d) Liv. 39. 44. et 40. 51.

aquarum tutelae summa cura fuit, omnia autem locatione conductione, sicuti et alia publica opera, sunt perfecta. Quodsi autem Censores in republica non essent, *Aedilibus* illa cura fuit iniuncta. Memorabilis hoc respectu inprimis fuit Agrippae Aedilitas, qui adiecta Virgine aqua ceteris corriuiatis et emendatis, lacus 700. fecit, praeterea salientes 105, castella 130, complura etiam cultu magnifica. Etenim istis operibus signa 300. aenea et marmorea imposuit, columnas ex marmoribus 400. eaque omnia annuo spatio perfecit *e*). Praeter Censores atque Aediles interdum etiam Quaestoribus aquarum tuendarum prouinciam obuenisse Frontinus tradit V.C. 636. etiam Praetor a Senatu aquaeductus reficere extra ordinem iussus Q. Martius Rex, quem etiam nouam aquam adduxisse supra docuimus *f*).

Augustus V.C. 741. Curatorem aquarum constituit *g*), cui adiutores bini additi *h*), quos etiam sub sequentibus Imperatoribus mansisse, Frontinus et innumerae inscriptiones ostendunt *i*). Habuit autem Curator ille seruos publicos, lictores, scribas, librarios, accensos, atque praecones. De officio Curatoris aquarum auctor classicus est Frontinus, ipse Curator. Primum ipsi id negotii mandatum, ut curaret, ne quis sine litteris Caesaris, id est, ne quis aquam publicam non impetratam, et ne quis amplius quam impetrarat, duceret. Sollicite igitur ductus extra urbem erant circumeundi ad cognoscenda beneficia. Deinde in castellis et salientibus publicis curandum erat, ut sine intermissione diebus noctibusque aqua flueret, et ut semper aqua limpida potui inferuire posset. Denique omnia in aquaeductibus et castellis reficienda curare tenebatur, ad quod quibus hominibus usus sit, § antecedente vidimus. Posteris temporibus Curator ille, quoniam ex consularibus viris creabatur, Consularis aquarum dictus *k*), et sexto demum seculo, forsan etiam prius Comes Formarum appellatus est *l*).

Verum ut vnde exorsa est, eo et concludatur nostra de aquaeductibus breuis tractatio, Plinii verba mea faciam, quae ita se habent. "Si quis diligentius aestimauerit aquarum abundantiam in publico, balneis, piscinis, domibus, euripis, hortis, suburbanis villis, spatioque aduenientium exstructos arcus, montes perfoscos, conualles aequatas, fatebitur, nihil magis mirandum (fuisse) in toto orbe terrarum," *m*).

CAP. III.

e) Plin. 36. 24. Non possum hic non repetere ad hunc locum Lipsii verba: "Tales, tales sint Vobis, o magni reges, consilarii atque ministri, qui opibus per Vos aucti eas in publicum refundant et gratiam gloriamque simul operibus suis apud posteros imperii vestri propagent!" Quodsi autem ciuium commoditati prospexisse iam tanta laus est, quanta gloria esse debet eorum, qui aut ea instituerunt, quibus vita humana litte-

ris atque artibus excoleretur, aut qui talia instituta augent, ornant ornanturque?

f) Plin. 1. cit.

g) Sueton. in Aug. c. 30.

h) Frontin. art. 99.

i) Gruteri Corpus Inscript. p. 178. 6. 354. 1. 381. 1. et 3. 431. 4. 483. 3. &c.

k) Pancirollus ad notit. Imperii c. 7.

l) Cassiodor. Var. Epp. VII. 6.

m) Plin. 36. 24.

CAP. III. SECT. III.

De cura balneorum atque de diuersoriis.

§. 78.

De balneis publicis atque de Thermis.

Inter commoditates Urbis praecipuas balnea publica merito sunt referenda, quippe quae tam per coeli plagam calidiorē, quam Romanorum cultu vestiendique more valde necessaria erant, posteriori vero tempore maximae luxuriae occasionem praebuere. Balnea erant loca, ubi homines lauabantur, prisci quidem praesertim abstergendarum sordium causa, quas Romani partim quia nudis pedibus soleas tantum subligabant ⁿ⁾, partim quia linteo nondum utebantur, frequentes sudore contrahebant, postea vero inprimis voluptatis gratia. Prima Romae balnea priuatorum opulentiorum erant, pauperes in Tiberi aut in piscinis lauabantur, postea vero etiam publicata sunt. Verum enimvero quo tempore hoc sit factum, certo definire non licet. Vulgo quidem balnea publicis vñsibus destinata ab Agrippa demum ferunt, qui per Aedilitatis annum 170. βαλανεῖα προῖκα δὲ τοῖς καὶ τοῖς ἀνδράσι καὶ ταῖς γυναιξὶ λουεσθαι παρέσχετο). Verum isti homines publica balnea cum iis confundunt, in quibus gratis lauabantur. Seneca autem iam V. C. 553. balnea publicata fuisse statuit ^{p)}. Certe Augusti temporibus publicorum iam ingens numerus exstitit, qui tamen sub eius successoribus in tantum auctus est, ut Victoris tempore ad 856. vel si Panuinio fides, supra 900. exsurrexerit.

Thermae seu aquarum calidarum balineae, ut vulgo quidem fertur, a Maecenate ^{q)}, certe sub primis imperatoribus inuentae. Verum nonnisi principum opera Thermae fuisse videntur; saltem priuatorum Thermae in censum non veniebant. Inter istas autem spectatiores fuerunt Thermae Neronis, quae postea Alexandrinae dictae, Vespasiani, Titi, Domitiani, Hadriani, Antonini, Commodi, Seueri, Gordiani, Philippi, Decii, Aureliani, Taciti, Diocletiani, aliorumque, quas sola fere nominis inscriptione sibi seruata populo vtendas publicauerunt. Internam earum dispositionem hoc loco describere, a proposito nostro alienissimum esset. Qui talem descriptionem cupiunt, iis adeundus Andreas Baccius de Thermis, Olaus Horrichius in Antiqua Romae facie T. IV. Thes. Graev. p. 1597. Adler in Beschreibung von Rom p. 94. Ibidem et Balneorum Laconicorum fit mentio, quae quidem summae luxuriae inuenta dedit, de qua audiendus praecipue Seneca Ep. 86. cf. Scriptores de Luxu Romanorum, Kobierzykium atque Meursium.

§. 79.

ⁿ⁾ Seneca Epist. 86: priscos, ait, brachia tantum et crura quotidie abluisse, quae scilicet sordes opere colligerent, ceterum totos nundinis esse lauatos.

^{o)} Dio 49. 43.

^{p)} Loc. cit.

^{q)} Dio 55. 7.

§. 79.

De balnearum disciplina.

Qui balnea lauandi causa intrabant, singuli pro hora integra quadrantem soluere tenebantur *r*), unde quadrantariam rem Balnea vocat Seneca. Interdum etiam Aediles ad conciliandum populi fauorem balnea conducebant, vt his gratis lauarentur. M. Agrippam gratuita balnea populo praeuisse iam vidimus, idemque moriens balneum suum populo legauit. Pari modo Diuus Antoninus ob popularem gratiam balneum sine mercede exhibuit. Alexander Seuerus autem ex omnium artium seu opificiorum vectigali instituto Thermas et quas ipse fundauerat, et superiores populi vsibus iussit exhiberi. Lamprid. in Seuero. c. 24. Balnea publ. apud maiores nocte aut ante auroram nulli patuere sed a primis tenebris ad auroram clausa fuerunt, siquidem omnino noctu lauare interdictum erat. Hadrianus ante octauam, nisi valetudine laboraret, publicis balneis, vbi tempus lauandi maxime a meridiano ad vesperam constitutum, teste Vitruuio, erat *s*), neminem admisit *t*). Postea Alexander Seuerus, ne quid populo incommodaretur, balnea etiam nocturna concessit, oleo pro luminibus praebito. Ceterum illud notabile est, quod tintinnabulo ex gymnasio lauaturi reuocabantur ad Thermas paulo post claudendas, adeoque monebantur, vt si lauari vellent, sonante tintinnabulo lauari properarent *u*).

Olim omnia in balneis summa modestia agebantur, erant pro sexibus lauacra separata, neque puberes cum patribus, neque generi cum soceris lauabantur. Postea vero cum modestiam luxus fugasset, balnea viris aeque ac mulieribus promiscua fuerunt. Itaque Hadrianus lauacra pro sexibus separauit, vetuitque, ne mulieres cum viris lauarentur *x*). Cum pessima illa mixtim lauandi consuetudo renasceretur, iterum Marci Antonini *y*) et Alexandri Seueri *z*) constitutionibus fuit abrogata.

§. 80.

De cura balnearum.

Balnearum curam iam antiquitus Aedilibus fuisse iniunctam luculenter declarat Seneca Epist. 86. unde locum classicum apponere non dubito: "Dii boni, inquit, quam inuabat illa balnea intrare obscura et gregali (idest, vulgari ex calce, non marmore et crustis) tectorio inducta, quae scires *Catonem tibi*

r) Horat. Sat. I. 3. "Cum Tu quadrante lavatum — Rex ibis; et Iuvenal Sat. VI. 2. caedere Sylvano porcum, quadrante lauari.

s) Vitruv. IV. 10.

t) Spartian. in Hadriano c. 22.

u) Vid. Martialis Scholiasten ad illud: Sonat aes Thymarum Epigr. XIV. 163. Domitium.

x) Spartian. in Hadriano. 18. Dio 69. 8.

y) Capitolin. c. 23.

z) Lamprid. c. 24.

tibi Aedilem aut Fabium Maximum aut ex Corneliis aliquem manu sua temperasse? Nam hoc quoque nobilissimi Aediles fungebantur officio, intrandi ea loca, quae populum receptabant exigendique munditias et utilem et salubrem temperaturationem, non hanc, quae nuper inuenta est, similis incendio." Balnearum curam apud Aediles etiam sub Imperatoribus mansisse ex Plutarcho discimus, cuius locum, et alia de causa notabilem, huc transcribere non grauabor: "Ignis ex olea, inquit, inimicus est balneis et tabulata ac fornices funditus labefactat. Ideo periti Aediles non permittunt, balnearum redemptoribus, ignibus oleagineis uti, sicuti nec lolium conicere in ignem et herbam." a) Habemus igitur hoc loco balnearum redemptores, itaque locatae sunt priuatis certo vectigali imposito. Ceterum balneis, quae publice lauarent, privilegium antiquitus concessum fuit, ut semel data aqua maneret, quod ex veteribus SCtis se cognouisse refert Frontinus (art. 107); postea vero cum quouis redemptore aquarum beneficium instauratum. Sub Imperatoribus etiam Praefectus Vrbi praecerat balneis eorumque mancipibus, quorum munus erat, vrenda lauacris ligna comportare et lauacrorum exhibitioni praesse. Aduersus capsarios, qui mercede seruanda in balneis vestimenta suscipiebant, iudex constitutus erat Praefectus Vigilum, ut si quid in vestimentis seruandis fraudulenter admisissent, ipse cognosceret b).

§. 81.

De diuersoriis.

Diuersoriorum usum Romae in tanto hominum confluxu imprimis necessarium fuisse, nemo quidem dubitare potest. Itaque Diuersoria meritoria, etiam hospitii usu adhuc florente, instituta atque recepta; ad quae viatoribus atque peregrinis quibusuis aditus patuit, ut ibi cibo, potu, quiete reficerentur, quin et per aliquod tempus commorari possent. Tabernarum autem diuersoriarum, cauponarum, popinarumque pro peregrinorum frequentia magna in Vrbe copia exstitit. Olim in istis locis omnia cibaria et cocta vendere licuit, quod tamen ius Imperatorum edictis si non plane sublatum, valde tamen fuit limitatum. Tiberius enim primis imperii annis Aedilibus negotium dedit "popinas ganeasque usque eo inhibendi, ut ne opera quidem pistoria proponi venalia finerent." Sueton. in Tib. c. 34. Claudius Imperator V. C. 794. p. C. N. 43. tabernas, quo potandi causa commorabantur, demolitus est edixitque: ne quis carnem elixam aut aquam calidam venderet c), de quo iam sub Tiberio cautum fuisse videtur. Nero autem interdixit: ne quid in popina cocti, praeter legumina et olera, vaeiret d). Etiam Vespasianus

a) Quaestio. Nat. L. IV. c. 10. Notabile hoc videtur ad physicam et historiam naturalem, verum utrum illa observatio etiam aliunde sit obuia aut confirmata, Vestrum est, Viri Illi, iudicare.

b) D. I. tit. 15. l. 3. §. 5. et L. 47. tit. 17. de furibus balnear.

c) Dio 60. 6.

d) Sueton. in Neron. c. 16.

Vespasianus, teste Dione *e*), in popinis, praeter legumina, nihil cocti vendere passus est, et apud Ammianum Marcellinum *f*) Ampelius, Praefectus vrbi, prohibuit, ne aquam vulgariū calefaceret quisquam *g*). Ceterum cum iam antiquitus Aediles fungerentur officio, intrandi ea loca, quae populum receptarent, aut in quibus aliquid venum prostacket, extra omne dubium positum est, etiam Tabernas diuersorias, cauponas, popinas, ganeasque illorum curae sub republica fuisse mandatas. Idem autem officium etiam sub primis Imperatoribus illis mansisse ex Suetonio ad marginem laudato apparet. Claudius Imp. popinarum coercionem Aedilibus ademit, relegato etiam Senatore, qui in Aedilitate inquilinos praediorum suorum contra vetitum cocta vendentes multasset, villicumque interuenientem flagellasset *h*); postea vero sine dubio Aedilibus restituta est illa potestas. Sciori aeuo etiam Praefecti Vrbi in iis locis, de quibus hic egimus, aliquam curam fuisse ex Ammiano Marcellino l.c. videtur, qualis autem illa, quantaue fuerit, definire non ausim.

CAP. III. SECT. IV.

De temporis publica significatione.

§. 82.

In adumbrandis Romanorum, quibus ciuium commoditati prospectum iuerunt, institutis, nequaquam omittenda nobis videtur ea pars politiae Urbis, vnde olim Germanorum ille Imperator ad omnem vrbs politiam recte colligi posse nullus dubitauit; publicam innuo temporis significationem, quae plerumque horologiis publice institutis effecta est. Diu autem Roma horologiorum, ad quae apud prudentes pleraque vitae officia distribuuntur, commodo caruit. Romam enim a primis inde temporibus vsque ad primum punicum bellum nonnisi ortus et occasus dierum, postea vero etiam meridiem notarunt. Inde vsque ad bellum punicum seruatum est, vt accensus Consulū meridiem per Urbem pronunciaret, quod praecipue patet ex Boeotia, a Varrone adducta quam Comoediam Aelii esse voluerunt, hoc versu:

ubi primum accensus clamarit meridiem &c.

postea et horam tertiam esse, magistratuum accensi monuerunt. Princeps autem Romanis horologium solarium seu sciotericon, ante XII. annos, quam

M 2

cum

e) Dio 66. 10.

f) L. 28. c. 24.

g) De aqua calida, Romanis in deliciis, vid. Vicentius Bartus de calido, frigido et temperato

antiquorum potu; Freinsheimius in distrib. de calidae potu et G. Christian. Gebauer in libro de eod. argumento. Lips. 1721. 8.

h) Sueton. in Claud. c. 38.

cum Pyrrho bellatum est, ad aedem Quirini statuisse L. Papirius Cursor a Fabio Vestali narratur i). Verro autem primum statutum in publico secundum Rostra in columna tradit bello punico primo a Valerio Messala Consule, capta Catana in Sicilia, unde deportatum Romam V. C. 476. Et si vero hoc non congruebat ad horas meridiani Urbis, nihilominus ei annis inde C. Romani paruerunt, donec Q. Marcius Philippus, qui cum Lucio Paulo Censor fuit, aliud diligentius ordinatum iuxta posuit, quod munus inter Censoria opera gratissime fuit acceptum. Verum tum etiam tempore nubilo incertae fuerunt horae, donec Scipio Nasica primus aquae horologio, quod clepsydram Graeci vocant, horas noctium atque dierum certa ratione diuisit, idque horologium V. C. 595. sub tecto dedicauit k). Ex eo praesertim tempore domini seruos in forum miserunt, ut, quatenus hora esset, explorarent. Postea horarum rationem variis solaribus et umbra sua ostenderunt Obelisci l); et Scioterica, teste Varrone, Basilicis ornamento fuerunt. Existimarunt quidem nonnulli, Luciani aeuo diei noctisque horas tintinnabuli maioris sono fuisse distinctas, verum de hac re, an vere ita se habuerit, valde dubitatum est, certe apud Plinium et Vitruuium, ubi de horologiis agunt, altum eius rei silentium, etsi in thermis tintinnabulorum usum receptum iam supra vidimus.

CAPVT IV.

De ornamentis Urbis.

§. 83.

Restat nunc iam quartum et vltimum commentationis caput, de ornamentis Urbis inscriptum, quo quidem ea complectimur opera publica et instituta, quae, ad commoditates Urbis etsi proxime non spectent, oculis tamen iucunda adspectu ad cultum Urbis externum pertinent, quo fit, ut tam ciues, quam peregrini libentius in ea commorentur, his autem magna aliqua opulentiae sensusque pulchri, quibus ciues polleant, opinio ex Urbis adspectu oritur. Liceat autem hoc loco paucis adnotare, quomodo temporum successu, quatuor illae politiae partes sensim sensimque ortae sint. Initio quidem satis habuerunt, si a maximis tantummodo periculis vitam suam bonaque possent tueri; inde primum *Securitati Urbis* legibus atque institutis consultum, communia autem, quae ab hostibus externis imminerent, pericula ciues ipsos tranquil-

i) Plin. H. N. VII. 60.

k) Plin. VII. 60.

l) De Augusti Obelisco in Campo Martio erecto de quo Plin. 36. 15. consulendus, vid. Bandinius de Obelisco Caes. Augusti nuper eruto 1750. et ibi Boscouich in Epp.

tranquillos adhuc et inter se vnanimos reddiderunt. Deinde vero finitimis subactis imperique finibus prolatis cum *tranquillitas* etiam sollicitari coepisset, *istius quoque cura* publice fuit habenda. Postero tempore opibus aucti cultuque etiam progressi non securitatem solum tranquillitatemque procurare, sed etiam *Commoditates* Vrbi conciliare tuerique sunt agressi, immo ad postremum *Ornamenta* etiam eorumque curam adiecerunt. Urbis autem ornamenta praecipue quidem cernuntur in aedificiis publicis artisque operibus publicatis, quae splendorem decoremque Vrbi adferunt, verum etiam in priuatorum aedificiis; certe politiae curandum, vt munda sint, neque ruinis tristem reddant Urbis adspectum. Primum igitur *de aedificiis aliisque operibus publicis*, postea *de priuatis* erit nobis dicendum.

§. 84.

Historia Urbis operibus publicis ornatae.

Priscos Quirites maioribus rebus ac magis necessariis intentos atque occupatos pulchritudinis Vrbi conciliandae nullam suscepisse cogitationem et rerum natura et auctorum testimonia docent *m*). Primum tamen Urbis operibus publicis exornandae initium iam a Rege Tarquinio Prisco factum, qui diuisis circa forum aedificandis locis porticus tabernasque fecisse *n*), immo si Dionysium audias (de cuius tamen fide iam inter nos constat) alia etiam Urbis ornamenta adiecisse traditur. Postea Aediles ex frumentariorum, foeneratorum, pecuariorum, quibus diem dixerunt, bonis multatis varia Vrbi addiderunt ornamenta *o*). Plerumque tamen ex manubiis, quarum decima pars aerario erat inferenda, aedificia publica sunt exstructa, quae decus Vrbi ornatumque possent adferre. Praecipue autem Graecarum ciuitatum cultu cognito Romani de sua Vrbe exornanda diligentius cogitarunt, quod factum primum est V. C. 542. Syratufis a Marcello captis. In hac enim vrbe non solum magnificentissima opera publica atque aedificia admirandi Romanis occasio fuit, sed Marcellus etiam urbis ornamenta, quibus abundarent Syracusae, Romam transuexit. Posteriores duces id factum imitati talia complura ex urbibus expugnatis secum Romam duxerunt. Hinc illa licentia, sacra profanaque omnia Graecorum vulgo spoliandi, hinc Graeci architecti, alique artifices Romam aduecti, quorum operibus Vrbs ornaretur V. C. 573. annum vectigal Censoribus decretum, quo ad opera publica vterentur *p*). Interdum etiam ciues opulentiores auram popularem captantes, aut priuati aut magistratus gerentes, ex sua pecunia opera publica eduxerunt.

M 3

Verum

m) Strabo L. V. c. 21. οἱ παλαιοὶ μὲν τοῦ καλλοῦς τῆς πόλεως ολιγώρουν, πρὸς πολλοὺς μείζοντες καὶ ἀναγκασιότεροις ὄντες.

n) Liv. I. 35.

o) Liv. 10. 23. 33. 42. et alibi.

p) Liv. 40. 46.

Verum super omnes, qui magnificis operibus Urbem exornarunt, Augustus eminet, qui Urbis, neque pro maiestate imperii satis ornatae incendii-que et inundationibus obnoxiae, faciem per imperii sui tempora adeo in melius mutauit atque excoluit, ut iure sit gloriatus, marmoream se reliquisse, cum lateritiam accepisset *q*). Ipse enim non contentus aedificiis exstruendis aut veteribus reficiendis ceteros quoque principes viros adhortatus est, ut pro facultate quisque monumentis vel nouis vel resectis et excultis urbem exornarent *r*). Sub incendio quidem Neroni cineribus pleraque Urbis ornamenta fuerunt sepulta, mox vero nouus tantusque in Vrbe decor fundatus, ut ideo tantum consumpta videri Romanis potuerit, ut in melius excitaretur. Sequentium Imperatorum quisque, ut erat gloriae cupidior, ita magnificis splendidis sumtuosisque operibus Urbem ornauit, adeo ut seriori aeuo satis habendum esset, antiqua reficere, neque de nouis excitandis iam adeo essent solliciti.

§. 85.

De spatii, cui Vrbs inaedificata fuit, distinctione.

Post Gallicum incendium, altius enim historiae monumenta repetere non licet, cum ex cineribus suis Vrbs aegre exurgeret, promiscue fuit illa aedificata, id est, aedificia Urbis nulla omnino distinctione et quia vicos dirigendi curam festinatio eximeret, passim erecta *s*). Inde Urbis viarum illae angustiae, vicorum flexurae, errores atque Maeandri, quos neque Augustus, cum iam egregiis operibus Vrbs esset ornata, tollere potuit; “inde forma Urbis occupatae magis quam diuisae similis fuit *t*),” aedificiorum autem altitudine obscura et umbris proiectis paene caliginosa. Neronem igitur illius adspectu offensum, nouae urbis conditae et melius ordinatae gloriam incendio quaesuisse, ut erat eius temeritas atque furor, non adeo a vero alienum arbitror *u*). Post incendium autem clara pulchritudine Vrbs resurrexit “*dimensis vitorum ordinibus, latis viarum spatiis, patefactis arcibus*,” *x*) seu interuallis largis, spatiofis, puris, quibus vici distinguerentur. In aditu autem atque introitu arcarum aedificia publica tum sacra, tum profana ita erant exstructa, ut eorum frontes obuersae essent viis, quas splendore suo ac magnifico architecturae apparatu huiusque ornamentis illustrarent, omnibus autem, qui ad Urbem conuenerent, stupore moro populi Romani maiestatem ex opulentia intuentium animis alte imprimerent. Quodsi vero ornamentorum et, in quibus ornamentorum longe maxima pars posita erat, operum publicorum tutelam quodam modo adumbrare iubeor, pauca de his, quatenam qualiaque fuerint, videntur praemittenda, etsi plena eorum descriptio hic expectari non potest.

§. 86.

q) Sueton. in Aug. c. 29.*r*) Ibid.*s*) Tacit. Ann. XV. 43. Liv. V. 55.*t*) Ibid.*u*) Sueton. in Ner. 38.*x*) Tacit. l. c.

§. 86.

Operum publicorum, quae ad Urbis decus faciebant, generalis Recensio.

Inter opera publica, in quibus ornatus ciuitatis decusque constitit, primum refero Deorum immortalium *templa*, sub quorum nomine omnia complector aedificia sacra, quorum infinita Romae copia exstīit, quaeque aut aedes, aut aediculae, aut fana, delubra, sacraria, sacella sunt appellata. Primis Romae temporibus *templa* nihil minus, quam magnifica et splendida, Iouis templum in Capitolio angustum et humile fuit ^y). Postquam opes crenere, creuerunt et aedificia sacra, donec sub Imperatoribus ad summum maiestatis fastigium splendoremque, non structura solum magnifica sed et artis operibus pretiosissimis adiectis peruenerunt.

Magnificentissimae Urbis Romae partes aut, si mauis, opera publica maxima fuerunt *Fora*, pulcherrimis aedificiis, statuarumque copia infinita exornata. Praecipua eorum ornamenta fuerunt aedificia publica, *Templa*, *Curiae*, *Basilicae*. Curiarum duo genera fuisse Varro et Festus docent, vnum, in quo sacerdotes res diuinas, sacra cultusque Deorum curarunt, alterum in quo Senatus habitus est. Celebrantur inprimis Curia Hostilia seu Vetus, Calabra, Pompeii, Iulia. Basilicae erant aedificia ampla et ornatissima, ita exstructa, vt in altera parte iudicia, in altera vero negotia mercatorum aliorumque possent exerceri. V. C. 564. M. Porcius Cato Censor primam in foro antiquo aedificauit, quae Porcia est appellata ^z); paulo post accessit Sempronia ^a); et multo post Opimia, Aemilii, Iulia, Pauli, Phrygibus columnis insignita; Caii et Lucii ab Augusto eorum nomine conditae; Pompeii sub theatro adnexa; Traiani in foro proprio et aliae. *Fora* autem praecipua fuerunt *Romanum* seu *Vetus*, *Boarium*, *Olitorium*, *Piscatorium*, *Capedinis*, *Transitorium* a Domitiano factum postea Nerae dictum, et ab Alexandro Severo eximie ornatum "statuis colosseis, pedestribus vel equestribus diuis Imperatoribus locatis cum titulis et columnis aereis, quae gestorum ordinem continerent;" ^b) *Pistorium*, *Palladium*, *Suarium* et alia; inprimis vero celebrantur *Forum Iulium* et *Augusti*, in cuius porticibus "statuae ducum Romanorum, triumphali effigie, additis gestis, ex marmore spectatae, vt in posteris imitationem virtutis accenderent;" ^c) *Vlpio* vero siue *Traiano* nihil fere in tota vrbe splendidius. In hoc foro M. Antoninus locauit statuas nobilium ducum, quos bellum Germanicum

y) Egrege haec Ouidius expressit in Fast. I. 198 sq.
Dum populus pauper, dum nova Roma fuit
Dum casa martigenam capiebat parua Quirium,
Iupiter angusta vix totus stebat in aede
Inque Iouis dextra fixile fulmen erat.
Frondibus ornabant, quae nunc Capitolia gemmis,

z) Liv. 39. 44.

a) Liv. 44. 16.

b) Lamprid. in Alexandro.

c) Sueton. in Aug. 31.

manicum consumserat, Alexander plures addidit summorum virorum, Ceterum forum Romanum olim, cum thesauri ducerentur, id est, in ludis Circensibus, tabulis signis atque statuis adornari solitum *d)*, quin et lucernis instructum, ut ex fragmento Lucilii apud Nonium colligitur.

Inter ornamenta Urbis primaria referenda sunt etiam loca ludis dicata, *Campi* primum, in his praesertim *Martius*, splendido apparatu, multisque ornamentis insignis; *Circi*, praecipue *maximus* et *Flaminius e)*; *Theatra*, quae temporalia primum et lignea fuisse Plinius *f)*, et multa quotannis facta Vitruvius *g)* docent. Primum perpetuum et stabile Pompeius condidit *h)*. Augusti tempore tria Romae fuerunt, *Pompeii*, *Marcelli* et *Balbi*; Imperatores sequentes plura exstruxerunt, quae et Urbem et imperium honestarent, de quibus videatur Andr. Fulvius Sabinus de Urbis antiquitate IV, 2. *Amphitheatra* a Theatris in eo differebant, quod haec in hemicycli formam constructa fuerint, addita scena ad ludos dramaticos; amphitheatra vero in formam cycli exstructa ad gladiatorios praecipue ludos undequaque sedes habuerint. Laudantur praecipue *Statilii Tauri i)* et *Flavium* seu *Vespasiani k)*, cuius fere demoliti ruinas etiamnum tantopere demirantur.

Neque omittenda in ornamentorum Urbis recensu dedicata commodis et sanitati civium aedificia, Aquaeductus, cum puteis et salientibus publicis, *Thermae*, *Balineae*, quorum magnifica celebratur structura, neque arcus triumphales, ante diem triumpho praestitutum a Senatu exstrui soliti et a triumphantium nominibus dicti; qui, veluti victoriae perpetuum monumentum erectum in Urbe, hostes fusos loquebantur; neque horti publici *Agrippae l)* et *Caesaris m)*, quos morientes civitati et populo publice legauerunt, plurimique privatorum, magnificentia et arte conspicui, ut celeberrimos laudem, *Pompeiani*, *Lucullani*, *Maecenatiani*, *Asiniani*, *Sallustiani* alique. Omnibus vero publicis operibus maximum decorem maiestatemque Urbi attulerunt porticus aedificiis publicis atque privatis annexae et summa cum magnificentia marmoreis columnis centenis saepe et pluribus exstructae, privatis aedificiis a Nerone additae suoque sumtu fabricatae *n)*.

§. 87.

De statuis, signis et tabulis.

Statuae iam antiquissimis Urbis temporibus illis, qui bene de civibus meruissent, in publico positae. Primum non nisi populi aut patrum decreto id

d) Liv. 9. 40.

e) Idem 30. 38.

f) L. 36. 15.

g) L. V. 5.

h) Tacit. Ann. XIV. 20. etsi iam antea stabile theatrum fuisse Livius innuere videatur. L. 40. 51.

i) Sueton. in Aug. 29.

k) Sueton. in Vespas. c. 9.

l) Dio 54. 29.

m) Dio 43. 35. Tacit. Ann. II. 41. et Sueton. in Caes. 83.

n) Idem XV. 43.

id factum, postea etiam priuatim ponere sibi sumserunt. Sexto ab V.C. saeculo statuarum ponendarum licentia tanta fuit vsurpata, vt a Censoribus non solum coerceri et inhiberi, verum et multae statuae iam positae tolli debuerint. Ita V.C. 596. a Censoribus P. Cornelio Scipione, M. Popilio statuas circa forum, eorum qui magistratus gesserant, sublatas omnes, praeter eas, quae populi aut Senatus sententia statutae essent, ex L. Pisone Plinius tradidit o). At Censoria haec seueritas haud diu durauit. M. Porcius Cato in Censura est vociferatus, "mulieribus Romanis in prouinciis statuas poni, nec tamen potuit inhibere, quo minus Romae quoque ponerentur." p) Sub primis imperatoribus tanta statuarum copia erat, vt Urbem vias vicosque non ornarent, sed stiparent et arctarent. Non enim in Vrbe solum plurimae statuae erant factae, sed multo maior copia aliunde aduecta. Omnes enim duces ex deuictis gentibus correptas Romam duxerant, vt ibi in triumpho ostenderent. Ita Mummius deuicta Achaia statuis Urbem impleuerat, Aemilius vero Paulus in triumpho de Perseo debellato, 250. bigis statuas captiuas, tabulas pictas et Colossos in Urbem duxerat, multa etiam Luculli, multa alii inuexerant q). Ita vrbs statuis erat repleta, neque tamen ardor ille et affectatio statuarum inter Romanos deferbuit, sed ipsis Imperatorum edictis fuit reprimenda. Itaque Caius Imperator, statuis virorum illustrium, quae ab Augusto ex Capitolina area propter angustias in Martium campum erant collatae, subuersis atque disiectis, "vetuit posthac viuientium cuiquam vsquam statuam aut imaginem, nisi consulto se et auctore, poni." r) Claudius ple- rasque iam positas loco mouit et alio transtulit edixitque: ne quis in postle- rum priuatus poneret, nisi Senatus permisso, excepto, si quod opus publi- cum faceret reficeretue s). Nihilominus incredibilis statuarum numerus etiam posteris temporibus in Vrbe mansit, adeo vt ad eorum adspectum obstupuisse Constantinum Marcellinus tradat, et sexto adhuc saeculo, "popu- lum statuarum copiosissimum, greges etiam abundantissimos equorum" in Vrbe tuendos Cassiodorus collaudet t).

Etiam tabulae pictae, quas principio vnicum aedificiorum ornatum et extra et intus fuisse Plinius perhibet, in publico, vbi commodè et tuto aduer- sus aeris, pluuiae et hiemis iniurias collocari poterant, adeoque in porticibus potissimum sunt dicatae atque dispositae u). Iterum ab exteris nationibus reportatae et in Vrbe vulgo positae primum earum studium Romanis accen- derunt. Magnam inprimis copiam ex Syracusis Romam Marcellus deuexit, postea

o) XXXIV. 7.

p) Plin. ibidem c. 6.

q) Plin. Hist. N. 34. 7.

r) Sueton. in Caio. c. 34.

s) Dio apud Xiphilin. in l. vi.

t) Cassiodor. Var. Epp. VII. 14.

u) Plin. H. N. 36. 1.

postea alii eius exemplum secuti ex omnibus urbibus expugnatis una cum statuis et signis infinitam tabularum multitudinem Romam apportarunt. Verum et alia ratione Graecarum ciuitatum ornatus Vrbi accessisse, eius quidem rei nobile exemplum Plinius memoriae prodidit: "Tabulas, inquit, Sicyone e publico omnes propter aes alienum ciuitatis addictas, Aedilitas M. Scauri Romam transtulit x)." Auctus ibi tabularum publicatarum numerus est more Romanis consueto, ut scilicet captarum urbium atque terrarum imagines publice in foro dicarent. Ita L. Hostilius Mancinus, qui primus Carthaginem irruerat, situm eius, expugnationesque depictas in foro proposuit y). Sed praecipuam auctoritatem fecit publice tabulis Caesar Dictator et post eum M. Agrippa, cuius Plinii adhuc tempore oratio exstitit magnifica "de tabulis signisque publicandis, quod fieri satius fuisset, quam in villarum exiliis pelli." z)

§. 88.

De operum publicorum tutela.

Quod ad operum publicorum tutelam spectat, eius quidem adumbratione duplici ex ratione paucis defungi licet. Primum enim plura, quae ad illam faciunt, inprimis curam incendiorum, inundationum, ruinarumque iam capite primo attulimus, de aquaeductuum autem, balnearum, porticum, pontium tutela capite tertio, ibidemque §. 66. etiam de illa cura satis dictum est, ne loca publica, quae et ad commoditates et ad ornamenta pertinent, priuatis aedificiis occuparentur, superimposita vero destruerentur. Deinde vero apud veteres auctores de operibus publicis tuendis nonnisi rara habetur mentio. Quae enim huc spectent, leges memoria dignas, praeter seniorum Imperatorum edicta, nullas inuenio. His autem inprimis cauetur aut ne omnino opera noua, aut ut non dirutis aliis operibus excitentur, nisi ex permissu principis, contra vero vetera refici et inchoata compleri iubentur. Ita quidem Valens, Gratianus et Valentinianus AAA. circa P. C. N. 378. seuerè prohibuerunt, "ne qui nouum opus volet in Vrbe moliri, id effossis nobilium operum substructionibus, rediuiuis de publico saxis, marmorum frustis spoliatarum aedium reformatione conuulsis, faciat." a) Et Arcadius cum Honorio circa P. C. N. 400. edixerunt: "ne quis ad noui aliquid operis inchoandum, vel ex diuersis operibus aeramen aut marmora aut quamlibet speciem, quae vel in usu vel ornatu probabitur fuisse ciuitatis, deripere vel alio transferre audeat." b) Similiter Leo et Maiorianus circa 460. "aedes publicas et antiquas, quae propter usum vel amoenitatem publicam olim surrexerant in Vrbe Roma, alterius publici operis causa dirui" vetuerunt c).

Ceterum

x) Plin. H. N. 35. 11,

y) Ibid. c. 3.

z) Ibid.

a) Cod. Theod. XIX. de operibus publ.

b) Cod. Theod. L. 37.

c) Nouell. L. 6. de aedif. publ.

Ceterum illud omnino est tenendum, operum publicorum curam, vt et noua excitarentur, et vetera facta tecta essent atque niterent, omnem illam per redemptores auctam esse, qui a magistratibus opera publica facienda et reficienda conducerent.

§. 89.

Operum publicorum Curatores.

Agmen illorum ducant *Aediles*, qui ab antiquissimis Urbis temporibus operum publicorum maximam curam gessisse, ab aedibus etiam publicis atque priuatis curandis nomen tulisse memorantur. Satis tamen mature operum publicorum, (certe praecipua) cura ab iis ad *Censores* transiit, "locorum publicorum ius priuatorumque habentes." *d)* Itaque iam V.C. 447. aedem, quam Consul bello Samnitium vouerat, a Censore locatam et V.C. 548. facta tecta acriter et summa cum fide exacta Liv. 29, 37. legimus *e)*. V.C. autem 573. annum ipsis postulantibus, quo in opera publica vterentur, vectigal decretum est *f)*. Eodem anno Censor M. Aemilius Lepidus "theatrum et proscenium ad Apollinis, aedem Iouis in Capitolio columnasque circa poliendas albo locauit, et ab his columnis, quae incommode opposita videbantur, signa amouit, clypeosque de columnis et signa militaria affixa omnis generis demisit." *g)* V.C. 585. Censoribus ad opera publica facienda dimidium ex vectigalibus eius anni attributum ex Scto a Quaestoribus est. Inde illi reficienda locarunt, quae circa forum incendio erant consumta *h)*. Neque tamen ab operum publicorum cura Aediles interim remoti fuerunt. Nam praeterquam quod saepe ex pecunia mulctaticia opera publica exstruxerunt *i)* et ornarunt *h)*, saepius adhuc omnis operum publicorum cura ad illos rediit, posteaquam a Mamercio Aemilio V.C. 321. quinquennalis antea Censura intra sex mensium et anni spatium fuit coacta *l)*. Sub finem reipublicae sacrarum praecipue aedium curam Aedilibus fuisse mandatam, Cicero, ipse Aedilis designatus declarat: "mihi, inquit, sacrarum aedium procuratio, mihi tota Urbs tuenda est commissa." in Verr. III, 14. Ceterum illius curae monumenta adhuc exstant, quae in nummis gentium Romanorum passim occurrunt magnificae aedificiorum a maioribus conditorum structurae. Praeter Aediles atque Censores laudantur et alii magistratus extra ordinem creati, quibus operum publicorum reficiendorum cura fuit iniuncta. Ita V.C. 540. Quinqueniri muris turribusque reficiendis, et Triumviri aedibus sacris restaurandis, alii alio tempore sunt creati *m)*.

N 2

Inter

d) Liv. IV. 8.*e)* Liv. 9. 43.*f)* Idem 40. 46.*g)* Ibid. c. 51.*h)* Liv. 44. 16.*i)* Liv. 10, 33. 24. 16. 33. 42. et al.*k)* Liv. 35, 10. 27, 6. 30, 39. 38, 35.*l)* Liv. 4. 24. et 9. 33.*m)* Liv. 25. 7. Ne quis miretur, murorum Urbis turriumque in commentatione nullam mentionem iniici, vix monendum puto, illa opera ad securitatem externam adeoque ad politice[m] pertinere.

Inter nova, quae ab Augusto inuenta sunt officia, etiam operum publicorum curam Tranquillus refert ⁿ⁾ et sane V. C. 741. *Curator operum publicorum* est constitutus, neque infrequens in lapideis monumentis titulus: Curator operum publicorum ^{o)}, interdum et CVRator sartorum tectorum operum publicorum; sed nonnisi *quasi magistratus* illi sunt a Frontino vocati. Opera publica autem hoc loco intelligenda sunt templa, Theatra, Amphitheatra, Fora cum ornamentis, Basilicae, Curiae, Circi, Campi, Pontes, portae et alia, quae integra conservare, collapsa restituere, aut nova redemptoribus locare facienda, Curatoris illius officium erat. Postea et *Curator operum maximorum* ^{p)}, incertum, quo tempore est constitutus, sicut et illud vix satis accurate definire licet, quatenam sint opera inter maxima referenda. Certe Circum maximum, Fora, Campos, Martium praesertim, Flaminium et Viminalem, forsitan et alia opera munda et integra servanda videtur ille curasse, cetera vero superiori Curatori fuisse relicta.

Seriori aeuo, certe ante Notitiam imperii, quae circa 426. P. C. N. scripta est, duo alii quasi magistratus sunt adiecti, de quibus parum est, quod certi pronunciem. Alter *Tribunus rerum nitentium* dictus, cuius sollicitudo fuisse videtur, ut opera publica nullis sordibus vitiarentur, sed ut nitescerent; alter Curator statuarum appellatus, qui ne deuasarentur aut forte tollerentur, prospiceret. Additi huic apparitores aut milites, qui noctu vigilabant, observabantque, ne statuae aut laederentur aut auferrentur, earumque fures Curator puniebat. Sexto etiam P. C. N. seculo hunc mansisse ex Cassiodoro discimus. Comitem Romae is illum vocat et in Formula Comitinae Romanae in hunc modum verba facit: "Si clausis domibus atque munitis insidiari solet nequissimum votum, quanto magis in Romana civitate videtur illici, qui in plateis pretiosum reperit, quod possit auferri? ubi sunt exposita, quae facere potuerunt diuitiae generales et labor mundi? Officium igitur tuum et milites consuetos noctibus potius innigilare compelle; in die autem civitas se ipsa custodit." ^{q)} Omnes autem, quos modo commemoravi, curatores seriori aeuo Praefecto Vrbi erant subiecti atque subordinati, sicuti et calcis coctores vectoresque, quorum corpora ad calcem ex IV. regionibus suburbicariis in usum operum publicorum farciendorum tegendorumque procurandam erant instituta, sub eiusdem dispositione erant.

§. 90.

ⁿ⁾ Sueton. in Aug. 37.

^{o)} Gruter. Inscr. p. 26. n. 3. 93. 1. 128. 2. 171. 7. &c. Reinesius Class. IX. 54.

^{p)} Gruterus p. 431. 4.

^{q)} Cassiod. Var. Epp. VII. 13. al. 14. et omnino de his Curatoribus vid. Pancirollus in Commentar. in Notitiam Imp.

§. 90.

De aedificiis priuatis, qualia diuersis temporibus in Vrbe fuerint conspicienda?

Quodsi de ornamentis Urbis ornatusque cura quaeritur, nequaquam sunt aedificia priuata negligenda, quae si sordida, si ruinis deformia adspectuque tristia sint, omnem fere ornatus, nitoris splendorisque publici effectum ex animo tollere atque delere, conceptamque de pulchritudine Urbis opinionem quam maxime diminuere necesse est. Itaque de priuatis aedificiis ex historia Urbis pauca repetam, postea, de illorum publica cura disserturus. Primis Urbis temporibus in humilibus casis luto ac stipula tectis fartisque Romani habitarunt. Regibus exactis Consulumque dignitate stabilita paulo quidem meliori artificio domos exstruxere, bellis vero semper occupati architecturae nullam operam dederunt. Ad haec quidem tempora Varronis verba spectare videntur: "Antiqui nostri domibus lateritiis, paululum modo, lapidibus suffundatis, ut humorem effugere possent, habitarunt." ^{r)} Postea vero cum imperii opibus auctis etiam priuatorum opes creuissent, tunc et priuata aedificia sunt amplificata et ex lapidibus educta. Septimo demum V. C. saeculo L. Crassus Censor peregrini marmoris usum Romam primus transtulit, ad domum suam statuens columnas sex ex lapidinis Hymettiis, cum in publico tales nondum fuissent. Inde vero graniter a Censore collega est increpitus et a M. Bruto Venus Palatina (in Palatino enim domum habebat) vocatus ^{s)}. Mox M. Scaurus in Aedilitate sua Romam aduehi curauit CCCLX. columnas marmoreas, ex quibus theatrum suum fecit temporarium; marmorisque usus adeo Romae inualuit, ut iam V. C. 666. M. Lepidus limina ex marmore numidico in domo posuerit. Et hac quidem domo pulchrior eo anno Romae nulla fuit, at hercle intra annos XXXV. eadem centesimum locum non obtinuit; adeo domorum priuatorum magnificentia atque splendor tam breui temporis spatio accreuerant.

Sub primis imperatoribus in maximam altitudinem domos, etiam usque ad viginti tabulata eduxerunt, quod malum iam sub republica Urbem inuasisse, pluribus autem Imperatorum de modo aedificiorum edictis promulgatis cohibitum iam supra vidimus. Altero P. C. N. saeculo etiam viridaria et nemora et piscinas supra aedificia Romanos habuisse ex Iure Romano discimus ^{t)}. Inprimis vero ostiorum columnarumque insanum fere studium erat, unde et publice cohibitum, imposito vectigali, si quis plura ostia, plures columnas, quam lex permetteret, haberet, quod quidem vectigal ad legem Iuliam sumtuariam, qua omnium fere impensarum numerus erat definitus, referendum esse an recte statuunt Bosius, Popma ^{u)}, Burmannus, de eo quidem alii iudicent. Ceterum quoties incendio facto etiam priuatorum aedi-

N 3

ficia

^{r)} Cf. Plin. 35. 14.^{s)} Plin. 36. 3.^{t)} D. VIII. tit. 8. l. 13.^{u)} Ad Cic. ad Attic. XIII. 6.

ficia essent deleta semper vel certe plerumque meliore forma ornatioresque resurrexerunt, quod de Neroneo incendio licet imprimis contendere x). Quo tempore autem Constantinus M. imperii sedem Byzantium transtulit, priuatorum aedificiorum splendorem valde imminutum fuisse arbitror, gentes enim tum primariae Romae nouam transmigrarunt antiqua relicta.

§. 91.

De aedificiorum priuatorum cura publica.

In aedificiis priuatis illud maxime fuit curandum, ne illorum ruinis Urbis adpectus deformaretur. Et ad hanc quidem curam, praeter illa generalia, quae de incendiis, inundationibus atque ruinis a Romanis prouisa capite primo diximus, primum certe ex Vlpiani sententia spectat lex XII. Tabularum, quae neque soluere permisit tignum furtium neque vindicare, ne sub hoc praetextu aedes diruerentur, quam quidem legem suo tempore adhuc valuisse, Vlpianus testatur y). Posset etiam huc trahi poenae, qua sub republica hostes patriae erant effecti, abolitio, etsi expressa lege, quantum scimus, nunquam rogata, aedium scilicet subuersionis, cuius exempla Cicero collegit z). Sine dubio enim hac poena propterea abstinerunt, ne urbs huiusmodi destructionibus aedificiorum deformaretur. Primis sub Imperatoribus cum aedificandi studium inter Romanos maxime vigeret, perpetuis, quae possessorum reuenditionibus aliisque rationibus saepissime mutatorum sponte fierent ruinae a), tristis saepe Urbis adpectus atque deformis est redditus. Praecipue autem promercii seu negotiationis causa plurima sunt aedificia destructa et quae illis iuncta fuerant, ornamenta detracta. Inde V. C. 800. p. C. N. 49. nobile illud SCrum factum, quod ex tabula aenea, Herculani olim clauis parieti adfixa, apud Reinesium Class. VII. n. 2. hic repetere non dubitamus:

CN. HOSIDIO. GETA. L. VAGELLIO. COS. X. CAL. OCTOB. SC.
Cum providentia optumi principis, tectis quoque Urbis nostrae et totius Italiae aeternitati prospexerit, quibus ipse non solum praecepto Augustissimo, sed etiam exemplo suo prodesset, conueniretque felicitati saeculi instantis proportionem operum publicorum, ~~etiam priuatorum custodire~~, deberentque abstinere se omnes cruentissimo genere negotiationis, ne inimicissimam pacem faciem inducere ruinis domum villarumque placere, si quis negotiandi causa emisset quod aedificium, ut diruendo plus acquireret, quam quanti emisset, tum duplam pecuniam qua mercatus eam rem esset, in AERARIUM inferri: utique

x) Tacit. Annal. XV. 43.

y) D. 47. tit. 3. l. 1.

z) Orat. pro domo c. 38. de poena ipsa adeundus Dio in Fragm. Peiresc. XXXI. et Valer. Max. VI. 31.

a) ~~Inuicem euentus~~ Strabo memorat L. V. c. 20. Noctis enim possessor eam domum plerumque demoliebatur, ut ex animo suo atque consilio de nouo exstrueret.

vtique de eo nihilominus ad Senatum referretur; cumque aequè non oportere malo exemplo vendere, quam emerint, venditores quoque coercerentur, qui scientes dolo malo intra hanc Senatus voluntatem vendidissent, placere tales venditiones inritas fieri; ceterum testari Senatum dominio constitui, qui rerum suarum possessores futuri aliquas partes earum mutauerint, dum non negotiationis causa id factum censuerint. In Senatu adfuerunt CCCLXXXIII.

Eadem lex Vespasiani edicto repetita *b)* et Spartiano quidem teste *c)* etiam ab Adriano; excepti tamen Papiniani tempore Imperatorum constitutionibus illi fuerunt, et detrachere ex aedibus suis rusticis atque vrbis, qui ad opus publicum, quod reipublicae promiserant, detractis vterentur *d)*. Verum non satis habuerunt Imperatores prohibere, ne ruinae temere fierent, verum etiam vt aedes collapsae aut quocunque modo destructae statim restituerentur, curarunt. Itaque Vespasianus, cum deformis Vrbs veteribus incendiis atque ruinis esset, vacuas areas occupare et aedificare, si possessores cessarent, cuique permisit *e)*. Nec non Adrianum dominium dedisse instauratori statim, Diuum Marcum vero a quatuor mensibus Victor memoriae prodidit. V.C. 874 p.Ch.N. 123. anno quinto imperii Adriani SCtum factum: ne ea, quae aedibus essent coniuncta, legarentur *f)*, quod de aedificiorum praecipue ornamentis intelligendum puto. Ceterum "de alia domo in aliam quaedam transferre licere, sed non ita vt integris aedificiis depositis publicus deformetur aspectus" P.C.N. 223. Alexander rescripsit *g)*. Constantinus denique V.C. 321. Elpidio, agenti vicem Praefecti praetorio ita rescripsit: Si quis post hanc legem ciuitate spoliata, ornatum (h.e. marmora vel columnas) ad rura transtulerit, priuetur ea possessione, quam ita ornauerit *h)*.

Aedificiorum priuatorum curam, si quidem reipublicae tempore aliquam publice habitam statuas, apud Aediles atque Censores illam fuisse suspicor, apud auctores enim nihil de illa reperio. Sub Imperatoribus Curatores regionum et Vicomagistros aedium priuatorum curam aliquam gessisse, verisimile tantum videtur, multo minus certo illam definire ausim. Papiniani verò tempore, id est, circa 200. P.C.N. Aediles aedificiorum priuatorum curam gessisse, certo scio. Ita enim in illius fragmento de officio Aedilium scriptum est: "Studeant Aediles, ne eorum aut alieni parietes domorum, qui ad viam ducunt, sint caduci, sed vt oportet emundent domini domorum et construant. Si autem non emundauerint, neque construxerint, multent eos, quousque firmos effecerint." Haecenus igitur reuera Aediles fuerunt Αστυνομοι, οἱ ἐπὶ τοῦ εἶναι καὶ θάραν τὴν πόλιν ἀσχολούμενοι.

b) Cod. VIII. tit. 10. l. 2. Paulus in D. 18. tit. 2. l. 52.

c) D. 30. de legat. I. l. 41. §. 5.

d) Tranquillus in Vespas. c. 8.

e) Dig. l. cit. §. 1.

f) Cod. VIII. tit. 10. l. 2.

g) Cod. l. cit. l. 6.

h) D. 43. tit. 10. l. 1.

COMMENTATIONIS CONSPECTVS.

Prolegomena. Quatuor capita in quaestione proposita, quorum

Cap. I. De securitate Urbis, qua comprehenditur

Sect. I. Securitas vitae et corporis.

Par. I. De vitae periculis, quae ab improborum insidiis dolose malo aut iniuria in ciuitate imminant. §. 2. Leges de vi. §. 3. Patria potestas. §. 4. Expositio liberorum. §. 5. Potestas dominorum in seruos coercita. §. 6. De beneficiis. §. 7. De autochiria. §. 8. De duellis, an Romae fuerint? §. 9. De iniuriis, quae corpori inferuntur. §. 10. De cura armorum seruandorum. §. 11. De nocturnae vicorum illustratione, an vnquam Romae fuerit usurpata? §. 12. De carceribus. §. 13. De Asyliis.

Par. II. De periculis, quae ab imprudentia et socordia vitae ciuium imminant. §. 14. De bestiis nocentibus. §. 15. De deiectis vel effusis. §. 16. De plaustris intra Urbem interdum non duendis. §. 17. De ruinis.

Par. III. De cura valetudinis. §. 19. De cura purioris in Vrbe aëris. §. 20. De cura fori, ne insalubria vendantur edulia. §. 21. De medicis et pharmpacopolis Romae. §. 22. Morborum epidemicorum remedia vnde Romanis quaesita?

Par. IV. De cura annonae. §. 24. De prouincis frumentariis. §. 25. De modo frumenti comparandi. §. 26. De horreis Romae frumentariis. §. 27. De largitionibus sub republica libera. §. 28. De Imperatorum largitionibus. §. 29. De recensu populi frumentationis causa. §. 30. Distribuendi ratio. §. 31. De caritate annonae atque penuria. §. 32. De magistratibus penes quos cura annonae fuit, ordinariis. §. 32. De annona salaria. §. 33. De cura lignorum.

Sect. II. De securitate honoris. §. 34. De infamia arcenda.

Sect. III. De securitate bonorum

Par. I. A furtis et hominum fraudibus praecipuis. §. 36. De furtis. §. 37. De furibus in Vrbe inuestigandis et conquirendis. §. 38. De horreis, quibus pretiosa conderentur. §. 39. De tutela minorum. §. 40. De cura ponderum et mensurarum. §. 41. De alea. §. 42. De re foenebri et de nummulariis. §. 43. De magicis artibus.

Par. II. Securitas bonorum a calibus fortuitis.

a) De cura incendiorum. §. 45. De incendiis, cur olim tam frequentia Romae? §. 46. De legibus, quibus illis obuiam itum. §. 47. De magistratibus, qui incendiis arcendis praerant sub republica. §. 48. Sub Imperatoribus. §. 49. De familiis publicis, vigilumque cohortibus. §. 50. De subsidiis atque instrumentis incendiis arcendis. §. 51. De damno, quod incendio acceptum erat, resarciendo. b) De inundatione Tiberis. §. 52.

Cap. II. De Tranquillitate Urbis.

I. De tranquillitate conseruanda §. 54. De auertendo, quod a cine potentiore tranquillitati inerat, periculo. §. 55. De premente annona et toenore. §. 55. De collegiis atque corporibus. §. 56. De periculis, quae a peregrinis tranquillitati imminabant. §. 57. De religionibus peregrinis. §. 58. De coniurationibus in Vrbe tollendis et detegendis. §. 59. De legibus maiestatis. §. 60. De cura tranquillitatis in magno seditionis metu et si factio in Vrbe esset.

II. De tranquillitate restituenda sub republica. §. 61. Quibus modis seditiones repressae atque sedatae.

III. De subsidiis tranquillitati conseruandae et restituendae ab Imperatoribus paratis. §. 62.

Cap. III. De commoditatibus Urbis. §. 63. Conspectus capituli.

Sect. I. De viarum in Vrbe tutela. §. 64. De viis muniendis. §. 65. De viis reficiendis. §. 66. De cura viarum ne vsus a priuatis impeditur. §. 67. De viis purgandis. §. 68. De magistratibus viarum sub republica tutoribus. §. 69. De viocuris urbanis sub Imperatoribus.

His adiungere liceat §. 70. De portibus. §. 71. De portibus. §. 72. De testicariis publicis. §. 73. De latrunculis publicis.

Sect. II. De Aquaeductibus I. de aquarum tutela. §. 74. De aquis Romam deductis. §. 75. De tutela aquarum. §. 76. De tutela aquaeductuum. §. 77. De magistratibus, qui aquarum curam gesserunt.

Sect. III. De cura balnearum. §. 78. De Balneis publicis atque de Thermis. §. 79. De balnearum disciplina. §. 80. De publica balnearum cura. Addo §. 81. De diuersoriis.

Sect. IV. De temporum publica significatione. §. 82.

Cap. IV. De ornamentis Urbis. §. 83. De hoc capite in vniuersum quaedam obseruat. §. 84. Historia Urbis operibus publicis exornatae. §. 85. De spatio, cui Vrbs insedificata fuit, distinctione. §. 86. Operum publicorum quae ad Urbis decus faciebant, recensio generalis. §. 87. De statuis, signis et tabulis publicatis. §. 88. De operum publicorum tutela. §. 89. Operum publicorum Custatores. §. 90. De aedificiis priuatis, qualia diuersis temporibus sunt in Vrbe conspecta? §. 91. De aedificiorum priuatorum publica cura.

